

(५१७)

अग्निं नरो दीधितिभिर् अरण्योर् हस्तच्युती जनयन्त प्रशस्तम् ।
दूरेदृशं गृहपतिम् अथर्युम् ॥ ७ ००१ ०१
तम् अग्निम् अस्ते वसवो न्य ऋण्वन् सुप्रतिचक्षम् अवसे कुतश् चित् ।
दक्षाय्यो यो दम आस नित्यः ॥ ७ ००१ ०२
प्रेद्धो अग्ने दीदिहि पुरो नो ऽजस्रया सूर्या यविष्ठ ।
त्वां शश्वन्त उप यन्ति वाजाः ॥ ७ ००१ ०३
प्र ते अग्नयो ऽग्निभ्यो वरं निः सुवीरासः शोशुचन्त द्युमन्तः ।
यत्रा नरः समासते सुजाताः ॥ ७ ००१ ०४
दा नो अग्ने धिया रयिं सुवीरं स्वपत्यं सहस्य प्रशस्तम् ।
न यं यावा तरति यातुमावान् ॥ ७ ००१ ०५
उप यम् एति युवतिः सुदक्षं दोषा वस्तोर् हविष्मती घृताची ।
उप स्वैनम् अरमतिर् वसूयुः ॥ ७ ००१ ०६
विश्वो अग्ने ऽप दहारातीर् येभिस् तपोभिर् अदहो जरूथम् ।
प्र निस्वरं चातयस्वामीवाम् ॥ ७ ००१ ०७
आ यस् ते अग्न इधते अनीकं वसिष्ठ शुक्र दीदिवः पावक ।
उतो न एभि स्तवथैर् इह स्याः ॥ ७ ००१ ०८
वि ये ते अग्ने भेजिरे अनीकम् मर्ता नरः पित्र्यासः पुरुत्रा ।
उतो न एभिः सुमना इह स्याः ॥ ७ ००१ ०९
इमे नरो वृत्रहत्येषु शूरा विश्वा अदेवीर् अभि सन्तु मायाः ।
ये मे धियम् पनयन्त प्रशस्ताम् ॥ ७ ००१ १०
मा शूने अग्ने नि षदाम नृणाम् माशेषसो ऽवीरता परि त्वा ।
प्रजावतीषु दुर्यासु दुर्य ॥ ७ ००१ ११
यम् अश्वी नित्यम् उपयाति यज्ञम् प्रजावन्तं स्वपत्यं क्षयं नः ।
स्वजन्मना शेषसा वावृधानम् ॥ ७ ००१ १२
पाहि नो अग्ने रक्षसो अजुष्टात् पाहि धूर्तेर् अररुषो अघायोः ।
त्वा युजा पृतनायूर् अभि प्याम् ॥ ७ ००१ १३

सेद् अग्निर् अग्नीर् अत्य् अस्त्व् अन्यान् यत्र वाजी तनयो वीळुपाणिः ।
 सहस्रपाथा अक्षरा समेति ॥ ७ ००१ १४
 सेद् अग्निर् यो वनुष्यतो निपाति समेद्वारम् अंहस उरुष्यात् ।
 सुजातासः परि चरन्ति वीराः ॥ ७ ००१ १५
 अयं सो अग्निर् आहुतः पुरुत्रा यम् ईशानः सम् इद् इन्धे हविष्मान् ।
 परि यम् एत्य् अध्वरेषु होता ॥ ७ ००१ १६
 त्वे अग्न आहवनानि भूरीशानास आ जुहुयाम् नित्या ।
 उभा कृण्वन्तो वहतू मियेधे ॥ ७ ००१ १७
 इमो अग्ने वीततमानि हव्याजस्रो वक्षि देवतातिम् अच्छ ।
 प्रति न ई सुरभीणि व्यन्तु ॥ ७ ००१ १८
 मा नो अग्ने ऽवीरते परा दा दुर्वाससे ऽमतये मा नो अस्यै ।
 मा नः क्षुधे मा रक्षस ऋतावो मा नो दमे मा वन आ जुहूर्थाः ॥ ७ ००१ १९
 नू मे ब्रह्माण्य् अग्न उच् छशाधि त्वं देव मघवद्भयः सुषूदः ।
 रातौ स्यामोभयास आ ते यूयम् पात स्वस्तिभिः सदा नः ॥ ७ ००१ २०
 त्वम् अग्ने सुहवो रणवसदृक् सुदीती सूनो सहसो दिदीहि ।
 मा त्वे सचा तनये नित्य आ धङ् मा वीरो अस्मन् नर्यो वि दासीत् ॥ ७ ००१ २१
 मा नो अग्ने दुर्भतये सचैषु देवेद्वेष्व् अग्निषु प्र वोचः ।
 मा ते अस्मान् दुर्मतयो भूमाच् चिद् देवस्य सूनो सहसो नशन्त ॥ ७ ००१ २२
 स मतो अग्ने स्वनीक रेवान् अमत्ये य आजुहोति हव्यम् ।
 स देवता वसुवनि दधाति यं सूरिर् अर्थी पृच्छमान एति ॥ ७ ००१ २३
 महो नो अग्ने सुवितस्य विद्वान् रयिं सूरिभ्य आ वहा बृहन्तम् ।
 येन वयं सहसावन् मदेमाविक्षितास आयुषा सुवीराः ॥ ७ ००१ २४
 नू मे ब्रह्माण्य् अग्न उच् छशाधि त्वं देव मघवद्भयः सुषूदः ।
 रातौ स्यामोभयास आ ते यूयम् पात स्वस्तिभिः सदा नः ॥ ७ ००१ २५
 (५१८)
 जुषस्व नः समिधम् अग्ने अद्य शोचा बृहद् यजत धूमम् ऋण्वन् ।
 उप स्पृश दिव्यं सानु स्तूपैः सं रश्मिभिस् ततनः सूर्यस्य ॥ ७ ००२ ०१
 नराशंसस्य महिमानम् एषाम् उप स्तोषाम यजतस्य यज्ञैः ।

ये सुक्रतवः शुचयो धियंधाः स्वदन्ति देवा उभयानि हव्या ॥ ७ ००२ ०२
 ईळैन्यं वो असुरं सुदक्षम् अन्तर दूतं रोदसी सत्यवाचम् ।
 मनुष्वद् अग्निम् मनुना समिद्धं सम् अध्वराय सदम् इन् महिम ॥ ७ ००२ ०३
 सपर्यवो भरमाणा अभिज्ञु प्र वृञ्जते नमसा बर्हिर् अग्नौ ।
 आजुहाना घृतपृष्ठम् पृषद्वद् अध्वर्यवो हविषा मर्जयध्वम् ॥ ७ ००२ ०४
 स्वाध्यो इ वि दुरो देवयन्तो ऽशिश्रयू रथयुर् देवताता ।
 पूर्वी शिशुं न मातरा रिहाणे सम् अग्नवो न समनेष्व् अञ्जन् ॥ ७ ००२ ०५
 उत योषणे दिव्ये मही न उषासानक्ता सुदुधेव धेनुः ।
 बर्हिषदा पुरुहूते मघोनी आ यज्ञिये सुविताय श्रयेताम् ॥ ७ ००२ ०६
 विप्रा यज्ञेषु मानुषेषु कारू मन्ये वां जातवेदसा यजध्वै ।
 ऊर्ध्वं नो अध्वरं कृतं हवेषु ता देवेषु वनथो वार्याणि ॥ ७ ००२ ०७
 आ भारती भारतीभिः सजोषा इळा देवैर् मनुष्येभिर् अग्निः ।
 सरस्वती सारस्वतेभिर् अर्वाक् तिस्रो देवीर् बर्हिर् एदं सदन्तु ॥ ७ ००२ ०८
 तन् नस् तुरीपम् अध पोषयित्तु देव त्वष्टर् वि रराणः स्यस्व ।
 यतो वीरः कर्मण्यः सुदक्षो युक्तग्रावा जायते देवकामः ॥ ७ ००२ ०९
 वनस्पते ऽव सजोप देवान् अग्निर् हविः शमिता सूदयाति ।
 सेद् उ होता सत्यतरो यजाति यथा देवानां जनिमानि वेद ॥ ७ ००२ १०
 आ याह्य अग्ने समिधानो अर्वाङ् इन्द्रेण देवैः सरथं तुरेभिः ।
 बर्हिर् न आस्ताम् अदितिः सुपुत्रा स्वाहा देवा अमृता मादयन्ताम् ॥ ७ ००२ ११

(५१९)

अग्निं वो देवम् अग्निभिः सजोषा यजिष्ठं दूतम् अध्वरे कृणुध्वम् ।
 यो मर्त्येषु निध्रुविर् ऋतावा तपुर्मूर्धा घृतान्नः पावकः ॥ ७ ००३ ०१
 प्रोथद् अश्वो न यवसे ऽविष्यन् यदा महः संवरणाद् व्य अस्थात् ।
 आद् अस्य वातो अनु वाति शोचिर् अध स्म ते व्रजनं कृष्णम् अस्ति ॥ ७ ००३ ०२
 उद् यस्य ते नवजातस्य वृष्णो ऽग्ने चरन्त्य् अजरा इधानाः ।
 अच्छ्वा द्याम् अरुषो धूम एति सं दूतो अग्न ईयसे हि देवान् ॥ ७ ००३ ०३

वि यस्य॑ ते पृथिव्या॑म् पाजो॑ अश्रेत् तृषु॑ यद् अन्ना॑ समवृ॑क्त जम्भैः॑ ।
 सेने॑व सृष्टा प्रसि॑तिष् ट एति॑ यवं न दस्म जु॒ह्वा विवे॑क्षि ॥ ७ ००३ ०४
 तम् इद् दो॒षा तम् उ॒षसि॑ यविष्ठम् अ॒ग्निम् अत्यं॑ न म॒र्जय॑न्त नरः॑ ।
 नि॒शिशा॑ना अतिथि॑म् अस्य॒ योनौ॑ दी॒दाय॑ शोचि॑र् आहु॒तस्य॑ वृष्णः॑ ॥ ७ ००३ ०५
 सु॒सं॒द्रक् ते॑ स्वनी॒क प्रती॑कं वि यद् रु॒क्मो न रोच॑स उपा॒के ।
 दि॒वो न ते॑ तन्य॒तुर् एति॑ शुष्म॑श् चि॒त्रो न सूरः॑ प्रति॑ चक्षि भानु॑म् ॥ ७ ००३ ०६
 यथा॑ वः स्वाहा॒ग्नये॑ दाशे॑म परी॒ळाभिर् घृ॒तव॑द्भिश् च ह॒व्यैः ।
 तेभिर् नो अ॒ग्ने अ॒मितैर् महो॑भिः श॒तम् पू॒र्भिर् आय॑सीभिर् नि पा॒हि ॥ ७ ००३ ०७
 या वा॑ ते सन्ति॑ दा॒शुषे॑ अधृ॒ष्टा गि॒रो वा॒ याभिर् नृ॒वती॑र् उरु॒ष्याः ।
 ताभिर् नः॑ सू॒नो सह॑सो नि पा॒हि स्मत् सू॒रीञ् जरि॑तृञ् जा॒तवे॑दः ॥ ७ ००३ ०८
 निर् यत् पू॒तेव॑ स्वधि॑तिः शुचि॑र् गात् स्वया॑ कृ॒पा त॒न्वा इ॑ रोच॑मानः ।
 आ यो मा॒त्रोर् उ॒शे॒न्यो ज॒निष्ट॑ दे॒वय॑ज्याय सु॒क्रतुः॑ पा॒वकः॑ ॥ ७ ००३ ०९
 ए॒ता नो॑ अ॒ग्ने सौ॒भगा॑ दिदी॒ह्य अपि॑ क्रतु॑ सुचे॒तसं॑ वतेम ।
 विश्वा॑ स्तो॒तृभ्यो॑ गृण॑ते च॑ सन्तु यू॒यम् पा॑त स्व॒स्तिभिः॑ सदा॑ नः ॥ ७ ००३ १०

(५२०)

प्र वः॑ शु॒क्राय॑ भान॒वे भर॑ध्वं ह॒व्यम् म॒तिं चा॒ग्नये॑ सु॒पू॒तम् ।
 यो दै॒व्यानि॑ मानु॒षा ज॒नूष्य॑ अ॒न्तर् विश्वा॑नि वि॒घ्नना॑ जिगा॒ति ॥ ७ ००४ ०१
 स गृ॒त्सो अ॒ग्निस् तरु॑णश् चिद् अस्तु॑ यतो॒ यविष्ठो॑ अज॒निष्ट मा॑तुः ।
 सं यो वना॑ युव॒ते शुचि॑दन् भूरि॑ चिद् अन्ना॑ सम् इद् अ॒त्ति स॒द्यः ॥ ७ ००४ ०२
 अ॒स्य दे॒वस्य॑ संसद्य॑ अनी॒के यम् म॒तासः॑ श्ये॒तं ज॒गृभ्रे॑ ।
 नि यो गृ॒भम् पौ॒रुषे॑यीम् उ॒वोच॑ दुरो॒कम् अ॒ग्निर् आ॒यवे॑ शुशोच ॥ ७ ००४ ०३
 अ॒यं क॒विर् अ॒क॒विषु॑ प्रचे॒ता म॒तेष्व् अ॒ग्निर् अ॒मृतो॑ नि धायि ।
 स मा नो॑ अत्र॑ जु॒हुरः॑ सह॒स्वः सदा॑ त्वे सु॒मन॑सः स्याम ॥ ७ ००४ ०४
 आ यो योनि॑ दे॒वकृ॑तं स॒साद॑ क्रत्वा॒ ह्य अ॑ ऽग्नि॒र् अ॒मृता॑ः अ॒तारी॑त् ।
 तम् ओष॑धीश् च व॒निन॑श् च॒ गर्भ॑म् भूमि॑श् च विश्व॑धायि॒सम् बिभ॑र्ति ॥ ७ ००४ ०५
 ई॒शे ह्य अ॑ ऽग्नि॒र् अ॒मृत॑स्य॒ भूरेर् ई॒शे रा॒यः सु॒वीर्य॑स्य॒ दातोः॑ ।

मा त्वा वयं सहसावन्न अवीरा माप्सवः परि षदाम् मादुवः ॥ ७ ००४ ०६
 परिषद्यं ह्य अरणस्य रेक्णो नित्यस्य रायः पतयः स्याम ।
 न शेषो अग्ने अन्यजातम् अस्त्य् अचेतानस्य मा पथो वि दुक्षः ॥ ७ ००४ ०७
 नहि ग्रभयारणः सुशेवो ऽन्योदर्यो मनसा मन्त्वा उ ।
 अधा चिद् ओकः पुनर् इत् स एत्य् आ नो वाज्य् अभीषाळ् एतु नव्यः ॥ ७ ००४ ०८
 ०८

त्वम् अग्ने वनुष्यतो नि पाहि त्वम् उ नः सहसावन्न अवद्यात् ।
 सं त्वा ध्वस्मन्वद् अभ्य् एतु पाथः सं रयि स्पृह्याय्यः सहस्री ॥ ७ ००४ ०९
 एता नो अग्ने सौभगा दिदीह्य अपि क्रतुं सुचेतसं वतेम ।
 विश्वा स्तोतृभ्यो गृणते च सन्तु यूयम् पात स्वस्तिभिः सदा नः ॥ ७ ००४ १०

(५२१)

प्राग्नये त्वसे भरध्वं गिरं दिवो अरतये पृथिव्याः ।
 यो विश्वेषाम् अमृतानाम् उपस्थे वैश्वानरो वावृधे जागृवद्भिः ॥ ७ ००५ ०१
 पृष्टो दिवि धाय्य् अग्निः पृथिव्यां नेता सिन्धूनां वृषभ स्तियानाम् ।
 स मानुषीर् अभि विशो वि भाति वैश्वानरो वावृधानो वरेण ॥ ७ ००५ ०२
 त्वद् भिया विश आयन् असिक्रीर् असमना जहतीर् भोजनानि ।
 वैश्वानर पूरवे शोशुचानः पुरो यद् अग्ने दरयन् अदीदिः ॥ ७ ००५ ०३
 तव त्रिधातु पृथिवी उत द्यौर वैश्वानर व्रतम् अग्ने सचन्त ।
 त्वम् भासा रोदसी आ ततन्थाजस्रेण शोचिषा शोशुचानः ॥ ७ ००५ ०४
 त्वाम् अग्ने हरितो वावशाना गिरः सचन्ते धुनयो घृताचीः ।
 पतिं कृष्टीनां रथ्यं रयीणां वैश्वानरम् उषसां केतुम् अहाम् ॥ ७ ००५ ०५
 त्वे असुर्यं वसवो न्य ऋण्वन् क्रतुं हि ते मित्रमहो जुषन्त ।
 त्वं दस्यूर् ओकसो अग्न आज उरु ज्योतिर् जनयन् आर्याय ॥ ७ ००५ ०६
 स जायमानः परमे व्योमन् वायुर् न पाथः परि पासि सद्यः ।
 त्वम् भुवना जनयन् अभि क्रन् अपत्याय जातवेदो दशस्यन् ॥ ७ ००५ ०७
 ताम् अग्ने अस्मे इषम् एरयस्व वैश्वानर द्युमतीं जातवेदः ।

यया राधः पिन्वासि विश्ववार पृथु श्रवो दाशुषे मर्त्याय ॥ ७ ००५ ०८
तं नो अग्ने मधवद्भयः पुरुक्षुं रियं नि वाजं श्रुत्यं युवस्व ।
वैश्वानर महि नः शर्म यच्छ रुद्रेभिर् अग्ने वसुभिः सजोषाः ॥ ७ ००५ ०९

(५२२)

प्र सम्राजो असुरस्य प्रशस्तिम् पुंसः कृष्टीनाम् अनुमाद्यस्य ।
इन्द्रस्येव प्र तवसस् कृतानि वन्दे दारुं वन्दमानो विवकि ॥ ७ ००६ ०१
कविं केतुं धासिम् भानुम् अद्रेर् हिन्वन्ति शं राज्यं रोदस्योः ।
पुरंदरस्य गीर्भिर् आ विवासे ऽग्नेर् व्रतानि पूव्या महानि ॥ ७ ००६ ०२
न्य अक्रतून् ग्रथिनो मध्रवाचः पणीर् अश्रद्धाः अवृधाः अयज्ञान् ।
प्र-प्र तान् दस्यूर् अग्निर् विवाय पूर्वश् चकारापराः अयज्यून् ॥ ७ ००६ ०३
यो अपाचीने तमसि मदन्तीः प्राचीश् चकार नृतमः शचीभिः ।
तम् ईशानं वस्वो अग्निं गृणीषे ऽनानतं दमयन्तम् पृतन्यून् ॥ ७ ००६ ०४
यो देह्यो इ अनमयद् वधस्त्रैर् यो अर्यपत्नीर् उषसश् चकार ।
स निरुध्या नहुषो यद्दो अग्निर् विशश् चक्रे बलिहतः सहोभिः ॥ ७ ००६ ०५
यस्य शर्मन् उप विश्वे जनास एवैस् तस्थुः सुमतिम् भिक्षमाणाः ।
वैश्वानरो वरम् आ रोदस्योर् आग्निः ससाद पित्रोर् उपस्थम् ॥ ७ ००६ ०६
आ देवो ददे बुध्या इ वसूनि वैश्वानर उदिता सूर्यस्य ।
आ समुद्राद् अवरार्द् आ परस्माद् आग्निर् ददे दिव आ पृथिव्याः ॥ ७ ००६ ०७

(५२३)

प्र वो देवं चित् सहसानम् अग्निम् अश्वं न वाजिनं हिषे नमोभिः ।
भवा नो दूतो अध्वरस्य विद्वान् त्मना देवेषु विविदे मितद्रुः ॥ ७ ००७ ०१
आ याह्य अग्ने पथ्या इ अनु स्वा मन्द्रो देवानां सख्यं जुषाणः ।
आ सानु शुष्मैर् नदयन् पृथिव्या जम्भेभिर् विश्वम् उशधग् वनानि ॥ ७ ००७ ०२
प्राचीनो यज्ञः सुधितं हि बर्हिः प्रीणीते अग्निर् ईळितो न होता ।

आ मातरा विश्ववारि हुवानो यतो यविष्ठ जज्ञिषे सुशेवः ॥ ७ ००७ ०३
 सद्यो अध्वरे रथिरं जनन्त मानुषासो विचेतसो य एषाम् ।
 विशाम् अधायि विश्वपतिर् दुरोणे ऽग्निर् मन्द्रो मधुवचा ऋतावा ॥ ७ ००७ ०४
 असादि वृतो वह्निर आजगन्वान् अग्निर् ब्रह्मा नृषदने विधर्ता ।
 द्यौश् च यम् पृथिवी वावृधाते आ यं होता यजति विश्ववारम् ॥ ७ ००७ ०५
 एते द्युम्नेभिर् विश्वम् आतिरन्त मन्त्रं ये वारं नर्या अतक्षन् ।
 प्र ये विशास् तिरन्त श्रोषमाणा आ ये मे अस्य दीधयन् ऋतस्य ॥ ७ ००७ ०६
 नू त्वाम् अग्न ईमहे वसिष्ठा ईशानं सूनो सहसो वसूनाम् ।
 इष स्तोतृभ्यो मधवद्भ्य आनङ् यूयम् पात स्वस्तिभिः सदा नः ॥ ७ ००७ ०७

(५२४)

इन्धे राजा सम् अर्यो नमोभिर् यस्य प्रतीकम् आहुतं घृतेन ।
 नरो हव्येभिर् ईळते सबाध आग्निर् अग्र उषसाम् अशोचि ॥ ७ ००८ ०१
 अयम् उ ष्य सुमहाः अवेदि होता मन्द्रो मनुषो यद्दो अग्निः ।
 वि भा अकः ससृजानः पृथिव्यां कृष्णपविर् ओषधीभिर् ववक्षे ॥ ७ ००८ ०२
 कया नो अग्ने वि वसः सुवृक्तिं काम् उ स्वधाम् ऋणवः शस्यमानः ।
 कदा भवेम पतयः सुदत्र रायो वन्तारो दुष्टरस्य साधोः ॥ ७ ००८ ०३
 प्र-प्रायम् अग्निर् भरतस्य शृण्वे वि यत् सूर्यो न रोचते बृहद् भाः ।
 अभि यः पूरुम् पृतनासु तस्थौ द्युतानो दैव्यो अतिथिः शुशोच ॥ ७ ००८ ०४
 असन्न इत् त्वे आहवनानि भूरि भुवो विश्वेभिः सुमना अनीकैः ।
 स्तुतश् चिद् अग्ने शृण्विषे गृणानः स्वयं वर्धस्व तन्वं सुजात ॥ ७ ००८ ०५
 इदं वचः शतसाः संसहस्रम् उद् अग्नये जनिषीष्ट द्विबर्हाः ।
 शं यत् स्तोतृभ्य आपये भवाति द्युमद् अमीवचातनं रक्षोहा ॥ ७ ००८ ०६
 नू त्वाम् अग्न ईमहे वसिष्ठा ईशानं सूनो सहसो वसूनाम् ।
 इष स्तोतृभ्यो मधवद्भ्य आनङ् यूयम् पात स्वस्तिभिः सदा नः ॥ ७ ००८ ०७

(५२५)

अबोधि जार उषसाम् उपस्थाद् धोता मन्द्रः कवितमः पावकः ।
दधाति केतुम् उभयस्य जन्तोर् हव्या देवेषु द्रविणं सुकृत्सु ॥ ७ ००९ ०१
स सुक्रतुर् यो वि दुरः पणीनाम् पुनानो अर्कम् पुरुभोजसं नः ।
होता मन्द्रो विशां दमूनास् तिरस् तमो ददृशे राम्याणाम् ॥ ७ ००९ ०२
अमूरः कविर् अदितिर् विवस्वान् सुसंसन् मित्रो अतिथिः शिवो नः ।
चित्रभानुर् उषसाम् भात्य् अग्ने ऽपां गर्भः प्रस्व ऽ आ विवेश ॥ ७ ००९ ०३
ईळ्येन्यो वो मनुषो युगेषु समनगा अशुचज् जातवेदाः ।
सुसंदृशा भानुना यो विभाति प्रति गावः समिधानम् बुधन्त ॥ ७ ००९ ०४
अग्ने याहि दूत्य ऽ म् मा रिषण्यो देवाः अच्छा ब्रह्मकृता गणेन ।
सरस्वतीम् मरुतो अश्विनापो यक्षि देवान् रत्नधेयाय विश्वान् ॥ ७ ००९ ०५
त्वाम् अग्ने समिधानो वसिष्ठो जरूथं हन् यक्षि राये पुरंधिम् ।
पुरुणीथा जातवेदो जरस्व यूयम् पात स्वस्तिभिः सदा नः ॥ ७ ००९ ०६

(५२६)

उषो न जारः पृथु पाजो अश्रेद् दविद्युत्तद् दीद्यच् छोशुचानः ।
वृषा हरिः शुचिर् आ भाति भासा धियो हिन्वान उशतीर् अजीगः ॥ ७ ०१० ०१
स्व ऽ र् ण वस्तोर् उषसाम् अरोचि यज्ञं तन्वाना उशिजो न मन्म ।
अग्निर् जन्मानि देव आ वि विद्वान् द्रवद् दूतो देवयावा वनिष्ठः ॥ ७ ०१० ०२
अच्छा गिरो मतयो देवयन्तीर् अग्निं यन्ति द्रविणम् भिक्षमाणाः ।
सुसंदृशा सुप्रतीकं स्वच्च हव्यवाहम् अरतिम् मानुषाणाम् ॥ ७ ०१० ०३
इन्द्रं नो अग्ने वसुभिः सजोषा रुद्रं रुद्रेभिर् आ वहा बृहन्तम् ।
आदित्येभिर् अदितिं विश्वजन्याम् बृहस्पतिम् ऋक्भिर् विश्ववारम् ॥ ७ ०१० ०४
मन्द्रं होतारम् उशिजो यविष्ठम् अग्निं विश ईळते अध्वरेषु ।
स हि क्षपावाः अभवद् रयीणाम् अतन्द्रो दूतो यजथाय देवान् ॥ ७ ०१० ०५

(५२७)

महा॑ अस्य॑ अध्व॒रस्य॑ प्र॒केतो न ऋ॒ते त्वद् अ॒मृता॑ मादयन्ते ।
आ विश्वे॑भिः सर॒थं याहि॑ दे॒वैर् न्य् अग्ने॑ होता॑ प्रथ॒मः सदे॒ह ॥ ७ ०११ ०१
त्वाम् ई॑ळते अ॒जिरं॑ दूत्याय॑ ह॒विष्मन्तः॑ स॒दम् इन् मानु॑षासः ।
यस्य॑ दे॒वैर् आस॑दो ब॒र्हिर् अग्ने॑ ऽहान्य् अ॒स्मै सु॒दिना॑ भवन्ति ॥ ७ ०११ ०२
त्रि॒श् चिद् अ॒क्तोः प्र चि॑कितुर् वसू॒नि त्वे अ॒न्तर् दा॒शुषे॑ म॒र्त्याय॑ ।
मनु॑ष्वद् अ॒ग्न इ॒ह य॑क्षि दे॒वान् भवा॑ नो दू॒तो अ॒भि॒शस्ति॒पावा॑ ॥ ७ ०११ ०३
अ॒ग्निर् ई॑शे बृ॒हतो॑ अध्व॒रस्या॒ग्निर् विश्व॑स्य ह॒विषः॑ कृतस्य॑ ।
ऋतुं॑ ह्य अस्य॑ वस॒वो जु॑षन्ताथा॑ दे॒वा दधि॑रे ह॒व्यवा॑हम् ॥ ७ ०११ ०४
आग्ने॑ वह ह॒विर॒द्याय॑ दे॒वान् इन्द्र॑ज्ये॒ष्ठास इ॒ह मा॑दयन्ताम् ।
इ॒मं य॒ज्ञं दि॒वि दे॒वेषु॑ धेहि॒ यूयम् पा॑त स्व॒स्तिभिः॑ सदा॑ नः ॥ ७ ०११ ०५

(५२८)

अ॒गन्म॑ म॒हा नम॑सा॒ यवि॑ष्टं॒ यो दी॒दाय॑ समि॒द्धः स्वे दुरो॑णे ।
चि॒त्रभा॑नुं रोद॑सी अ॒न्तर् उ॒र्वी स्वा॑हुतं॒ विश्व॑तः॑ प्र॒त्यञ्च॑म् ॥ ७ ०१२ ०१
स म॒हा विश्वा॑ दुरि॒तानि॑ सा॒ह्वान् अ॒ग्निं दृ॒षे दम॑ आ जा॒तवे॑दाः ।
स नो॑ रक्षिषद् दुरि॒ताद् अ॒वद्याद् अ॒स्मान् गृ॑णत॒ उत नो॑ म॒घोनः॑ ॥ ७ ०१२ ०२
त्वं वरु॑ण उ॒त मि॒त्रो अ॒ग्ने त्वां वर्ध॑न्ति म॒तिभि॑र् वसि॒ष्ठाः ।
त्वे वसु॑ सु॒षण॒नानि॑ सन्तु॒ यूयम् पा॑त स्व॒स्तिभिः॑ सदा॑ नः ॥ ७ ०१२ ०३

(५२९)

प्रा॒ग्नये॑ विश्व॒शुचे॑ धिय॒धे ऽसुर॑घ्ने मन्म॑ धी॒तिम् भर॑ध्वम् ।
भरे॑ ह॒विर् न ब॒र्हिषि॑ प्री॒णानो॑ वै॒श्वान॒राय॑ यतये॒ मती॑नाम् ॥ ७ ०१३ ०१
त्वम् अ॒ग्ने शो॒चिषा॑ शोशु॒चान् आ रोद॑सी॒ अपृ॑णा जा॒यमानः॑ ।
त्वं दे॒वाः अ॒भि॒शस्ते॑र् अमु॒ञ्चो वै॒श्वान॒र जा॑तवे॒दो महि॑त्वा ॥ ७ ०१३ ०२
जा॒तो यद् अ॒ग्ने भुव॑ना॒ व्य् अख्यः॑ प॒शून् न गो॑पा इ॒र्यः परि॑ज्मा ।

वैश्वानरं ब्रह्मणे विन्द गातुं यूयम् पात स्वस्तिभिः सदा नः ॥ ७ ०१३ ०३

(५३०)

समिधा जातवेदसे देवाय देवहूतिभिः ।
हविर्भिः शुक्रशोचिषे नमस्विनो वयं दाशेमाग्नये ॥ ७ ०१४ ०१
वयं ते अग्ने समिधा विधेम वयं दाशेम सुष्टुती यजत्र ।
वयं घृतेनाध्वरस्य होतर् वयं देव हविषा भद्रशोचे ॥ ७ ०१४ ०२
आ नो देवेभिर् उप देवहूतिम् अग्ने याहि वषट्कृतिं जुषाणः ।
तुभ्यं देवाय दाशतः स्याम यूयम् पात स्वस्तिभिः सदा नः ॥ ७ ०१४ ०३

(५३१)

उपसद्याय मीळ्हुष आस्ये जुहुता हविः ।
यो नो नेदिष्ठम् आप्यम् ॥ ७ ०१५ ०१
यः पञ्च चर्षणीर् अभि निषसाद दमे-दमे ।
कविर् गृहपतिर् युवा ॥ ७ ०१५ ०२
स नो वेदो अमात्यम् अग्नी रक्षतु विश्वतः ।
उतास्मान् पात्व अंहसः ॥ ७ ०१५ ०३
नवं नु स्तोमम् अग्नये दिवः श्येनाय जीजनम् ।
वस्वः कुविद् वनाति नः ॥ ७ ०१५ ०४
स्पार्हा यस्य श्रियो दृशे रयिर् वीरवतो यथा ।
अग्ने यज्ञस्य शोचतः ॥ ७ ०१५ ०५
सेमां वेतु वषट्कृतिम् अग्निर् जुषत नो गिरः ।
यजिष्ठो हव्यवाहनः ॥ ७ ०१५ ०६
नि त्वा नक्ष्य विशपते द्युमन्त देव धीमहि ।
सुवीरम् अग्न आहुत ॥ ७ ०१५ ०७
क्षप उग्रश् च दीदिहि स्वग्नयस् त्वया वयम् ।
सुवीरस् त्वम् अस्मयुः ॥ ७ ०१५ ०८

उप॑ त्वा सा॒तये॒ नरो॒ विप्रा॑सो यन्ति धी॒तिभिः॑ ।
 उपाक्ष॑रा सह॒स्रिणी॑ ॥ ७ ०१५ ०९
 अ॒ग्नी रक्षा॑सि सेधति शु॒क्रशो॑चिर् अम॒र्त्यः ।
 शुचिः॑ पाव॒क ईड्यः॑ ॥ ७ ०१५ १०
 स नो॒ राधा॑स्य् आ भ॒रेशानः॑ सहसो यहो ।
 भग॑श् च दातु वार्य॑म् ॥ ७ ०१५ ११
 त्वम् अ॒ग्ने वी॒रव॑द् यशो॑ देवश् च॑ सवि॒ता भगः॑ ।
 दिति॑श् च दाति॒ वार्य॑म् ॥ ७ ०१५ १२
 अ॒ग्ने रक्षा॑ णो अ॒हंसः॑ प्रति॑ ष्म देव॒ रीष॑तः ।
 तपि॑ष्ठैर् अ॒जरो॑ दह ॥ ७ ०१५ १३
 अधा॑ म॒ही न॒ आय॑स्य् अना॑धृष्टो नृपी॒तये ।
 पू॒र् भवा॑ श॒तभु॑जिः ॥ ७ ०१५ १४
 त्वं नः॑ पा॒ह्य अ॒हंसो॑ दोषा॒वस्तर॑ अघाय॒तः ।
 दिवा॑ नक्त॒म् अदा॑भ्य ॥ ७ ०१५ १५

(५३२) ए॒ना वो॑ अ॒ग्निं नम॑सो॒र्जो नपा॑त॒म् आ हु॑वे ।
 प्रि॒यं चेति॑ष्ठम् अ॒रतिं॑ स्व॒ध्वरं॑ वि॒श्वस्य॑ दू॒तम् अ॒मृत॑म् ॥ ७ ०१६ ०१
 स यो॑जते अ॒रुषा॑ वि॒श्वभो॑जसा॒ स दु॑द्रव॒त् स्वाहु॑तः ।
 सु॒ब्रह्मा॑ य॒ज्ञः सु॑शमी॒ वसू॑नां दे॒वं राधो॑ जना॒नाम् ॥ ७ ०१६ ०२
 उद् अ॑स्य शो॒चिर् अ॑स्थाद् आ॒जुह्वा॑नस्य मी॒ळुषः॑ ।
 उद् धू॑मासो॑ अ॒रुषा॑सो॑ दि॒विस्पृ॑शः॒ सम् अ॒ग्निम् इ॑न्धते॒ नरः॑ ॥ ७ ०१६ ०३
 तं त्वा॑ दू॒तं कृ॑ण्महे॒ यश॑स्तमं दे॒वा आ॑ वी॒तये॑ वह ।
 वि॒श्वो सू॑नो सहसो म॒र्तभो॑र्जना॒ रास्व॑ तद् यत् त्वे॒महे ॥ ७ ०१६ ०४
 त्वम् अ॒ग्ने गृ॑ह॒र्पति॑स् त्वं होता॑ नो अध्व॒रे ।
 त्वम् पो॑ता॒ विश्व॑वार॒ प्रचे॑ता॒ यक्षि॑ वेषि॒ च वार्य॑म् ॥ ७ ०१६ ०५
 कृ॒धि रत्नं॑ यज॒मानाय॑ सु॒क्रतो॑ त्वं हि रत्न॒धा असि॑ ।
 आ न॑ ऋ॒ते शि॑शीहि॒ विश्व॑म् ऋ॒त्विजं॑ सु॒शंसो॑ यश् च॒ दक्ष॑ति ॥ ७ ०१६ ०६

त्वे अग्ने स्वाहुत प्रियासः! सन्तु सूरयः! ।
 यन्तारो ये मघवानो जनानाम् ऊर्वान् दयन्त गोनाम् ॥ ७ ०१६ ०७
 येषाम् इळा घृतहस्ता दुरोण आऽअपि प्राता निषीदति ।
 तांस् त्रायस्व सहस्य द्रुहो निदो यच्छा नः शर्म दीर्घश्रुत् ॥ ७ ०१६ ०८
 स मन्द्रया च जिह्रया वहिर् आसा विदुष्टरः ।
 अग्ने रयिम् मघवद्भयो न आ वह ह्व्यदातिं च सूदय ॥ ७ ०१६ ०९
 ये राधांसि ददत्य् अश्र्या मघा कामेन श्रवसो महः ।
 ताऽअंहसः पिपृहि पृतिभिष् द्वं शतम् पूर्भिर् यविष्य ॥ ७ ०१६ १०
 देवो वो द्रविणोदाः पूर्णां विवष्य आसिचम् ।
 उद् वा सिञ्चध्वम् उप वा पृणध्वम् आद् इद् वो देव ओहते ॥ ७ ०१६ ११
 तं होतारम् अध्वरस्य प्रचेतसं वहिर् देवा अकृण्वत ।
 दधाति रत्नं विधते सुवीर्यम् अग्निर् जनाय दाशुषे ॥ ७ ०१६ १२

(५३३)

अग्ने भव सुषमिधा समिद्ध उत बर्हिर् उर्विया वि स्तृणीताम् ॥ ७ ०१७ ०१
 उत द्वार उशतीर् वि श्रयन्ताम् उत देवाऽउशत आ वह्ह ॥ ७ ०१७ ०२
 अग्ने वीहि हविषा यक्षि देवान् स्वध्वरा कृणुहि जातवेदः ॥ ७ ०१७ ०३
 स्वध्वरा करति जातवेदा यक्षद् देवाऽअमृतान् पिप्रयच् च ॥ ७ ०१७ ०४
 वंस्व विश्वा वार्याणि प्रचेतः सत्या भवन्त्व आशिषो नो अद्य ॥ ७ ०१७ ०५
 त्वाम् उ ते दधिरे ह्व्यवाह देवासो अग्न ऊर्ज आ नपातम् ॥ ७ ०१७ ०६
 ते ते देवाय दाशतः स्याम महो नो रत्ना वि दध इयानः ॥ ७ ०१७ ०७

(५३४)

त्वे ह यत् पितरश् चिन् न इन्द्र विश्वा वामा जरितारो असन्वन् ।
 त्वे गावः! सुदुघास् त्वे ह्य अश्वास् त्वं वसु देवयते वनिष्ठः ॥ ७ ०१८ ०१
 राजेव हि जनिभिः क्षेप्य एवाव द्युभिर् अभि विदुष् कविः सन् ।

पिशा गिरो^१ मघवन् गोभिर् अश्वैस् त्वायतः शिशीहि राये अस्मान् ॥ ७ ०१८ ०२
 इमा उ^१ त्वा पस्पृधानासो अत्र मन्द्रा गिरो देवयन्तीर् उप स्थुः ।
 अर्वाची^१ ते पथ्या राय एतु स्याम^१ ते सुमताव इन्द्र शर्मन् ॥ ७ ०१८ ०३
 धेनुं न त्वा^१ सूयवसे दुदुक्षन् उप ब्रह्माणि ससृजे वसिष्ठः ।
 त्वाम् इन् मे गोपतिं विश्व^१ आहा न इन्द्रः^१ सुमतिं गन्त्व अच्छ^१ ॥ ७ ०१८ ०४
 अर्णासि चित् पप्रथाना सुदास इन्द्रो गाधान्य् अकृणोत् सुपारा ।
 शर्धन्तं शिम्युम् उचथस्य नव्यः शापं सिन्धूनाम् अकृणोद् अशस्तीः ॥ ७ ०१८ ०५
 पुरोळा इत् तुर्वशो यक्षुर् आसीद् राये मत्स्यासो निशिता अपीव ।
 श्रुष्टिं चक्रुर् भृगवो द्रुह्यवश् च सखा सखायम् अतरद् विषूचोः ॥ ७ ०१८ ०६
 आ पक्थासो भलानसो भनन्तालनासो विषाणिनः शिवासः^१ ।
 आ यो ऽनयत् सधमा आर्यस्य गव्या तृत्सुभ्यो अजगन् युधा नृन् ॥ ७ ०१८ ०७
 दुराध्यो ऽ अदितिं सेवयन्तो ऽचेतसो वि जगृभ्रे परुष्णीम् ।
 महाविव्यक् पृथिवीम् पत्यमानः पशुष् क्विर् अशयच् चायमानः ॥ ७ ०१८ ०८
 ईयुर् अर्थं न न्यर्थम् परुष्णीम् आशुश् चनेद् अभिपित्वं जगाम ।
 सुदास इन्द्रः^१ सुतुकाः^१ अमित्रान् अरन्धयन् मानुषे वध्निवाचः ॥ ७ ०१८ ०९
 ईयुर् गावो न यवसाद् अगोपा यथाकृतम् अभि मित्रं चितासः^१ ।
 पृश्निगावः पृश्निनिप्रेषितासः श्रुष्टिं चक्रुर् नियुतो रन्तयश् च ॥ ७ ०१८ १०
 एकं च यो विशतिं च श्रवस्या वैकर्णयोर् जनान् राजा न्य अस्तः^१ ।
 दस्मो न सन्नन् नि शिशाति बर्हिः शूरः सर्गम् अकृणोद् इन्द्र एषाम् ॥ ७ ०१८ ११
 अध श्रुतं क्वषं वृद्धम् अप्स्व अनु द्रुह्युं नि वृणग् वज्रबाहुः ।
 वृणाना अत्र सख्याय सख्यं त्वायन्तो ये अमदन् अनु त्वा ॥ ७ ०१८ १२
 वि सद्यो विश्वा^१ दंहितान्य् एषाम् इन्द्रः पुरः सहसा सप्त ददः ।
 व्य आनवस्य तृत्सवे गयम् भाग् जेष्म पूरुं विदथे मृध्रवाचम् ॥ ७ ०१८ १३
 नि गव्यवो ऽनवो द्रुह्यवश् च षष्टिः शता सुषुपुः षट् सहस्रा^१ ।
 षष्टिर् वीरासो अधि षड् दुवोयु विश्वेद् इन्द्रस्य वीर्या कृतानि ॥ ७ ०१८ १४
 इन्द्रेणैते तृत्सवो वेविषाणा आपो न सृष्टा अधवन्त नीचीः^१ ।
 दुर्मित्रासः^१ प्रकलविन् मिमाना जुहूर् विश्वानि भोजना सुदासे ॥ ७ ०१८ १५
 अर्धं वीरस्य शृतपाम् अनिन्द्रम् परा शर्धन्तं नुनुदे अभि क्षाम् ।

इन्द्रो म॒न्युम् म॒न्यु॒म्यो मि॒माय॒ भेजे॒ पथो॒ वर्त॑निम् पत्य॒मानः॑ ॥ ७ ०१८ १६
 आ॒ध्रेण॑ चि॒त् तद् व् एकं॑ चकार॒ सिंहा॑ चि॒त् पेट्वे॑ना जघान ।
 अव॑ स्र॒क्तीर् वेश्या॑वृश्चद् इन्द्रः प्राय॑च्छद् विश्वा॒ भोजना॑ सु॒दासे॑ ॥ ७ ०१८ १७
 शश्च॑न्तो हि शत्र॒वो रा॒रधुष्॑ टे॒ भेद॑स्य॒ चिच् छ॒र्धतो॑ वि॒न्द र॒न्धिम् ।
 मर्ता॑ ए॒न स्तु॒वतो॑ यः कृ॒णोति॑ ति॒गं तस्मि॑न् नि ज॒हि व॒ज्रम्॑ इन्द्र ॥ ७ ०१८ १८
 आव॑द् इन्द्रं॒ यमु॒ना तृ॒त्सव॑श् च प्रा॒त्र भेदं॑ सर्व॒ताता॑ मुषायत् ।
 अ॒जास॑श् च शि॒ग्रवो॑ यक्ष॒वश् च ब॒लिं शी॑र्षाणि॒ जभ्रु॑ अ॒श्यानि॑ ॥ ७ ०१८ १९
 न तं॑ इन्द्र॒ सु॒मतयो॑ न रायः॑ स॒चक्षे॑ पूर्वा॒ उष॑सो न नू॒त्नाः ।
 दे॒वकं॑ चिन् मान्य॒मानं॑ जघ॒न्थाव॑ त्मना॒ बृ॒हतः॑ श॒म्बर॑म् भेत् ॥ ७ ०१८ २०
 प्र ये॑ गृ॒हाद् अ॒मम॑दुस् त्वा॒या प॑रा॒शरः॑ श॒तया॑तुर् वसि॒ष्ठः ।
 न ते॑ भो॒जस्य॑ स॒ख्यम् मृ॑ष॒न्ताधा॑ सूरि॒भ्यः॑ सु॒दिना॑ व्य् उ॒च्छान् ॥ ७ ०१८ २१
 द्वे न॑सुर् दे॒वव॑तः श॒ते गो॑र् द्वा रथा॑ व॒धूम॑न्ता सु॒दासः॑ ।
 अ॒र्हन् अ॒ग्ने पै॒जव॑नस्य॒ दानं॑ हो॒तेव॑ स॒न्न पर्य॑ ए॒मि रे॑भन् ॥ ७ ०१८ २२
 च॒त्वारो॑ मा पै॒जव॑नस्य॒ दानाः॑ स्म॒द्दिष्ट॑यः कृ॒शनि॑नो॒ निरे॑के ।
 ऋ॒ज्रासो॑ मा पृथि॒विष्ठाः॑ सु॒दास॑स् तो॒कं तो॒काय॑ श्रव॒से वह॑न्ति ॥ ७ ०१८ २३
 यस्य॑ श्र॒वो रो॑द॒सी अ॒न्तर् उ॒र्वी शी॑र्ष्णे॒ शी॑र्ष्णे॒ वि॒बभा॑जा॒ वि॒भक्ता॑ ।
 स॒सेद् इन्द्रं॑ न स्र॒वतो॑ गृ॒णन्ति॑ नि यु॒ध्याम॑धिम् अ॒शिश॑द् अ॒भीके॑ ॥ ७ ०१८ २४
 इ॒मं न॑रो मरुतः स॒ञ्चतानु॑ दि॒वोदा॑सं न पि॒तरं॑ सु॒दासः॑ ।
 अ॒विष्ट॑ना॒ पै॒जव॑नस्य॒ केतं॑ दू॒णाशं॑ क्ष॒त्रम् अ॒जरं॑ दु॒वोयु॑ ॥ ७ ०१८ २५

(५३५)

यस् ति॒गम॑शृङ्गो वृष॒भो न भी॑म एकः॑ कृ॒ष्टीश् च्या॒वय॑ति प्र विश्वाः॑ ।
 यः शश्च॑तो अ॒दाशु॑षो ग॒यस्य॑ प्र॒यन्ता॑सि सु॒ष्वित॑राय॒ वेदः॑ ॥ ७ ०१९ ०१
 त्वं ह॒ त्यद् इन्द्र॑ कु॒त्सम्॑ आ॒वः शु॒श्रूष॑माणस् त॒न्वा स॒मर्ये॑ ।
 दा॒सं यच् छु॒ष्णं॑ कु॒यवं॑ न्य् अ॒स्मा अ॒रन्ध॑य आ॒र्जुने॑याय॒ शिक्ष॑न् ॥ ७ ०१९ ०२
 त्वं धृ॑ष्णो धृष॒ता वी॑तह॒व्यम् प्रा॒वो विश्वा॑भिर् ऊ॒तिभिः॑ सु॒दास॑म् ।
 प्र पौ॑रु॒कुत्सि॑ं त्र॒सद॑स्युम् आ॒वः क्षे॒त्रसा॑ता वृ॒त्रह॑त्येषु॒ पूरु॑म् ॥ ७ ०१९ ०३

त्वं नृभिर् नृमणो देववीतौ भूरीणि वृत्रा हर्यश्च हंसि ।
 त्वं नि दस्युं चुमुरिं धुनिं चास्वापयो दभीतये सुहन्तु ॥ ७ ०१९ ०४
 तव च्यौत्नानि वज्रहस्त तानि नव यत् पुरो नवतिं च सद्यः ।
 निवेशने शततमाविविषीर् अहंश् च वृत्रं नमुचिम् उताहन् ॥ ७ ०१९ ०५
 सना ता त इन्द्र भोजनानि रातहव्याय दाशुषे सुदासे ।
 वृष्णे ते हरी वृषणा युनज्मि व्यन्तु ब्रह्माणि पुरुशाक वाजम् ॥ ७ ०१९ ०६
 मा ते अस्यां सहसावन् परिष्टाव् अघाय भूम हरिवः परादै ।
 त्रायस्व नो ऽवृकेभिर् वरुथैस् तव प्रियासः सूरिषु स्याम ॥ ७ ०१९ ०७
 प्रियास इत् ते मघवन्न अभिष्टौ नरो मदेम शरणे सखायः ।
 नि तुर्वशं नि याद्वं शिशीह्य अतिथिवाय शंस्यं करिष्यन् ॥ ७ ०१९ ०८
 सद्यश् चिन् नु ते मघवन्न अभिष्टौ नरः शंसन्त्य् उक्थशास उक्था ।
 ये ते हवेभिर् वि पणीर् अदाशन्न अस्मान् वृणीष्व युज्याय तस्मै ॥ ७ ०१९ ०९
 एते स्तोमा नरां नृतम् तुभ्यम् अस्मद्भयञ्चो ददतो मघानि ।
 तेषाम् इन्द्र वृत्रहत्ये शिवो भूः सखा च शूरो ऽविता च नृणाम् ॥ ७ ०१९ १०
 नू इन्द्र शूर स्तवमान ऊती ब्रह्मजतस् तन्वा वावृधस्व ।
 उप नो वाजान् मिमीह्य उप स्तीन् यूयम् पात स्वस्तिभिः सदा नः ॥ ७ ०१९ ११

(५३६)

उग्रो जज्ञे वीर्याय स्वधावाञ् चक्रिर् अपो नर्यो यत् करिष्यन् ।
 जग्मिर् युवा नृषदंनम् अवोभिस् त्राता न इन्द्र एनसो महश् चित् ॥ ७ ०२० ०१
 हन्ता वृत्रम् इन्द्रः शूशुवानः प्रावीन् नु वीरो जरितारम् ऊती ।
 कर्ता सुदासे अह वा उलोकं दाता वसु मुहुर् आ दाशुषे भूत् ॥ ७ ०२० ०२
 युध्मो अनर्वा खजकृत् समद्वा शूरः सत्राषाङ् जनुषेम् अषाळ्हः ।
 व्य् आस इन्द्रः पृतनाः स्वोजा अधा विश्वं शत्रूयन्तं जघान ॥ ७ ०२० ०३
 उभे चिद् इन्द्र रोदसी महित्वा पप्राथ तविषीभिस् तुविष्मः ।
 नि वज्रम् इन्द्रो हरिवान् मिमिक्षन् सम् अन्धसा मदेषु वा उवोच ॥ ७ ०२० ०४
 वृषा जजान वृषणं रणाय तम् उ चिन् नारी नर्यं ससूव ।

प्र यः सेनानीर् अध नृभ्यो अस्तीनः सत्वा गवेषणः स धृष्णुः ॥ ७ ०२० ०५
 नू चित् स भ्रेषते जनो न रेषन् मनो यो अस्य घोरम् अविवासात् ।
 यज्ञैर् य इन्द्रे दधते दुर्वासि क्षयत् स राय ऋतपा ऋतेजाः ॥ ७ ०२० ०६
 यद् इन्द्र पूर्वो अपराय शिक्षन् अयज् ज्यायान् कनीयसो देष्णम् ।
 अमृत इत् पर्य आसीत् दूरम् आ चित्र चित्र्यम् भरा रयिं नः ॥ ७ ०२० ०७
 यस् त इन्द्र प्रियो जनो ददाशद् असन् निरेके अद्रिवः सखा ते ।
 वयं ते अस्यां सुमतौ चनिष्ठाः स्याम वरूथे अघ्नतो नृपीतौ ॥ ७ ०२० ०८
 एष स्तोमो अचिक्रद्द वृषा त उत स्तामूर् मघवन्न अक्रपिष्ट ।
 रायस् कामो जरितारं त आगन् त्वम् अङ्ग शक्र वस्व आ शको नः ॥ ७ ०२० ०९
 स न इन्द्र त्वर्यताया इषे धास् त्मना च ये मघवानो जुनन्ति ।
 वस्वी षु ते जरित्रे अस्तु शक्तिर् यूयम् पात स्वस्तिभिः सदा नः ॥ ७ ०२० १०

(५३७)

असावि देवं गोऋजीकम् अन्धो न्य् अस्मिन् इन्द्रो जनुषेम् उवोच ।
 बोधामसि त्वा हर्यश्च यज्ञैर् बोधा न स्तोमम् अन्धसो मदेषु ॥ ७ ०२१ ०१
 प्र यन्ति यज्ञं विपर्यन्ति बर्हिः सोममादो विदथे दुध्रवाचः ।
 न्य् उ भ्रियन्ते यशसो गृभाद् आ दूरऽउपब्दो वृषणो नृषाचः ॥ ७ ०२१ ०२
 त्वम् इन्द्र स्रवित्वा अपस् कः परिष्ठिता अहिना शूर पूर्वीः ।
 त्वद् वावक्रे रथ्यो इ न धेना रेजन्ते विश्वा कृत्रिमाणि भीषा ॥ ७ ०२१ ०३
 भीमो विवेषायुधिभिर् एषाम् अपासि विश्वा नयाणि विद्वान् ।
 इन्द्रः पुरो जर्हृषाणो वि दूधोद् वि वज्रहस्तो महिना जघान ॥ ७ ०२१ ०४
 न यातव इन्द्र जूजुवुर् नो न वन्दना शविष्ठ वेद्याभिः ।
 स शर्धद् अर्यो विषुणस्य जन्तोर् मा शिञ्जदेवा अपि गुर् ऋतं नः ॥ ७ ०२१ ०५
 अभि ऋत्वेन्द्र भूर् अध ज्मन् न ते विव्यङ् महिमानं रजांसि ।
 स्वेना हि वृत्रं शवसा जघन्थ न शत्रुर् अन्तं विविदद् युधा ते ॥ ७ ०२१ ०६
 देवाश् चित् ते असुर्याय पूर्वे ऽनु क्षत्राय ममिरे सहांसि ।
 इन्द्रो मघानि दयते विषह्येन्द्रं वाजस्य जोहुवन्त सातौ ॥ ७ ०२१ ०७

की॒रिश् चि॒द् धि॒ त्वाम् अ॒वसे॑ जु॒हावेशा॑नम् इन्द्र॒ सौभ॑गस्य॒ भूरेः॑ ।
 अ॒वो॑ ब॒भूथ॑ श॒तमू॑ते अ॒स्मे अ॒भिक्ष॑त्तुस् त्वा॒वतो॑ व॒रुता ॥ ७ ०२१ ०८
 स॒खाय॑स् त इन्द्र॒ विश्व॑ह॒ स्याम॑ न॒मोवृ॑धासो॑ म॒हिना॑ त॒रुत्र॑ ।
 व॒न्वन्तु॑ स्मा॒ ते ऽव॑सा॒ समी॑के ऽ॒भीति॑म् अ॒र्यो व॒नुषां॑ श॒वांसि ॥ ७ ०२१ ०९
 स न॑ इन्द्र॒ त्वर्य॑ताया॒ इषे॑ धा॒स् त्मना॑ च॒ ये म॒घवा॑नो जु॒नन्ति॑ ।
 व॒स्वी षु॑ ते॒ जरि॑त्रे अ॒स्तु श॒क्तिर् यू॒यम् पा॑त स्व॒स्तिभिः॒ सदा॑ नः ॥ ७ ०२१ १०

(५३८)

पि॒बा सो॑मम् इन्द्र॒ मन्द॑तु त्वा॒ यं ते॑ सु॒षाव॑ ह॒र्यश्चा॑द्रिः ।
 सो॒तुर् बा॒हुभ्यां॑ सु॒र्यतो॑ ना॒र्वा ॥ ७ ०२२ ०१
 यस् ते॒ मदो॑ यु॒ज्यश् चारु॑र् अ॒स्ति येन॑ वृ॒त्राणि॑ ह॒र्यश्च॑ हंसि॑ ।
 स त्वाम् इन्द्र॒ प्रभू॑वसो म॒मत्तु ॥ ७ ०२२ ०२
 बो॒धा सु॑ मे॒ मघ॑वन् वा॒चम् ए॒मां यां॑ ते॒ वसि॑ष्ठो अ॒र्चति॑ प्र॒शस्ति॑म् ।
 इ॒मा ब्र॑ह्म॒ सध॑मादे॒ जुष॑स्व ॥ ७ ०२२ ०३
 श्रु॒धी ह॒व॑ वि॒पिपा॑नस्या॒द्रेर् बो॒धा वि॒प्रस्या॑र्च॒तो म॒नीषाम् ।
 कृ॒ष्वा दु॒वांस्य् अ॒न्तमा॑ स॒चेमा ॥ ७ ०२२ ०४
 न ते॒ गिरो॑ अ॒पि मृ॑ष्ये॒ तुरस्य॑ न सु॒ष्टुति॑म् अ॒सुर्य॑स्य वि॒द्वान् ।
 सदा॑ ते॒ नाम॑ स्व॒यशो॑ वि॒वक्मि ॥ ७ ०२२ ०५
 भूरि॑ हि॒ ते स॒र्वना॑ मा॒नुषे॑षु भूरि॑ म॒नीषी॑ ह॒वते॑ त्वाम् इत् ।
 मा॒रे अ॒स्मन् म॑घ॒वञ् ज्योक् कः॑ ॥ ७ ०२२ ०६
 तु॒भ्येद् इ॒मा स॒र्वना॑ शू॒र विश्वा॑ तु॒भ्यम् ब्र॑ह्मा॒णि वर्ध॑ना कृ॒णोमि॑ ।
 त्वं नृ॑भिर् ह॒व्यो विश्व॑धा॒सि ॥ ७ ०२२ ०७
 नू चि॒न् नु॑ ते॒ मन्य॑मानस्य॒ दस्मो॑द् अ॒श्रुव॑न्ति म॒हिमा॑नम् उ॒ग्र ।
 न वी॑र्यम् इन्द्र॒ ते न॑ राधः॑ ॥ ७ ०२२ ०८
 ये च॒ पूर्वं ऋ॑ष॒यो ये च॒ नूत्ना॑ इन्द्र॒ ब्रह्मा॑णि ज॒नय॑न्त॒ विप्राः॑ ।
 अ॒स्मे ते॑ स॒न्तु स॒ख्या शि॒वानि॑ यू॒यम् पा॑त स्व॒स्तिभिः॒ सदा॑ नः ॥ ७ ०२२ ०९

(५३९)

उद् उ ब्रह्माण्य् ऐरत श्रवस्येन्द्रं समर्ये महया वसिष्ठ ।
आ यो विश्वानि शवसा ततानोपश्रोता म ईवतो वचांसि ॥ ७ ०२३ ०१
अयामि घोषे इन्द्र देवजामिर् इरज्यन्त यच् छुरुधो विवाचि ।
नहि स्वम् आयुश् चिकित्ते जनेषु तानीद् अहांस्य् अति पष्य् अस्मान् ॥ ७ ०२३ ०२
युजे रथं गवेषणं हरिभ्याम् उप ब्रह्माणि जुजुषाणम् अस्थुः ।
वि बाधिष्टस्य रोदसी महित्वेन्द्रो वृत्राण्य् अप्रती जघन्वान् ॥ ७ ०२३ ०३
आपश् चित् पिप्यु स्तयो इ न गावो नक्षत्रं ऋतं जरितारस् त इन्द्र ।
याहि वायुर् न नियुतो नो अच्छ्वा त्वं हि धीभिर् दयसे वि वाजान् ॥ ७ ०२३ ०४
ते त्वा मदा इन्द्र मादयन्तु शुष्मिणं तुविराधसं जरित्रे ।
एको देवत्रा दयसे हि मर्तान् अस्मिञ् छूर सवने मादयस्व ॥ ७ ०२३ ०५
एवेद् इन्द्रं वृषणं वज्रबाहुं वसिष्ठासो अभ्यर्चन्त्य् अकैः ।
स न स्तुतो वीरवद् धातु गोमद् यूयम् पात स्वस्तिभिः सदा नः ॥ ७ ०२३ ०६

(५४०)

योनिष् ट इन्द्र सदने अकारि तम् आ नृभिः पुरुहूत प्र याहि ।
असो यथा नो ऽविता वृधे च ददो वसूनि ममदश् च सोमैः ॥ ७ ०२४ ०१
गृभीतं ते मन इन्द्र द्विबर्हाः सुतः सोमः परिषिक्ता मधूनि ।
विसृष्टधेना भरते सुवृक्तिर् इयम् इन्द्रं जोहुवती मनीषा ॥ ७ ०२४ ०२
आ नो दिव आ पृथिव्या ऋजीषिन् इदम् बर्हिः सोमपेयाय याहि ।
वहन्तु त्वा हरयो मद्रयञ्चम् आङ्गुषम् अच्छ्वा तवसम् मदाय ॥ ७ ०२४ ०३
आ नो विश्वाभिर् ऊतिभिः सजोषा ब्रह्म जुषाणो हर्यश्च याहि ।
वरीवृजत् स्थविरैभिः सुशिप्रास्मे दधद् वृषणं शुष्मम् इन्द्र ॥ ७ ०२४ ०४
एष स्तोमो मह उग्राय वाहे धुरी इ वात्यो न वाजयन् अधायि ।
इन्द्र त्वायम् अर्क ईदृ वसूनां दिवीव द्याम् अधि नः श्रोमतं धाः ॥ ७ ०२४ ०५
एवा न इन्द्र वार्यस्य पूर्धि प्र ते मही सुमतिं वेविदाम ।

इषम् पिन्व मघवद्भयः सुवीरां यूयम् पात स्वस्तिभिः सदा नः ॥ ७ ०२४ ०६

(५४१)

आ ते मह इन्द्रोत्य् उग्र समन्यवो यत् समरन्त सेनाः ।
पताति दिद्युन् नर्यस्य बाह्वोर् मा ते मनो विष्वद्वय ऽ ग् वि चारीत् ॥ ७ ०२५ ०१
नि दुर्गा इन्द्र श्वधिह्य अमित्राः अभि ये नो मतासो अमन्ति ।
आरे तं शंसं कृणुहि निनित्सोर् आ नो भर सम्भरणं वसूनाम् ॥ ७ ०२५ ०२
शतं ते शिप्रिन् उतयः सुदासे सहस्रं शंसा उत रातिर् अस्तु ।
जहि वधर् वनुषो मत्यस्यास्मे दुम्नम् अधि रत्नं च धेहि ॥ ७ ०२५ ०३
त्वावतो हीन्द्र ऋत्वे अस्मि त्वावतो ऽवितुः शूर रातौ ।
विश्वेद् अहानि तविषीव उग्र ओकः कृणुष्व हरिवो न मर्धीः ॥ ७ ०२५ ०४
कुत्सा एते हर्यश्वाय शूषम् इन्द्रे सहो देवजूतम् इयानाः ।
सत्रा कृधि सुहना शूर वृत्रा वयं तरुत्राः सनुयाम वाजम् ॥ ७ ०२५ ०५
एवा न इन्द्र वार्यस्य पूर्धि प्र ते मही सुमतिं वेविदाम ।
इषम् पिन्व मघवद्भयः सुवीरां यूयम् पात स्वस्तिभिः सदा नः ॥ ७ ०२५ ०६

(५४२)

न सोम इन्द्रम् असुतो ममाद नाब्रह्माणो मघवानं सुतासः ।
तस्मा उक्थं जनये यज् जुजोषन् नृवन् नवीयः शृणवद् यथा नः ॥ ७ ०२६ ०१
उक्थ-उक्थे सोम इन्द्रम् ममाद नीथे-नीथे मघवानं सुतासः ।
यद् ई सबाधः पितरं न पुत्राः समानदक्षा अवसे हवन्ते ॥ ७ ०२६ ०२
चकार ता कृणवन् नूनम् अन्या यानि ब्रुवन्ति वेधसः सुतेषु ।
जनीर् इव पतिर् एकः समानो नि मामृजे पुर इन्द्रः सु सर्वाः ॥ ७ ०२६ ०३
एवा तम् आहुर् उत शृण्व इन्द्र एको विभक्ता तरणिर् मघानाम् ।
मिथस्तुर उतयो यस्य पूर्वीर् अस्मे भद्राणि सञ्चत प्रियाणि ॥ ७ ०२६ ०४
एवा वसिष्ठ इन्द्रम् उतये नृन् कृष्टीनां वृषभं सुते गृणाति ।

सहस्रिण उप॑ नो माहि॑ वाजान् यूयम् पात॑ स्वस्तिभिः॒ सदा॑ नः ॥ ७ ०२६ ०५

(५४३)

इन्द्रं॑ नरो॑ नेमधि॑ता हवन्ते॒ यत् पाया॑ युनजते॒ धियस् ताः ।
शूरो॑ नृषा॑ता शव॑सश् चकान॒ आ गोम॑ति व्रजे भ॒जा त्वं नः॑ ॥ ७ ०२७ ०१
य इन्द्र॑ शुष्मो॑ मघवन् ते अस्ति॒ शिक्षा॑ सखि॒भ्यः पुरु॑हूत॒ नृभ्यः॑ ।
त्वं हि दृ॒ळ्हा म॑घवन् विचे॑ता॒ अपा॑ वृधि॒ परि॑वृतं न राधः॑ ॥ ७ ०२७ ०२
इन्द्रो॑ राजा॒ जगत॑श् चर्षणी॒नाम् अधि॑ क्षमि॒ विषु॑रूपं यद् अस्ति॑ ।
ततो॑ ददाति॒ दाशु॑षे वसू॒नि चो॑दद् राध॒ उप॑स्तुतश् चिद् अ॒र्वाक् ॥ ७ ०२७ ०३
नू चिन् न॒ इन्द्रो॑ म॒घवा॑ सहू॒ती दानो॑ वाजं॒ नि य॑मते न ऊ॒ती ।
अनू॑ना॒ यस्य॑ दक्षि॒णा पी॑पाय॒ वामं॑ नृभ्यो॑ अ॒भिवी॑ता सखि॒भ्यः ॥ ७ ०२७ ०४
नू इन्द्र॑ रा॒ये वरि॑वस् कृधी न॒ आ ते॒ मनो॑ ववृ॒त्याम॑ म॒घाय॑ ।
गोम॑द् अश्वा॒वद् रथ॑वद् व्यन्तो॑ यूयम् पात॑ स्वस्तिभिः॒ सदा॑ नः ॥ ७ ०२७ ०५

(५४४)

ब्रह्मा॑ ण इन्द्रो॑प॒ याहि॑ वि॒द्वान् अ॒र्वाञ्च॑स् ते हर॑यः सन्तु यु॒क्ताः ।
विश्वे॑ चिद् धि॒ त्वा॑ वि॒हवन्त॑ म॒ता अ॒स्माक॑म् इच् छृ॒णुहि॑ विश्वमिन्व ॥ ७ ०२८ ०१
हव॑ त इन्द्र॑ महि॒मा व्य् आ॑न॒ङ् ब्रह्म॑ यत् पासि॑ शवसि॒न् ऋ॑षी॒णाम् ।
आ यद् वज्रं॑ दधि॒षे हस्त॑ उग्र॒ घोरः॑ सन् क्र॒त्वा॑ जनि॒ष्ठा अ॑षाळ्हः ॥ ७ ०२८ ०२
तव॑ प्रणी॒तीन्द्र॑ जोहु॒वानान् सं यन् नृन् न॑ रोद॒सी नि॒नेथ॑ ।
म॒हे क्ष॒त्राय॑ शव॑से हि ज॒ज्ञे ऽतू॑तुजिं चि॒त् तू॑तु॒जिर् अ॑शि॒न्नत् ॥ ७ ०२८ ०३
ए॒भिर् न॑ इन्द्रा॒र्हाभिर् द॑शस्य दुर्मि॒त्रासो॑ हि क्षि॒तयः॑ पवन्ते ।
प्रति॑ यच् चष्टे॒ अनृ॑तम् अने॒ना अव॑ द्वि॒ता वरु॑णो मा॒यी नः॑ सात् ॥ ७ ०२८ ०४
वो॒चेमे॑द् इन्द्र॑म् म॒घवान॑म् ए॒नम् म॒हो रा॒यो राध॑सो॒ यद् दद॑न् नः ।
यो अ॒र्चतो॑ ब्रह्म॒कृति॑म् अवि॒ष्टो यूयम् पात॑ स्वस्तिभिः॒ सदा॑ नः ॥ ७ ०२८ ०५

(५४५)

अयं सोम इन्द्र तुभ्यं सुन्व आ तु प्र याहि हरिवस् तदोकाः ।
पिबा त्व अ ऽस्य सुषुतस्य चारोर् ददो मघानि मघवन्न इयानः ॥ ७ ०२९ ०१
ब्रह्मन् वीर ब्रह्मकृतिं जुषाणो ऽर्वाचीनो हरिभिर् याहि तूयम् ।
अस्मिन्न ऊ षु सर्वने मादयस्वोप ब्रह्माणि शृणव इमा नः ॥ ७ ०२९ ०२
का ते अस्त्य् अरंकृतिः सूक्तैः कदा नूनं ते मघवन् दाशेम ।
विश्वा मतीर् आ ततने त्वायाधा म इन्द्र शृणवो हवेमा ॥ ७ ०२९ ०३
उतो घा ते पुरुष्या इ इद् आसन् येषाम् पूर्वेषाम् अशृणोर् ऋषीणाम् ।
अधाहं त्वा मघवञ् जोहवीमि त्वं न इन्द्रासि प्रमतिः पितेव ॥ ७ ०२९ ०४
वोचेमेद् इन्द्रम् मघवानम् एनम् महो रायो राधसो यद् ददन् नः ।
यो अर्चतो ब्रह्मकृतिम् अविष्टो यूयम् पात स्वस्तिभिः सदा नः ॥ ७ ०२९ ०५

(५४६)

आ नो देव शवसा याहि शुष्मिन् भवा वृध इन्द्र रायो अस्य ।
महे नृम्णाय नृपते सुवज्र महि क्षत्राय पौस्याय शूर ॥ ७ ०३० ०१
हवन्त उ त्वा हव्यं विवाचि तनूषु शूराः सूर्यस्य सातौ ।
त्वं विश्वेषु सेन्यो जनेषु त्वं वृत्राणि रन्धया सुहन्तु ॥ ७ ०३० ०२
अहा यद् इन्द्र सुदिना व्युच्छान् दधो यत् केतुम् उपमं समत्सु ।
न्य् अ ऽग्निः सीदद् असुरो न होता हुवानो अत्र सुभगाय देवान् ॥ ७ ०३० ०३
वयं ते त इन्द्र ये च देव स्तवन्त शूर ददतो मघानि ।
यच्छा सूरिभ्य उपमं वरूथं स्वाभुवो जरणाम् अश्ववन्त ॥ ७ ०३० ०४
वोचेमेद् इन्द्रम् मघवानम् एनम् महो रायो राधसो यद् ददन् नः ।
यो अर्चतो ब्रह्मकृतिम् अविष्टो यूयम् पात स्वस्तिभिः सदा नः ॥ ७ ०३० ०५

(५४७)

प्र व इन्द्राय मादनं हर्यश्वाय गायत ।
 सखायः सोमपात्रे ॥ ७ ०३१ ०१
 शंसेद् उक्थं सुदानव उत दुक्षं यथा नरः ।
 चक्रुमा सत्यराधसे ॥ ७ ०३१ ०२
 त्वं न इन्द्र वाजयुस् त्वं गव्युः शतक्रतो ।
 त्वं हिरण्ययुर् वसो ॥ ७ ०३१ ०३
 वयम् इन्द्र त्वायवो ऽभि प्र णोनुमो वृषन् ।
 विद्धी त्व अ ऽस्य नो वसो ॥ ७ ०३१ ०४
 मा नो निदे च वक्तव्ये ऽर्यो रन्धीर् अराग्णे ।
 त्वे अपि क्रतुर् मम ॥ ७ ०३१ ०५
 त्वं वर्मासि सप्रथः पुरोयोधश् च वृत्रहन् ।
 त्वया प्रति ब्रुवे युजा ॥ ७ ०३१ ०६
 महाऽउतासि यस्य ते ऽनु स्वधावरी सहः ।
 मन्नाते इन्द्र रोदसी ॥ ७ ०३१ ०७
 तं त्वा मरुत्वती परि भुवद् वाणी सयावरी ।
 नक्षमाणा सह द्युभिः ॥ ७ ०३१ ०८
 ऊर्ध्वासस् त्वान्व इन्द्रवो भुवन् दस्मम् उप द्यवि ।
 सं ते नमन्त कृष्टयः ॥ ७ ०३१ ०९
 प्र वो महे महिवृधे भरध्वम् प्रचेतसे प्र सुमतिं कृणुध्वम् ।
 विशः पूर्वीः प्र चरा चर्षणिप्राः ॥ ७ ०३१ १०
 उरुव्यचसे महिने सुवृक्तिम् इन्द्राय ब्रह्म जनयन्त विप्राः ।
 तस्य व्रतानि न मिनन्ति धीराः ॥ ७ ०३१ ११
 इन्द्रं वाणीर् अनुत्तमन्युम् एव सत्रा राजानं दधिरे सहध्वै ।
 हर्यश्वाय बर्हया सम् आपीन् ॥ ७ ०३१ १२

(५४८)

मो षु त्वा वाघतश् चनारे अस्मन् नि रीरमन् ।

आ॒रा॒त्ता॒च् चि॒त् स॒ध॒माद॑ न॒ आ ग॑ही॒ह वा॒ सन्न॑ उप॑ श्रुधि ॥ ७ ०३२ ०१
 इ॒मे हि॑ ते॒ ब्रह्म॑कृतः॑ सु॒ते स॒चा म॒धौ न॑ म॒क्ष आ॒सते॑ ।
 इ॒न्द्रे॒ काम॑ ज॒रितारो॑ व॒सूय॑वो रथे॒ न पा॒दम् आ॑ द॒धुः ॥ ७ ०३२ ०२
 रा॒यस्का॑मो व॒ज्रह॑स्तं सु॒दक्षि॑णम् पु॒त्रो न॑ पि॒तर॑ हु॒वे ॥ ७ ०३२ ०३
 इ॒म इन्द्रा॑य सु॒न्विरे॒ सोमा॑सो द॒ध्याशि॑रः ।
 ता॒ आ म॑दा॒य व॒ज्रह॑स्त पी॒तये॒ हरि॑भ्यां या॒ह्य ओ॒क आ ॥ ७ ०३२ ०४
 श्र॒वच् छ्रु॑त्कर्ण॑ ई॒यते॒ वसू॑नां नू चि॒न् नो म॑र्धिषद् गि॒रः! ।
 स॒द्यश् चि॒द् यः स॒हस्रा॑णि श॒ता द॒दन् न॑कि॒र् दित्स॑न्तम् आ मि॒नत् ॥ ७ ०३२ ०५
 स वी॒रो अ॒प्रति॑ष्कु॒त इ॒न्द्रेण॑ शूशु॒वे नृ॑भिः! ।
 यस् ते॑ गभी॒रा स॑र्व॒नानि॑ वृ॒त्रह॑न् सु॒नोत्य् आ च॑ धावति ॥ ७ ०३२ ०६
 भवा॒ वरू॑थम् म॒घव॑न् म॒घोनां॑ यत् स॒मजा॑सि श॒र्धतः॑ ।
 वि॒ त्वाह॑तस्य॒ वेद॑नम् भ॒जेम॑ह्य आ दू॒णाशो॑ भ॒रा ग॑यम् ॥ ७ ०३२ ०७
 सु॒नोता॑ सोम॒पात्रे॑ सोम॒म् इन्द्रा॑य व॒ज्रणे॑ ।
 प॒चता॑ प॒क्तीर् अ॒वसे॑ कृ॒णु॑ध्वम् इत् पृ॒णन्न॑ इत् पृ॒णते॑ मयः! ॥ ७ ०३२ ०८
 मा स्ने॑धत सोमि॒नो द॑क्षता म॒हे कृ॑णुध्वं रा॒य आ॒तुजे॑ ।
 त॒रणि॑र् इज् ज॒यति॑ क्षेति॒ पुष्य॑ति॒ न दे॒वासः! क॒वत्न॑वे ॥ ७ ०३२ ०९
 नकिः! सु॒दासो॑ रथ॒म् पर्य॑ आ॒स न॑ रीरमत् ।
 इन्द्रो॒ यस्या॑वि॒ता यस्य॑ म॒रुतो॑ ग॒मत् स॑ गो॒मति॑ व्र॒जे ॥ ७ ०३२ १०
 ग॒मद् वा॒जं वा॒जय॑न्न॒ इन्द्र॑ म॒त्यो यस्य॑ त्वम् अ॒विता॑ भुवः! ।
 अ॒स्माक॑म् बो॒ध्य अ॒विता॑ रथाना॒म् अ॒स्माक॑ शू॒र नृ॑णाम् ॥ ७ ०३२ ११
 उद् इन् न्व् अस्य रि॒च्यते॑ ऽशो॒ धनं॑ न जि॒ग्युषः! ।
 य इन्द्रो॒ हरि॑वान् न द॒भन्ति॑ तं रि॒पो द॑क्षं दधाति सो॒मिनि॑ ॥ ७ ०३२ १२
 मन्त्र॑म् अ॒खर्वं॑ सु॒धितं॑ सु॒पेश॑सं दधात॒ यज्ञि॑येष्व् आ ।
 पूर्वी॑श् च॒न प्र॑सि॒तय॑स् तरन्ति॒ तं य इ॒न्द्रे क॑र्मणा॒ भुव॑त् ॥ ७ ०३२ १३
 कस् तम् इन्द्र॑ त्वाव॒सुम् आ॑ म॒त्यो द॑धर्षति ।
 श्र॒द्धा इत् ते॑ म॒घव॑न् पा॒र्ये दि॒वि वा॒जी वा॒जं सि॑षासति ॥ ७ ०३२ १४
 म॒घोनः! स्म वृ॒त्रह॑त्येषु चोद॒य ये द॑दति प्रि॒या वसु॑ ।
 तव॑ प्र॒णीती॑ हर्यश्च॒ सूरि॑भिर् वि॒श्वो त॑रेम दु॒रिता ॥ ७ ०३२ १५

तवेद् इन्द्रावमं वसु त्वम् पुष्यसि मध्यमम् ।
 सत्रा विश्वस्य परमस्य राजसि नकिष् ट्वा गोषु वृण्वते ॥ ७ ०३२ १६
 त्वं विश्वस्य धनदा असि श्रुतो य इम् भवन्त्य आजयः ।
 तवायं विश्वः पुरुहूत पार्थिवो ऽवस्युर् नाम भिक्षते ॥ ७ ०३२ १७
 यद् इन्द्र यावत्स् त्वम् एतावद् अहम् ईशीय ।
 स्तोतास्म इद् दिधिषेय रदावसो न पापत्वाय रासीय ॥ ७ ०३२ १८
 शिक्षेयम् इन् महयते दिवे-दिवे राय आ कुहचिद्विदे ।
 नहि त्वद् अन्यन् मघवन् न आप्यं वस्यो अस्ति पिता चन ॥ ७ ०३२ १९
 तरणिर् इत् सिषासति वाजम् पुरध्या युजा ।
 आ व इन्द्रम् पुरुहूतं नमि गिरा नेमिं तष्टेव सुद्ववम् ॥ ७ ०३२ २०
 न दुष्टृती मत्यो विन्दते वसु न स्नेधन्तं रयिर् नशत् ।
 सुशक्तिर् इन् मघवन् तुभ्यम् मावते देष्णं यत् पार्ये दिवि ॥ ७ ०३२ २१
 अभि त्वा शूर नोनुमो ऽदुग्धा इव धेनवः ।
 ईशानम् अस्य जगतः स्वर्दृशम् ईशानम् इन्द्र तस्थुषः ॥ ७ ०३२ २२
 न त्वावाः अन्यो दिव्यो न पार्थिवो न जातो न जनिष्यते ।
 अश्वायन्तो मघवन् इन्द्र वाजिनो गव्यन्तस् त्वा हवामहे ॥ ७ ०३२ २३
 अभी षतस् तद् आ भरेन्द्र ज्यायः कनीयसः ।
 पुस्वसुर् हि मघवन् सनाद् असि भरे-भरे च हव्यः ॥ ७ ०३२ २४
 परा णुदस्व मघवन् अमित्रान् सुवेदा नो वसू कृधि ।
 अस्माकम् बोध्य अविता महाधने भवा वृधः सखीनाम् ॥ ७ ०३२ २५
 इन्द्र क्रतुं न आ भर पिता पुत्रेभ्यो यथा ।
 शिक्षा णो अस्मिन् पुरुहूत यामनि जीवा ज्योतिर् अशीमहि ॥ ७ ०३२ २६
 मा नो अज्ञाता वृजना दुराध्यो ऽ माशिवासो अव क्रमुः ।
 त्वया वयम् प्रवतः शश्वतीर् अपो ऽति शूर तरामसि ॥ ७ ०३२ २७

(५४९)

श्वित्यञ्चो मा दक्षिणतस्कपर्दा धियंजिन्वासो अभि हि प्रमन्दुः ।

उत्तिष्ठन् वोचे परि बर्हिषो नृन् न मे दूराद् अवितवे वसिष्ठाः ॥ ७ ०३३ ०१
 दूराद् इन्द्रम् अनयन्न आ सुतेन तिरो वैशन्तम् अति पान्तम् उग्रम् ।
 पाशद्युम्नस्य वायतस्य सोमात् सुताद् इन्द्रो ऽवृणीता वसिष्ठान् ॥ ७ ०३३ ०२
 एवेन् नु कं सिन्धुम् एभिस् ततारेवेन् नु कम् भेदम् एभिर् जघान ।
 एवेन् नु कं दाशराज्ञे सुदासम् प्रावद् इन्द्रो ब्रह्मणा वो वसिष्ठाः ॥ ७ ०३३ ०३
 जुष्टी नरो ब्रह्मणा वः पितृणाम् अक्षम् अव्ययं न किला रिषाथ ।
 यच् छङ्करीषु बृहता रवेणेन्द्रे शुष्मम् अदधाता वसिष्ठाः ॥ ७ ०३३ ०४
 उद् द्याम् इवेत् तृष्णजो नाथितासो ऽदीधयुर् दाशराज्ञे वृतासः ।
 वसिष्ठस्य स्तुवत इन्द्रो अश्रोद् उरुं तृत्सुभ्यो अकृणोद् उलोकम् ॥ ७ ०३३ ०५
 दण्डा इवेद् गोअर्जनास आसन् परिच्छिन्ना भरता अर्भकासः ।
 अभवच् च पुराता वसिष्ठ आद् इत् तृत्सूनां विशो अप्रथन्त ॥ ७ ०३३ ०६
 त्रयः कृण्वन्ति भुवनेषु रेतस् तिस्रः प्रजा आर्या ज्योतिरग्राः ।
 त्रयो घर्मास उषसं सचन्ते सर्वा इत् ताः अनु विदुर् वसिष्ठाः ॥ ७ ०३३ ०७
 सूर्यस्येव वक्षथो ज्योतिर् एषां समुद्रस्येव महिमा गभीरः ।
 वातस्येव प्रजवो नान्येन स्तोमो वसिष्ठा अन्वेतवे वः ॥ ७ ०३३ ०८
 त इन् निण्यं हृदयस्य प्रकेतैः सहस्रवल्शम् अभि सं चरन्ति ।
 यमेन ततम् परिधिं वयन्तो ऽप्सरस उप सेदुर् वसिष्ठाः ॥ ७ ०३३ ०९
 विद्युतो ज्योतिः परि संजिहानम् मित्रावरुणा यद् अपश्यतां त्वा ।
 तत् ते जन्मोतैकं वसिष्ठागस्त्यो यत् त्वा विश आजभार ॥ ७ ०३३ १०
 उतासि मैत्रावरुणो वसिष्ठोर्वश्या ब्रह्मन् मनसो ऽधि जातः ।
 द्रप्सं स्कन्नम् ब्रह्मणा दैव्येन विश्वे देवाः पुष्करे त्वाददन्त ॥ ७ ०३३ ११
 स प्रकेत उभयस्य प्रविद्वान् सहस्रदान उत वा सदानः ।
 यमेन ततम् परिधिं वयिष्यन्न अप्सरसः परि जज्ञे वसिष्ठः ॥ ७ ०३३ १२
 सत्रे ह जाताव इषिता नमोभिः कुम्भे रेतः सिषिचतुः समानम् ।
 ततो ह मान उद् इयाय मध्यात् ततो जातम् ऋषिम् आहुर् वसिष्ठम् ॥ ७ ०३३ १३
 उक्थभृतं सामभृतम् बिभर्ति ग्रावाणम् बिभ्रत् प्र वदात्य अग्रे ।
 उपैनम् आध्वं सुमनस्यमाना आ वो गच्छाति प्रतृदो वसिष्ठः ॥ ७ ०३३ १४

(५५०)

प्र शुक्रैतु देवी मनीषा अस्मत् सुतष्टो रथो न वाजी ॥ ७ ०३४ ०१
विदुः पृथिव्या दिवो जनित्रं शृण्वन्त्य् आपो अध क्षरन्तीः ॥ ७ ०३४ ०२
आपश् चिद् अस्मै पिन्वन्त पृथ्वीर् वृत्रेषु शूरा मंसन्त उग्राः ॥ ७ ०३४ ०३
आ धूर्ध्व् अस्मै दधाताश्चान् इन्द्रो न वज्री हिरण्यबाहुः ॥ ७ ०३४ ०४
अभि प्र स्थाताहेव यज्ञं यातेव पत्मन् त्मना हिनोत ॥ ७ ०३४ ०५
त्मना समत्सु हिनोत यज्ञं दधात केतुं जनाय वीरम् ॥ ७ ०३४ ०६
उद् अस्य शुष्माद् भानुर् नार्तं विभर्ति भारम् पृथिवी न भूम ॥ ७ ०३४ ०७
हूयामि देवाः अयातुर् अग्ने साधन्न ऋतेन धियं दधामि ॥ ७ ०३४ ०८
अभि वो देवीं धियं दधिध्वम् प्र वो देवत्रा वाचं कृणुध्वम् ॥ ७ ०३४ ०९
आ चष्ट आसाम् पाथो नदीनां वरुण उग्रः सहस्रचक्षाः ॥ ७ ०३४ १०
राजा राष्ट्रानाम् पेशो नदीनाम् अनुत्तम् अस्मै क्षत्रं विश्वायु ॥ ७ ०३४ ११
अविष्टो अस्मान् विश्वासु विक्ष्व् अद्युं कृणोत शंसं निनित्सोः ॥ ७ ०३४ १२
व्य एतु दिद्युद् द्विषाम् अशेवा युयोत विष्वग् रपस् तनूनाम् ॥ ७ ०३४ १३
अवीन् नो अग्निर् हव्यान् नमोभिः प्रेष्ठो अस्मा अधायि स्तोमः ॥ ७ ०३४ १४
सजूर् देवेभिर् अपां नपातं सखायं कृध्वं शिवो नो अस्तु ॥ ७ ०३४ १५
अब्जाम् उक्थैर् अहिं गृणीषे बुधे नदीनां रजस्सु षीदन् ॥ ७ ०३४ १६
मा नो ऽहिर बुध्यो रिषे धान् मा यज्ञो अस्य सिधद् ऋतायोः ॥ ७ ०३४ १७
उत् न एषु नृषु श्रवो धुः प्र राये यन्तु शर्धन्तो अर्यः ॥ ७ ०३४ १८
तपन्ति शत्रुं स्व ऋण भूमा महासेनासो अमेभिर् एषाम् ॥ ७ ०३४ १९
आ यन् नः पत्नीर् गमन्त्य् अच्छ्वा त्वष्टा सुपाणिर् दधातु वीरान् ॥ ७ ०३४ २०
प्रति न स्तोमं त्वष्टा जुषेत स्याद् अस्मे अरमातिर् वसूयुः ॥ ७ ०३४ २१
ता नो रासन् रातिषाचो वसून् आ रोदसी वरुणानी शृणोतु ।
वरुत्रीभिः सुशरणो नो अस्तु त्वष्टा सुदत्रो वि दधातु रायः ॥ ७ ०३४ २२
तन् नो रायः पर्वतास् तन् न आपस् तद् रातिषाच ओषधीर् उत् द्यौः ।
वनस्पतिभिः पृथिवी सजोषा उभे रोदसी परि पासतो नः ॥ ७ ०३४ २३
अनु तद् उर्वी रोदसी जिहाताम् अनु दुक्षो वरुण इन्द्रसखा ।
अनु विश्वे मरुतो ये सहासो रायः स्याम धरुणं धियध्वै ॥ ७ ०३४ २४

तन् न इन्द्रो वरुणो मित्रो अग्निर् आप ओषधीर् वनिनो जुषन्त ।
 शर्मन् स्याम मरुताम् उपस्थे यूयम् पात स्वस्तिभिः सदा नः ॥ ७ ०३४ २५

(५५१)

शं न इन्द्राग्नी भवताम् अवोभिः शं न इन्द्रावरुणा रातहव्या ।
 शम् इन्द्रासोमा सुविताय शं योः शं न इन्द्रापूषणा वाजसातौ ॥ ७ ०३५ ०१
 शं नो भगः शम् उ नः शंसो अस्तु शं नः पुरंधिः शम् उ सन्तु रायः ।
 शं नः सत्यस्य सुयमस्य शंसः शं नो अर्यमा पुरुजातो अस्तु ॥ ७ ०३५ ०२
 शं नो धाता शम् उ धर्ता नो अस्तु शं न उरुची भवतु स्वधाभिः ।
 शं रोदसी बृहती शं नो अद्रिः शं नो देवानां सुहवानि सन्तु ॥ ७ ०३५ ०३
 शं नो अग्निर् ज्योतिरनीको अस्तु शं नो मित्रावरुणाव् अश्विना शम् ।
 शं नः सुकृतां सुकृतानि सन्तु शं न इषिरो अभि वातु वातः ॥ ७ ०३५ ०४
 शं नो द्यावापृथिवी पूर्वहूतौ शम् अन्तरिक्षं दृशये नो अस्तु ।
 शं न ओषधीर् वनिनो भवन्तु शं नो रजसस् पतिर् अस्तु जिष्णुः ॥ ७ ०३५ ०५
 शं न इन्द्रो वसुभिर् देवो अस्तु शम् आदित्येभिर् वरुणः सुशंसः ।
 शं नो रुद्रो रुद्रेभिर् जलाषः शं नस् त्वष्टा ग्नाभिर् इह शृणोतु ॥ ७ ०३५ ०६
 शं नः सोमो भवतु ब्रह्म शं नः शं नो ग्रावाणः शम् उ सन्तु यज्ञाः ।
 शं नः स्वरूणाम् मितयो भवन्तु शं नः प्रस्व १ : शम् व् अस्तु वेदिः ॥ ७ ०३५ ०७
 शं नः सूर्यं उरुचक्षा उद् एतु शं नश् चतस्रः प्रदिशो भवन्तु ।
 शं नः पर्वता ध्रुवयो भवन्तु शं नः सिन्धवः शम् उ सन्त् आपः ॥ ७ ०३५ ०८
 शं नो अदितिर् भवतु व्रतेभिः शं नो भवन्तु मरुतः स्वर्काः ।
 शं नो विष्णुः शम् उ पूषा नो अस्तु शं नो भवित्त्रं शम् व् अस्तु वायुः ॥ ७ ०३५ ०९
 शं नो देवः सविता त्रायमाणः शं नो भवन्तुषसो विभातीः ।
 शं नः पर्जन्यो भवतु प्रजाभ्यः शं नः क्षेत्रस्य पतिर् अस्तु शम्भुः ॥ ७ ०३५ १०
 शं नो देवा विश्वदेवा भवन्तु शं सरस्वती सह धीभिर् अस्तु ।
 शम् अभिषाचः शम् उ रातिषाचः शं नो दिव्याः पार्थिवाः शं नो अप्याः ॥ ७ ०३५

११

शं नः सत्यस्य पतयो भवन्तु शं नो अर्वन्तः शम् उ सन्तु गावः ।
 शं न ऋभवः सुकृतः सुहस्ताः शं नो भवन्तु पितरो हवेषु ॥ ७ ०३५ १२
 शं नो अज एकपाद् देवो अस्तु शं नो ऽहिर बुध्य ः शं समुद्रः ।
 शं नो अपां नपात् पेरुर् अस्तु शं नः पृश्निर भवतु देवगोपा ॥ ७ ०३५ १३
 आदित्या रुद्रा वसवो जुषन्तेदम् ब्रह्म क्रियमाणं नवीयः ।
 शृण्वन्तु नो दिव्याः पार्थिवासो गोजाता उत ये यज्ञियासः ॥ ७ ०३५ १४
 ये देवानां यज्ञिया यज्ञियानाम् मनोर् यजत्रा अमृता ऋतज्ञाः ।
 ते नो रासन्ताम् उरुगायम् अद्य यूयम् पात स्वस्तिभिः सदा नः ॥ ७ ०३५ १५

(५५२)

प्र ब्रह्मैतु सदनाद् ऋतस्य वि रश्मिभिः ससृजे सूर्यो गाः ।
 वि सानुना पृथिवी सस्र उर्वी पृथु प्रतीकम् अध्ये एधे अग्निः ॥ ७ ०३६ ०१
 इमां वाम् मित्रावरुणा सुवृक्तिम् इषं न कृण्वे असुरा नवीयः ।
 इनो वाम् अन्यः पदवीर् अदब्धो जनं च मित्रो यतति ब्रुवाणः ॥ ७ ०३६ ०२
 आ वातस्य ध्रजतो रन्त इत्या अपीपयन्त धेनवो न सूदाः ।
 महो दिवः सदाने जायमानो ऽचिक्रदद् वृषभः सस्मिन् ऊर्धन् ॥ ७ ०३६ ०३
 गिरा य एता युनजद् धरीं त इन्द्र प्रिया सुरथा शूर धायू ।
 प्र यो मन्युं रिरिक्षतो मिनात्य् आ सुक्रतुम् अर्यमणं ववृत्याम् ॥ ७ ०३६ ०४
 यजन्ते अस्य सख्यं वयश् च नमस्विनः स्व ऋतस्य धामन् ।
 वि पृक्षो बाबधे नृभि स्तवान् इदं नमो रुद्राय प्रेष्ठम् ॥ ७ ०३६ ०५
 आ यत् साकं यशसो वावशानाः सरस्वती सप्तथी सिन्धुमाता ।
 याः सुष्वयन्त सुदुघाः सुधारा अभि स्वेन पर्यसा पीप्यानाः ॥ ७ ०३६ ०६
 उत त्ये नो मरुतो मन्दसाना धियं तोकं च वाजिनो ऽवन्तु ।
 मा नः परि ख्यद् अक्षरा चरन्त्य् अवीवृधन् युज्यं ते रयिं नः ॥ ७ ०३६ ०७
 प्र वो महीम् अरमतिं कृणुध्वम् प्र पूषणं विदथ्य ः न वीरम् ।
 भगं धियो ऽवितारं नो अस्याः सातौ वाजं रातिषाचम् पुरंधिम् ॥ ७ ०३६ ०८
 अच्छ्रायं वो मरुतः श्लोक एत्व अच्छ्रा विष्णुं निषिक्तपाम् अवोभिः ।

उ॒त प्र॒जायै॑ गृ॒णते॑ वयो॑ धु॒र् यू॒यम् पा॑त स्व॒स्तिभिः॑ सदा॑ नः ॥ ७ ०३६ ०९

(५५३)

आ वो॑ वाहि॒ष्ठो वह॑तु स्त॒वध्यै॑ रथो॑ वाजा ऋ॒भुक्ष॑णो अ॒मृक्तः॑ ।
अ॒भि त्रि॑पृ॒ष्ठैः स॒वने॑षु सो॒मैर् म॑दे॒ सुशि॑प्रा म॒हभिः॑ पृ॒णध्व॑म् ॥ ७ ०३७ ०१
यू॒यं ह॒ रत्न॑म् म॒घव॑र्त्सु ध॒त्थ स्व॑र्द॒श ऋ॒भुक्ष॑णो अ॒मृक्त॑म् ।
सं य॒ज्ञेषु॑ स्व॒धाव॑न्तः पि॒बध्वं॑ वि नो॒ राधा॑सि म॒तिभि॑र् द॒यध्व॑म् ॥ ७ ०३७ ०२
उ॒वोचि॑थ हि म॒घव॑न् दे॒ष्णम् म॒हो अ॒भस्य॑ वसु॒नो वि॒भागे॑ ।
उ॒भा ते॑ पूर्णा॒ वसु॑ना॒ गभ॑स्ती॒ न सूनृ॑ता॒ नि य॑मते वस॒व्या ॥ ७ ०३७ ०३
त्वम् इन्द्र॑ स्वय॒शा ऋ॒भुक्षा॑ वा॒जो न सा॑धु॒र् अस्त॑म् ए॒ष्य ऋ॒क्का॑ ।
व॒यं नु॑ ते॒ दा॒श्वासः॑ स्याम॒ ब्रह्म॑ कृ॒ण्वन्तो॑ हरि॒वो वसि॑ष्ठाः ॥ ७ ०३७ ०४
स॒निता॑सि प्र॒वतो॑ दा॒शुषे॑ चि॒द् याभि॑र् वि॒वेषो॑ हर्य॒श्च धी॑भिः ।
व॒वन्मा॑ नु ते॒ यु॒ज्याभि॑र् ऊ॒ती क॒दा न॑ इन्द्र॒ रा॒य आ द॑शस्येः ॥ ७ ०३७ ०५
वा॒सय॑सीव वे॒धस॑स् त्वं नः॑ क॒दा न॑ इन्द्र॒ वच॑सो बु॒बोधः॑ ।
अस्त॑ ता॒त्या धि॒या र॒यिं सु॒वीर॑म् पृ॒क्षो नो॒ अर्वा॑ न्य॒ उही॑त वा॒जी ॥ ७ ०३७ ०६
अ॒भि यं दे॒वी नि॒रृति॑श् चि॒द् ई॒शे न॑क्ष॒न्त इन्द्र॑ श॒रदः॑ सु॒पृक्षः॑ ।
उप॑ त्रि॒बन्धु॑र् ज॒रदा॑ष्टि॒म् ए॒त्य् अ॒स्वव॑शं॒ यं कृ॑ण॒वन्त॒ मर्ताः॑ ॥ ७ ०३७ ०७
आ नो॑ राधा॒सि स॒वित॑ स्त॒वध्या॑ आ रा॒यो य॑न्तु पर्व॒तस्य॑ रा॒तौ ।
सदा॑ नो दि॒व्यः पा॒युः सि॑ष॒क्तु यू॒यम् पा॑त स्व॒स्तिभिः॑ सदा॑ नः ॥ ७ ०३७ ०८

(५५४)

उद् उ॒ ष्य दे॒वः स॒विता॑ य॒याम॑ हि॒रण्य॑यी॒म् अ॒मति॑ याम् अ॒शि॒श्रेत् ।
नून॑म् भ॒गो ह॒व्यो मा॑नुषि॒भिर् वि॒ यो रत्ना॑ पु॒स्वसु॑र् दधा॒ति ॥ ७ ०३८ ०१
उद् उ॑ तिष्ठ स॒वितः॑ श्रु॒ध्य अ॒ ष् स्य॑ हि॒रण्य॑पा॒णे प्र॑भृ॒ताव् ऋ॒तस्य॑ ।
व्य॑ उ॒ ष् वी॑म् पृ॒थ्वी॑म् अ॒मति॑ सृ॒जान॑ आ नृ॒भ्यो म॑र्त॒भोज॑नं सु॒वानः॑ ॥ ७ ०३८ ०२
अपि॑ ष्टु॒तः स॒विता॑ दे॒वो अ॑स्तु॒ यम् आ चि॑द् वि॒श्वे व॑स॒वो गृ॑णन्ति ।
स न॒ स्तोमा॑न् न॒मस्य॑ ष् श॒ चनो॑ धा॒द् वि॒श्वेभिः॑ पा॒तु पा॒युभि॑र् नि॒ सूरी॑न् ॥ ७ ०३८ ०३

अ॒भि यं दे॒व्य् अदि॑तिर् गृ॒णाति॑ स॒वं दे॒वस्य॑ स॒वितु॑र् जु॒षाणा॑ ।
 अ॒भि स॒म्राजो॑ वरु॒णो गृ॑णन्त्य् अ॒भि मि॒त्रासो॑ अ॒र्यमा॑ स॒जोषाः॑ ॥ ७ ०३८ ०४
 अ॒भि ये मि॒थो व॒नुषः॑ स॒पन्ते॑ रा॒तिं दि॒वो रा॑ति॒षाचः॑ पृथि॒व्याः ।
 अहि॑र् बु॒ध्य उ॒त नः॑ शृ॒णोतु॑ वरु॒त्र्य् ए॒कधि॑नुभिर् नि पा॒तु ॥ ७ ०३८ ०५
 अनु॑ तन् नो जा॒स्पति॑र् मंसीष्ट॒ रत्नं॑ दे॒वस्य॑ स॒वितु॑र् इ॒यानः॑ ।
 भग॑म् अ॒ग्नो ऽव॑से जोह॒वीति॑ भग॒म् अनु॑ग्नो अध॑ याति॒ रत्न॑म् ॥ ७ ०३८ ०६
 शं नो॑ भवन्तु वा॒जिनो॑ ह॒वेषु॑ दे॒वता॑ता मि॒तद्र॑वः स्व॒र्काः ।
 ज॒म्भय॑न्तो ऽहिं वृ॒कं रक्षा॑सि॒ सने॑म्य् अ॒स्मद् यु॒यव॑न्न॒ अमी॑वाः ॥ ७ ०३८ ०७
 वाजे॑-वाजे ऽवत वाजिनो नो धनेषु विप्रा अमृता ऋतज्ञाः ।
 अ॒स्य म॒ध्वः पि॒बत॑ मा॒दय॑ध्वं तृ॒प्ता या॑त पृथि॒भिर् दे॒व्यानैः॑ ॥ ७ ०३८ ०८

(५५५)

ऊ॒र्ध्वो अ॒ग्निः सु॑म॒तिं व॒स्वो अ॑श्रेत् प्रती॒ची जू॑र्णिर् दे॒वता॑तिम् एति ।
 भे॒जाते॑ अ॒द्री र॒थ्येव॑ पन्थाम् ऋ॒तं होता॑ न इषि॒तो य॑जाति ॥ ७ ०३९ ०१
 प्र वा॒वृजे॑ सु॒प्रया॑ ब॒र्हिर् ए॒षाम् आ॑ वि॒शप॑तीव॒ बीरि॑ट इयाते ।
 वि॒शाम् अ॒क्तोर् उ॒षसः॑ पू॒र्वहू॑तौ वा॒युः पू॒षा स्व॑स्तये॒ नियु॑त्वान् ॥ ७ ०३९ ०२
 ज॒म्या अ॒त्र व॑स॒वो र॑न्त दे॒वा उ॒राव् अ॒न्तरि॑क्षे म॒र्जय॑न्त शु॒भ्राः ।
 अ॒र्वाक् प॒थ उ॑रु॒ज्रयः॑ कृ॒णुध्वं॑ श्रोता॒ दूत॑स्य॒ जग्मु॑षो॒ नो अ॒स्य ॥ ७ ०३९ ०३
 ते हि॑ य॒ज्ञेषु॑ य॒ज्ञिया॑स ऊ॒माः स॒धस्थं॑ वि॒श्वे अ॒भि स॑न्ति दे॒वाः ।
 ताः अ॒ध्वर॑ उ॒शतो॑ यक्ष्य॒ अग्ने॑ श्रु॒ष्टी भगं॑ नासत्या॒ पुर॑धिम् ॥ ७ ०३९ ०४
 आ॒ग्ने गि॑रो दि॒व आ॑ पृथि॒व्या मि॒त्रं व॒ह वरु॑णम् इन्द्र॒म् अ॒ग्निम् ।
 आ॒र्यम॑णम् अदि॒तिं वि॑ष्णुम् ए॒षां सर॑स्वती म॒रुतो॑ मा॒दय॑न्ताम् ॥ ७ ०३९ ०५
 र॒रे ह॒व्यम् म॒तिभि॑र् य॒ज्ञिया॑नां॒ नक्ष॑त् का॒मम् म॒त्याना॑म् अ॒सिन्व॑न् ।
 धा॒ता र॒यिम् अ॒विद॑स्यं स॒दासां॑ स॒क्षीम॑हि यु॒ज्येभि॑र् नु दे॒वैः ॥ ७ ०३९ ०६
 नू रो॒दसी॑ अ॒भिष्टु॑ते वसि॒ष्टैर् ऋ॒तावा॑नो वरु॒णो मि॒त्रो अ॒ग्निः ।
 य॒च्छन्तु॑ च॒न्द्रा उ॑प॒मं नो॑ अ॒र्कं यू॒यम् पा॑त स्व॒स्तिभिः॑ सदा॑ नः ॥ ७ ०३९ ०७

(५५६)

ओ श्रुष्टिर् विदध्या ३ सम् एतु प्रति स्तोमं दधीमहि तुराणाम् ।
यद् अद्य देवः सविता सुवाति स्यामास्य रत्निनो विभागे ॥ ७ ०४० ०१
मित्रस् तन् नो वरुणो रोदसी च द्युभक्तम् इन्द्रो अर्यमा ददातु ।
दिदेष्टु देव्य् अदिती रेक्णो वायुश् च यन् नियुवैते भगश् च ॥ ७ ०४० ०२
सेद् उग्रो अस्तु मरुतः स शुष्मी यम् मर्त्यम् पृषदश्चा अवाथ ।
उतेम् अग्निः सरस्वती जुनन्ति न तस्य रायः पर्येतास्ति ॥ ७ ०४० ०३
अयं हि नेता वरुण ऋतस्य मित्रो राजानो अर्यमापो धुः ।
सुहवा देव्य् अदितिर् अनवा ते नो अंहो अति पर्षन्न अरिष्टान् ॥ ७ ०४० ०४
अस्य देवस्य मीळ्हुषो वया विष्णोर् एषस्य प्रभृथे हविर्भिः ।
विदे हि रुद्रो रुद्रियम् महित्वं यासिष्टं वर्तिर् अश्विनाव् इरावत् ॥ ७ ०४० ०५
मात्रं पूषन् आघृण इरस्यो वरुत्री यद् रातिषाचश् च रासन् ।
मयोभुवो नो अर्वन्तो नि पान्तु वृष्टिम् परिज्मा वातो ददातु ॥ ७ ०४० ०६
नू रोदसी अभिष्टुते वसिष्टिर् ऋतावानो वरुणो मित्रो अग्निः ।
यच्छन्तु चन्द्रा उपमं नो अर्कं यूयम् पात स्वस्तभिः सदा नः ॥ ७ ०४० ०७

(५५७)

प्रातर् अग्निम् प्रातर् इन्द्रं हवामहे प्रातर् मित्रावरुणा प्रातर् अश्विना ।
प्रातर् भगम् पूषणम् ब्रह्मणस् पतिम् प्रातः सोमम् उत रुद्रं हुवेम ॥ ७ ०४१ ०१
प्रातर्जितम् भगम् उग्रं हुवेम वयम् पुत्रम् अदितीर् यो विधर्ता ।
आध्रश् चिद् यम् मन्यमानस् तुरश् चिद् राजा चिद् यम् भगम् भक्षीत्य् आह ॥ ७
०४१ ०२
भग प्रणेतर् भग सत्यराधो भगेमां धियम् उद् अवा ददन् नः ।
भग प्र णो जनय गोभिर् अश्वैर् भग प्र नृभिर् नृवन्तः स्याम ॥ ७ ०४१ ०३
उतेदानीम् भगवन्तः स्यामोत प्रपित्व उत मध्ये अहाम् ।
उतोदिता मघवन् सूर्यस्य वयं देवानां सुमतौ स्याम ॥ ७ ०४१ ०४
भग एव भगवाः अस्तु देवास् तेन वयम् भगवन्तः स्याम ।

तं त्वा भग सर्व इज् जोहवीति स नो भग पुरएता भवेह ॥ ७ ०४१ ०५
 सम् अध्वरायोषसो नमन्त दधिक्रावेव शुचये पदाय ।
 अर्वाचीनं वसुविदम् भगं नो रथम् इवाश्वा वाजिन आ वहन्तु ॥ ७ ०४१ ०६
 अश्वावतीर् गोमतीर् न उषासो वीरवतीः सदम् उच्छन्तु भद्राः ।
 घृतं दुहाना विश्वतः प्रपीता यूयम् पात स्वस्तिभिः सदा नः ॥ ७ ०४१ ०७

(५५८)

प्र ब्रह्माणो अङ्गिरसो नक्षन्त प्र क्रन्दनूर् नभन्यस्य वेतु ।
 प्र धेनव उदप्रतो नवन्त युज्याताम् अद्री अध्वरस्य पेशः ॥ ७ ०४२ ०१
 सुगस् ते अग्ने सनवित्तो अध्वा युक्ष्वा सुते हरितो रोहितश् च ।
 ये वा सन्न अरुषा वीरवाहो हुवे देवानां जनिमानि सत्तः ॥ ७ ०४२ ०२
 सम् उ वो यज्ञम् महयन् नमोभिः प्र होता मन्द्रो रिरिच उपाके ।
 यजस्व सु पुर्वणीक देवान् आ यज्ञियाम् अरमतिं ववृत्याः ॥ ७ ०४२ ०३
 यदा वीरस्य रेवतो दुरोणे स्यो नशीर् अतिथिर् आचिकेतत् ।
 सुप्रीतो अग्निः सुधितो दम् आ स विशे दाति वार्यम् इयत्यै ॥ ७ ०४२ ०४
 इमं नो अग्ने अध्वरं जुषस्व मरुत्स्व इन्द्रे यशसं कृधी नः ।
 आ नक्ता बर्हिः सदताम् उषासोशन्ता मित्रावरुणा यजेह ॥ ७ ०४२ ०५
 एवाग्निं सहस्य षु वसिष्ठो रायस्कामो विश्वप्त्र्यस्य स्तौत् ।
 इष रियम् पप्रथद् वाजम् अस्मे यूयम् पात स्वस्तिभिः सदा नः ॥ ७ ०४२ ०६

(५५९)

प्र वो यज्ञेषु देवयन्तो अर्चन् द्यावा नमोभिः पृथिवी इषध्यै ।
 येषाम् ब्रह्माण्य असमानि विप्रा विष्वग् वियन्ति वनिनो न शाखाः ॥ ७ ०४३ ०१
 प्र यज्ञ एतु हेत्वो न सप्तिर् उद् यच्छध्वं समनसो घृताचीः ।
 स्तृणीत बर्हिर् अध्वराय साधूर्ध्वा शोचीषि देवयून्य् अस्थुः ॥ ७ ०४३ ०२
 आ पुत्रासो न मातरं विभृत्राः सानौ देवासो बर्हिषः सदन्तु ।

आ वि॒श्वाची॑ वि॒दथ्या॑म् अ॒नक्त॑व् अ॒ग्ने मा नो॑ दे॒वता॑ता मृ॒धस् कः ॥ ७ ०४३ ०३
 ते सी॒षप॑न्त॒ जोष॑म् आ यज॑त्रा ऋ॒तस्य॑ धाराः॑ सु॒दुघा॑ दु॒हानाः॑ ।
 ज्येष्ठ॑ वो अ॒द्य म॒ह आ वसू॑नाम् आ ग॒न्तन॑ सम॒नसो॑ यति॒ ष्ट ॥ ७ ०४३ ०४
 ए॒वा नो॑ अ॒ग्ने वि॒क्ष्व आ द॑शस्य॒ त्वया॑ व॒यं सह॑साव॒न्न आ॑स्क्राः॑ ।
 रा॒या यु॒जा स॑ध॒मादो॑ अरि॒ष्टा यू॒यम् पा॑त स्व॒स्तिभिः॑ सदा॑ नः ॥ ७ ०४३ ०५

(५६०)

द॒धि॒क्रां वः॑ प्रथ॒मम् अ॒श्विनो॑षस॒म् अ॒ग्निं समि॑द्धम् भ॒गम् ऊ॒तये॑ हु॒वे ।
 इन्द्रं॑ वि॒ष्णुम् पू॒षण॑म् ब्रह्म॒णस् प॑तिम् आ॒दित्या॑न् द्यावा॑पृथि॒वी अ॒पः स्वः॑ ॥ ७ ०४४ ०१
 द॒धि॒क्राम् उ॒ नम॑सा बो॒धय॑न्त॒ उदी॑राणा य॒ज्ञम् उ॑प॒प्रय॑न्तः॑ ।
 इळां॑ दे॒वीम् ब॒र्हिषि॑ सा॒दय॑न्तो ऽश्वि॒ना वि॒प्रा सु॒हवा॑ हु॒वेम ॥ ७ ०४४ ०२
 द॒धि॒क्रावा॑णम् बु॒बुधा॑नो अ॒ग्निम् उ॑प॒ ब्रुव॑ उ॒षसं॑ सू॒र्यं गा॑म् ।
 ब्र॒ध्म मा॑श्च॒तोर् वरु॑णस्य॒ बभ्रुं॑ ते वि॒श्वास्मद् दु॑रि॒ता या॑वयन्तु ॥ ७ ०४४ ०३
 द॒धि॒क्रावा॑ प्रथ॒मो वा॒ज्य् अ॒र्वाग्ने॑ रथा॒नाम् भ॑वति प्र॒जान॑न् ।
 सं॒वि॒दान॑ उ॒षसा॑ सू॒र्येणा॑दित्येभि॒र् वसु॑भि॒र् अङ्गि॑रोभिः ॥ ७ ०४४ ०४
 आ नो॑ द॒धि॒क्राः प॑थ्याम् अ॒नक्त॑व् ऋ॒तस्य॑ प॒न्थाम् अ॒न्वेत॑वा उ॑ ।
 शृ॒णोतु॑ नो॒ दैव्यं॑ श॒र्धो अ॒ग्निः शृ॑ण्वन्तु वि॒श्वे म॒हिषा॑ अ॒मूराः॑ ॥ ७ ०४४ ०५

(५६१)

आ दे॒वो या॑तु स॒विता॑ सु॒रत्नो॑ ऽन्तरि॒क्षप्रा॑ वह॒मानो॑ अ॒श्वैः ।
 ह॒स्ते द॑धानो॒ नया॑ पु॒रुणि॑ नि॒वेश॑यञ् च प्रसु॒वञ् च॒ भूम॑ ॥ ७ ०४५ ०१
 उद् अ॑स्य बा॒हू शि॑थि॒रा बृ॑हन्ता॑ हि॒रण्य॑या॒ दि॒वो अ॒न्ताः अन॑ष्टाम् ।
 नूनं॑ सो अ॑स्य म॒हिमा॑ प॒निष्ट॑ सू॒रश् चिद् अ॑स्मा॒ अनु॑ दाद् अ॒पस्या॑म् ॥ ७ ०४५ ०२
 स घा॑ नो दे॒वः स॒विता॑ स॒हावा॑ सा॒विष॑द् वसु॒पति॑र् वसू॒नि ।
 वि॒श्रय॑माणो अ॒मति॑म् उ॒रूची॑म् म॒र्तभो॑ज॒नम् अ॒र्धं रा॑सते नः ॥ ७ ०४५ ०३
 इ॒मा गि॑रः॑ स॒वितारं॑ सु॒जि॒ह्वम् पूर्ण॑ग॒भस्ति॑म् ईळते सु॒पाणि॑म् ।

चित्रं वयो बृहद् अस्मे दधातु यूयम् पात स्वस्तिभिः सदा नः ॥ ७ ०४५ ०४

(५६२)

इमा रुद्राय स्थिरधन्वने गिरः क्षिप्रेषवे देवाय स्वधावे ।
अषाळ्हाय सहमानाय वेधसे तिग्मायुधाय भरता शृणोतु नः ॥ ७ ०४६ ०१
स हि क्षयेण क्षम्यस्य जन्मनः साम्राज्येन दिव्यस्य चेतति ।
अवन् अवन्तीर् उप नो दुरश् चरानमीवो रुद्र जासु नो भव ॥ ७ ०४६ ०२
या ते दिद्युद् अवसृष्टा दिवस् परि क्षमया चरति परि सा वृणक्तु नः ।
सहस्रं ते स्वपिवात भेषजा मा नस् तोकेषु तनयेषु रीरिषः ॥ ७ ०४६ ०३
मा नो वधी रुद्र मा परा दा मा ते भूम प्रसितौ हीळितस्य ।
आ नो भज बर्हिषि जीवशंसे यूयम् पात स्वस्तिभिः सदा नः ॥ ७ ०४६ ०४

(५६३)

आपो यं वः प्रथमं देवयन्त इन्द्रपानम् ऊर्मिम् अकृण्वतेळः ।
तं वो वयं शुचिम् अरिप्रम् अद्य घृतप्रुषम् मधुमन्तं वनेम ॥ ७ ०४७ ०१
तम् ऊर्मिम् आपो मधुमत्तमं वो ऽपां नपाद् अवत्व् आशुहेमा ।
यस्मिन् इन्द्रो वसुभिर् मादयाति तम् अश्याम देवयन्तो वो अद्य ॥ ७ ०४७ ०२
शतपवित्राः स्वधया मदन्तीर् देवीर् देवानाम् अपि यन्ति पाथः ।
ता इन्द्रस्य न मिनन्ति व्रतानि सिन्धुभ्यो हव्यं घृतवज् जुहोत ॥ ७ ०४७ ०३
याः सूर्यो रश्मिभिर् आततान याभ्य इन्द्रो अरदद् गातुम् ऊर्मिम् ।
ते सिन्धवो वरिवो धातना नो यूयम् पात स्वस्तिभिः सदा नः ॥ ७ ०४७ ०४

(५६४)

ऋभुक्षणो वाजा मादयध्वम् अस्मे नरो मघवानः सुतस्य ।
आ वो ऽर्वाचः ऋतवो न यातां विभवो रथं नयं वर्तयन्तु ॥ ७ ०४८ ०१
ऋभुर् ऋभुभिर् अभि वः स्याम विभवो विभुभिः शवसा शवांसि ।

वाजो॑ अ॒स्मा॑ऽअ॒वतु॑ वाज॑साता॒व् इन्द्रे॑ण यु॒जा त॑रुषेम वृ॒त्रम् ॥ ७ ०४८ ०२
 ते चि॒द् धि॒ पूर्वी॑र् अ॒भि सन्ति॑ शा॒सा विश्वा॑ऽअ॒र्य उ॑पर॒ताति॑ वन्वन् ।
 इन्द्रो॑ वि॒भ्वाः॑ ऋ॒भुक्षा॑ वाजो॑ अ॒र्यः शत्रो॑र् मिथ॒त्या कृ॑णवन् वि नृ॒म्णम् ॥ ७ ०४८ ०३
 नू दे॑वासो वरि॒वः क॑र्तना नो भू॒त नो॒ विश्वे॑ ऽवसे स॒जोषाः॑ ।
 सम् अ॒स्मे इषं॑ वस॒वो ददी॑रन् यू॒यम् पा॑त स्व॒स्तिभिः॒ सदा॑ नः ॥ ७ ०४८ ०४

(५६५)

स॒मुद्र॑ज्येष्ठाः स॒लिल॑स्य॒ मध्या॑त् पु॒ना॒ना य॒न्त्य॑ अ॒निवि॑शमानाः ।
 इन्द्रो॑ या व॒ज्री वृ॑षभो र॒राद॑ ता आपो॑ दे॒वीर् इ॒ह माम् अ॑वन्तु ॥ ७ ०४९ ०१
 या आपो॑ दि॒व्या उ॒त वा॒ स्रव॑न्ति ख॒नित्रि॑मा उ॒त वा॒ याः स्व॑यंजाः ।
 स॒मुद्रा॑र्था॒ याः शु॒चयः॑ पा॒वका॑स् ता आपो॑ दे॒वीर् इ॒ह माम् अ॑वन्तु ॥ ७ ०४९ ०२
 यासां॑ राजा वरु॒णो या॑ति मध्ये॑ स॒त्यानृ॑ते अ॒वप॑श्य॒ञ् जनाना॑म् ।
 मधु॑श्रु॒तः शु॒चयो॑ याः पा॒वका॑स् ता आपो॑ दे॒वीर् इ॒ह माम् अ॑वन्तु ॥ ७ ०४९ ०३
 यासु॑ राजा वरु॒णो यासु॑ सोमो॒ विश्वे॑ दे॒वा यासू॑र्जम् म॒दन्ति॑ ।
 वैश्वान॑रो यास्व॒ अग्निः॑ प्रवि॒ष्टस् ता॑ आपो॑ दे॒वीर् इ॒ह माम् अ॑वन्तु ॥ ७ ०४९ ०४

(५६६)

आ माम् मि॒त्रावरु॑णेह रक्ष॒तं कु॒लाय॑यद् वि॒श्वय॑न् मा न॒ आ ग॑न् ।
 अ॒जका॑वं दु॒र्दशी॑कं ति॒रो द॑धे मा माम् प॒द्येन॑ रप॒सा वि॒दत् त्सरुः॑ ॥ ७ ०५० ०१
 यद् वि॒जाम॑न् परु॒षि व॑न्द॒नम् भुव॑द् अ॒ष्टीव॑न्तौ परि॑ कु॒ल्फौ च॒ देह॑त् ।
 अ॒ग्निष् टच् छो॒चन् अप॑ बाध॒ताम् इ॒तो मा॑ माम् प॒द्येन॑ रप॒सा वि॒दत् त्सरुः॑ ॥ ७
 ०५० ०२
 यच् छ्र॑त्म॒लौ भ॑वति॒ यन् न॒दीषु॑ यद् ओष॑धीभ्यः॒ परि॑ जायते वि॒षम् ।
 विश्वे॑ दे॒वा नि॒र् इ॒तस् तत् सु॑वन्तु मा माम् प॒द्येन॑ रप॒सा वि॒दत् त्सरुः॑ ॥ ७ ०५० ०३
 याः प्र॒वतो॑ नि॒वत॑ उ॒द्वत॑ उ॒दन्व॑तीर् अनु॒दका॑श् च॒ याः ।
 ता अ॒स्मभ्य॑म् प॒यसा॑ पि॒न्वमा॑नाः शि॒वा दे॒वीर् अ॑शि॒पदा॑ भ॒वन्तु॑ सर्वा॑ न॒द्यो अ॑शि॒मिदा॑

भवन्तु ॥ ७ ०५० ०४

(५६७)

आदित्यानाम् अवसा नूतनेन सक्षीमहि शर्मणा शंतमेन ।
अनागास्त्वे अदितित्वे तुरास इमं यज्ञं दधतु श्रोषमाणाः ॥ ७ ०५१ ०१
आदित्यासो अदितिर् मादयन्ताम् मित्रो अर्यमा वरुणो रजिष्ठाः ।
अस्माकं सन्तु भुवनस्य गोपाः पिबन्तु सोमम् अवसे नो अद्य ॥ ७ ०५१ ०२
आदित्या विश्वे मरुतश् च विश्वे देवाश् च विश्वे ऋभवश् च विश्वे ।
इन्द्रो अग्निर् अश्विना तुष्टुवाना यूयम् पात स्वस्तिभिः सदा नः ॥ ७ ०५१ ०३

(५६८)

आदित्यासो अदितयः स्याम पूर देवत्रा वसवो मर्त्यत्रा ।
सनेम मित्रावरुणा सनन्तो भवेम द्यावापृथिवी भवन्तः ॥ ७ ०५२ ०१
मित्रस् तन् नो वरुणो मामहन्त शर्म तोकाय तनयाय गोपाः ।
मा वो भुजेमान्यजातम् एनो मा तत् कर्म वसवो यच् चयध्वे ॥ ७ ०५२ ०२
तुरण्यवो ऽङ्गिरसो नक्षन्त रत्नं देवस्य सवितुर् इयानाः ।
पिता च तन् नो महान् यजत्रो विश्वे देवाः समनसो जुषन्त ॥ ७ ०५२ ०३

(५६९)

प्र द्यावा यज्ञैः पृथिवी नमोभिः सबाध ईळे बृहती यजत्रे ।
ते चिद् धि पूर्वे क्वयो गृणन्तः पुरो मही दधिरे देवपुत्रे ॥ ७ ०५३ ०१
प्र पूर्वजे पितरा नव्यसीभिर् गीर्भिः कृणुध्वं सदनं ऋतस्य ।
आ नो द्यावापृथिवी दैव्येन जनेन यातम् महि वां वरूथम् ॥ ७ ०५३ ०२
उतो हि वां रत्नधेयानि सन्ति पुरूणि द्यावापृथिवी सुदासे ।
अस्मे धत्तं यद् असद् अस्कृधोयु यूयम् पात स्वस्तिभिः सदा नः ॥ ७ ०५३ ०३

(५७०)

वास्तोष् पते प्रति जानीह्य अस्मान् स्वाविशो अनमीवो भवा नः ।
यत् त्वेमहे प्रति तन् नो जुषस्व शं नो भव द्विपदे शं चतुष्पदे ॥ ७ ०५४ ०१
वास्तोष् पते प्रतरणो न एधि गयस्फानो गोभिर् अश्वेभिर् इन्दो ।
अजरासस् ते सख्ये स्याम पितेव पुत्रान् प्रति नो जुषस्व ॥ ७ ०५४ ०२
वास्तोष् पते शग्मया संसदा ते सक्षीमहि रणवया गातुमत्या ।
पाहि क्षेम उत योगे वरं नो यूयम् पात स्वस्तिभिः सदा नः ॥ ७ ०५४ ०३

(५७१)

अमीवहा वास्तोष् पते विश्वा रूपाण्य आविशन् ।
सखा सुशेव एधि नः ॥ ७ ०५५ ०१
यद् अर्जुन सारमेय दतः पिशङ्ग यच्छसे ।
वीव भ्राजन्त ऋष्टय उप स्रङ्केषु बप्सतो नि षु स्वप ॥ ७ ०५५ ०२
स्तेनं राय सारमेय तस्करं वा पुनःसर ।
स्तोतृन् इन्द्रस्य रायसि किम् अस्मान् दुच्छुनायसे नि षु स्वप ॥ ७ ०५५ ०३
त्वं सूकरस्य दर्दहि तव दर्दतु सूकरः ।
स्तोतृन् इन्द्रस्य रायसि किम् अस्मान् दुच्छुनायसे नि षु स्वप ॥ ७ ०५५ ०४
सस्तु माता सस्तु पिता सस्तु श्वा सस्तु विशपतिः ।
ससन्तु सर्वे ज्ञातयः सस्त्व अयम् अभितो जनः ॥ ७ ०५५ ०५
य आस्ते यश् च चरति यश् च पश्यति नो जनः ।
तेषां सं हन्मो अक्षाणि यथेदं हर्म्यं तथा ॥ ७ ०५५ ०६
सहस्रशृङ्गो वृषभो यः समुद्राद् उदाचरत् ।
तेना सहस्येना वयं नि जनान् स्वापयामसि ॥ ७ ०५५ ०७
प्रोष्ठेशया वह्येशया नारीर् यास् तल्पशीवरीः ।
स्त्रियो याः पुण्यगन्धास् ताः सर्वाः स्वापयामसि ॥ ७ ०५५ ०८

(५७२)

क ई व्यक्ता नरः सनीळा रुद्रस्य मर्या अध स्वश्चाः ।
नकिर् ह्य एषां जनूषि वेद ते अङ्ग विद्रे मिथो जनित्रम् ।
अभि स्वपूभिर् मिथो वपन्त वातस्वनसः श्येना अस्पृधन् ।
एतानि धीरो निण्या चिकेत पृश्निर् यद् ऊधो मही जभार ।
सा विट् सुवीरा मरुद्भिर् अस्तु सनात् सहन्ती पुष्यन्ती नृम्णम् ।
यामं येष्ठाः शुभा शोभिष्ठाः श्रिया सम्मिह्ना ओजोभिर् उग्राः ।
उग्रं व ओज स्थिरा शवांस्य अधा मरुद्भिर् गणस् तुविष्मान् ।
शुभ्रो वः शुष्मः क्रुध्मी मनांसि धुनिर् मुनिर् इव शर्धस्य धृष्णोः ।
सनेम्य् अस्मद् युयोत दिद्युम् मा वो दुर्मतिर् इह प्रणङ् नः ।
प्रिया वो नाम हुवे तुराणाम् आ यत् तृपन् मरुतो वावशानाः ।
स्वायुधास इष्मिणः सुनिष्का उत स्वयं तन्व १ : शुम्भमानाः ।
शुची वो हव्या मरुतः शुचीनां शुचिं हिनोम्य अध्वरं शुचिभ्यः ।
ऋतेन सत्यम् ऋतसाप आयञ् छुचिजन्मानः शुचयः पावकाः ॥ ७ ०५६ १२
असेष्व् आ मरुतः खादयो वो वक्षस्सु स्वभा उपशिश्रियाणाः ।
वि विद्युतो न वृष्टिभी रुचाना अनु स्वधाम् आयुधैर् यच्छ्रमानाः ॥ ७ ०५६ १३
प्र बुध्या व ईरते महांसि प्र नामानि प्रयज्यवस् तिरध्वम् ।
सहस्रियं दम्यम् भागम् एतं गृहमेधीयम् मरुतो जुषध्वम् ॥ ७ ०५६ १४
यदि स्तुतस्य मरुतो अधीथेत्था विप्रस्य वाजिनो हवीमन् ।
मक्षू रायः सुवीर्यस्य दात नू चिद् यम् अन्य आदभद् अरावा ॥ ७ ०५६ १५
अत्यासो न ये मरुतः स्वञ्चो यक्षदृशो न शुभयन्त मर्याः ।
ते हर्म्येष्ठाः शिशवो न शुभ्रा वत्सासो न प्रक्रीळिनः पयोधाः ॥ ७ ०५६ १६
दशस्यन्तो नो मरुतो मृळन्तु वरिवस्यन्तो रोदसी सुमेके ।
आरे गोहा नृहा वधो वो अस्तु सुम्नेभिर् अस्मे वसवो नमध्वम् ॥ ७ ०५६ १७
आ वो होता जोहवीति सत्तः सत्राचीं रातिम् मरुतो गृणानः ।
य ईवतो वृषणो अस्ति गोपाः सो अद्वयावी हवते व उक्थैः ॥ ७ ०५६ १८
इमे तुरम् मरुतो रामयन्तीमे सहः सहस आ नमन्ति ।

इमे शंसं वनुष्यतो नि पान्ति गुरु द्वेषो अररुषे दधन्ति ॥ ७ ०५६ १९
 इमे र्धं चिन् मरुतो जुनन्ति भृमिं चिद् यथा वसवो जुषन्त ।
 अप बाधध्वं वृषणस् तमांसि धत्त विश्वं तनयं तोकम् अस्मे ॥ ७ ०५६ २०
 मा वो दात्रान् मरुतो निर् अराम मा पश्चाद् दध्म रथ्यो विभागे ।
 आ न स्पार्हे भजतना वसव्ये इ यद् ई सुजातं वृषणो वो अस्ति ॥ ७ ०५६ २१
 सं यद् धनन्त मन्युभिर् जनासः शूरा यद्द्वीष्व ओषधीषु विक्षु ।
 अध स्मा नो मरुतो रुद्रियासस् त्रातारो भूत पृतनास्व अर्यः ॥ ७ ०५६ २२
 भूरि चक्र मरुतः पित्र्याण्य उक्थानि या वः शस्यन्ते पुरा चित् ।
 मरुद्भिर् उग्रः पृतनासु साळ्हा मरुद्भिर् इत् सनिता वाजम् अवा ॥ ७ ०५६ २३
 अस्मे वीरो मरुतः शुष्य अस्तु जनानां यो असुरो विधर्ता ।
 अपो येन सुक्षितये तरेमाध स्वम् ओको अभि वः स्याम ॥ ७ ०५६ २४
 तन् न इन्द्रो वरुणो मित्रो अग्निर् आप ओषधीर् वनिनो जुषन्त ।
 शर्मन् स्याम मरुताम् उपस्थे यूयम् पात स्वस्तिभिः सदा नः ॥ ७ ०५६ २५

(५७३)

मध्वो वो नाम मारुतं यजत्राः प्र यज्ञेषु शर्वसा मदन्ति ।
 ये रेजर्यन्ति रोदसी चिद् उर्वी पिन्वन्त्य उत्सं यद् अयासुर् उग्राः ॥ ७ ०५७ ०१
 निचेतारो हि मरुतो गृणन्तम् प्रणेतारो यजमानस्य मन्म ।
 अस्माकम् अद्य विदथेषु बर्हिर् आ वीतये सदत पिप्रियाणाः ॥ ७ ०५७ ०२
 नैतावद् अन्ये मरुतो यथेमे भ्राजन्ते र्कमैर् आयुधैस् तनूभिः ।
 आ रोदसी विश्वपिशः पिशानाः समानम् अञ्ज्य अञ्जते शुभे कम् ॥ ७ ०५७ ०३
 ऋधक् सा वो मरुतो दिद्युद् अस्तु यद् व आगः पुरुषता कराम ।
 मा वस् तस्याम् अपि भूमा यजत्रा अस्मे वो अस्तु सुमतिश् चनिष्ठा ॥ ७ ०५७ ०४
 कृते चिद् अत्र मरुतो रणन्तानवद्यासः शुचयः पावकाः ।
 प्र णो ऽवत सुमतिभिर् यजत्राः प्र वाजेभिस् तिरत पुष्यसे नः ॥ ७ ०५७ ०५
 उत स्तुतासो मरुतो व्यन्तु विश्वेभिर् नामभिर् नरो हवीषि ।
 ददात नो अमृतस्य प्रजायै जिगृत रायः सूनृता मघानि ॥ ७ ०५७ ०६

आ स्तुतासो मरुतो विश्व ऊती अच्छा सूरिन् सर्वताता जिगात ।
 ये नस् त्मना शतिनो वर्धयन्ति यूयम् पात स्वस्तिभिः सदा नः ॥ ७ ०५७ ०७

(५७४)

प्र साकमुक्षे अर्चता गणाय यो दैव्यस्य धाम्नस् तुविष्मान् ।
 उत क्षोदन्ति रोदसी महित्वा नक्षन्ते नाकं निरृतेर् अवंशात् ॥ ७ ०५८ ०१
 जनूश् चिद् वो मरुतस् त्वेष्येण भीमासस् तुविमन्यवो ऽयासः ।
 प्र ये महोभिर् ओजसोत सन्ति विश्वो वो यामन् भयते स्वर्दक् ॥ ७ ०५८ ०२
 बृहद् वयो मघवद्भयो दधात जुजोषन् इन् मरुतः सुष्टुतिं नः ।
 गतो नाध्वा वि तिराति जन्तुम् प्र णं स्पार्हाभिर् ऊतिभिस् तिरेत ॥ ७ ०५८ ०३
 युष्मोतो विप्रो मरुतः शतस्वी युष्मोतो अर्वा सहुरिः सहस्री ।
 युष्मोतः सम्राळ उत हन्ति वृत्रम् प्र तद् वो अस्तु धूतयो देष्णम् ॥ ७ ०५८ ०४
 तां आ रुद्रस्य मीळ्हुषो विवासे कुविन् नंसन्ते मरुतः पुनर् नः ।
 यत् सस्वतां जिहीळिरे यद् आविर् अव तद् एन ईमहे तुराणाम् ॥ ७ ०५८ ०५
 प्र सा वाचि सुष्टुतिर् मघोनाम् इदं सूक्तम् मरुतो जुषन्त ।
 आराच् चिद् द्वेषो वृषणो युयोत यूयम् पात स्वस्तिभिः सदा नः ॥ ७ ०५८ ०६

(५७५)

यं त्रायध्व इदम्-इदं देवासो यं च नयथ ।
 तस्मा अग्ने वरुण मित्रार्यमन् मरुतः शर्म यच्छत ॥ ७ ०५९ ०१
 युष्माकं देवा अवसाहनि प्रिय ईजानस् तरति द्विषः ।
 प्र स क्षयं तिरते वि महीर् इषो यो वो वराय दाशति ॥ ७ ०५९ ०२
 नहि वश् चरमं चन वसिष्ठः परिंसति ।
 अस्माकम् अद्य मरुतः सुते सचा विश्वे पिबत कामिनः ॥ ७ ०५९ ०३
 नहि व ऊतिः पृतनासु मर्धति यस्मा अराध्वं नरः ।
 अभि व आवर्त् सुमतिर् नवीयसी तूयं यात पिपीषवः ॥ ७ ०५९ ०४

ओ षु घृष्विराधसो यातनान्धांसि पीतये ।
 इमा वो ह्व्या मरुतो ररे हि कम् मो ष्व अ ऽ न्यत्र गन्तन ॥ ७ ०५९ ०५
 आ च नो बर्हिः सदताविता च न स्पार्हाणि दातवे वसु ।
 अस्रेधन्तो मरुतः सोम्ये मधौ स्वाहेह मादयाध्वै ॥ ७ ०५९ ०६
 सस्वश् चिद् धि तन्व ऽ : शुम्भमाना आ हंसासो नीलपृष्ठा अपप्तन् ।
 विश्वं शर्धो अभितो मा नि षेद नरो न रणाः सवने मदन्तः ॥ ७ ०५९ ०७
 यो नो मरुतो अभि दुर्हणायुस् तिरश् चित्तानि वसवो जिघांसति ।
 द्रुहः पाशान् प्रति स मुचीष्ट तपिष्टेन हन्मना हन्तना तम् ॥ ७ ०५९ ०८
 सांतपना इदं ह्विर् मरुतस् तज् जुष्टन ।
 युष्माकोती रिशादसः ॥ ७ ०५९ ०९
 गृहमेधास आ गत मरुतो माप भूतन ।
 युष्माकोती सुदानवः ॥ ७ ०५९ १०
 इहेह वः स्वतवसः कवयः सूर्यत्वचः ।
 यज्ञम् मरुत आ वृणे ॥ ७ ०५९ ११
 त्र्यम्बकं यजामहे सुगन्धिम् पुष्टिवर्धनम् ।
 उर्वारुकम् इव बन्धनान् मृत्योर् मुक्षीय मामृतात् ॥ ७ ०५९ १२

(५७६)

यद् अद्य सूर्य ब्रवो ऽनागा उद्यन् मित्राय वरुणाय सत्यम् ।
 वयं देवत्रादिते स्याम तव प्रियासो अर्यमन् गृणन्तः ॥ ७ ०६० ०१
 एष स्य मित्रावरुणा नृचक्षा उभे उद् एति सूर्यो अभि ज्मन् ।
 विश्वस्य स्थातुर् जगतश् च गोपा ऋजु मर्तेषु वृजिना च पश्यन् ॥ ७ ०६० ०२
 अयुक्त सप्त हरितः सधस्थाद् या ई वहन्ति सूर्य घृताचीः ।
 धामानि मित्रावरुणा युवाकुः सं यो यूथेव जनिमानि चष्टे ॥ ७ ०६० ०३
 उद् वाम् पृक्षासो मधुमन्तो अस्थुर् आ सूर्यो अरुहच् छुक्रम् अर्णः ।
 यस्मा आदित्या अध्वनो रदन्ति मित्रो अर्यमा वरुणः सजोषाः ॥ ७ ०६० ०४
 इमे चेतारो अनृतस्य भूरेर् मित्रो अर्यमा वरुणो हि सन्ति ।

इम ऋतस्य वावृधुर् दुरोणे शग्मासः पुत्रा अदितेर् अदब्धाः ॥ ७ ०६० ०५
 इमे मित्रो वरुणो दूळभासो ऽचेतसं चिच् चितयन्ति दक्षैः ।
 अपि क्रतुं सुचेतसं वतन्तस् तिरश् चिद् अंहः सुपथा नयन्ति ॥ ७ ०६० ०६
 इमे दिवो अनिमिषा पृथिव्याश् चिकित्वांसो अचेतसं नयन्ति ।
 प्रव्राजे चिन् नद्यो गाधम् अस्ति पारं नो अस्य विष्पितस्य पर्षन् ॥ ७ ०६० ०७
 यद् गोपावद् अदितिः शर्म भद्रम् मित्रो यच्छन्ति वरुणः सुदासे ।
 तस्मिन् आ तोकं तनयं दधाना मा कर्म देवहेळनं तुरासः ॥ ७ ०६० ०८
 अव वेदिं होत्राभिर् यजेत रिपुः काश् चिद् वरुणधृतः सः ।
 परि द्वेषोभिर् अर्यमा वृणक्तूरुं सुदासे वृषणा उलोकम् ॥ ७ ०६० ०९
 सस्वश् चिद् धि समृतिस् त्वेष्य एषाम् अपीच्येन सहसा सहन्ते ।
 युष्मद् भिया वृषणो रेजमाना दक्षस्य चिन् महिना मूळता नः ॥ ७ ०६० १०
 यो ब्रह्मणे सुमतिम् आयजाते वाजस्य सातौ परमस्य रायः ।
 सीक्षन्त मन्युम् मघवानो अर्य उरु क्षयाय चक्रिरे सुधातु ॥ ७ ०६० ११
 इयं देव पुरोहितेर् युवभ्यां यज्ञेषु मित्रावरुणाव् अकारि ।
 विश्वानि दुर्गा पिपृतं तिरो नो यूयम् पात स्वस्तिभिः सदा नः ॥ ७ ०६० १२

(५७७)

उद् वां चक्षुर् वरुण सुप्रतीकं देवयोर् एति सूर्यस् ततन्वान् ।
 अभि यो विश्वा भुवनानि चष्टे स मन्युम् मर्त्येष्व् आ चिकेत ॥ ७ ०६१ ०१
 प्र वां स मित्रावरुणाव् ऋतावा विप्रो मन्मानि दीर्घश्रुद् इयति ।
 यस्य ब्रह्माणि सुक्रतू अवाथे आ यत् क्रत्वा न शरदः पुणैथे ॥ ७ ०६१ ०२
 प्रोरोर् मित्रावरुणा पृथिव्याः प्र दिव ऋष्वाद् बृहतः सुदानू ।
 स्पशो दधाथे ओषधीषु विक्ष्व् ऋधग् यतो अनिमिषं रक्षमाणा ॥ ७ ०६१ ०३
 शंसा मित्रस्य वरुणस्य धाम शुष्मो रोदसी बद्धधे महित्वा ।
 अयन् मासा अयज्वनाम् अवीराः प्र यज्ञमन्मा वृजनं तिराते ॥ ७ ०६१ ०४
 अमूरा विश्वा वृषणाव् इमा वां न यासु चित्रं ददृशे न यक्षम् ।
 दृहः सचन्ते अनृता जनानां न वां निणयान्य् अचिते अभूवन् ॥ ७ ०६१ ०५

सम् उ वां यज्ञम् मह्यं नमोभिर् हुवे वाम् मित्रावरुणा सबाधः ।
 प्र वाम् मन्मान्य् ऋचसे नवानि कृतानि ब्रह्म जुजुषन् इमानि ॥ ७ ०६१ ०६
 इयं देव पुरोहितिर् युवभ्यां यज्ञेषु मित्रावरुणाव् अकारि ।
 विश्वानि दुर्गा पिपृतं तिरो नो यूयम् पात स्वस्तिभिः सदा नः ॥ ७ ०६१ ०७

(५७८)

उत् सूर्यो बृहद् अचीष्य अश्रेत् पुरु विश्वा जनिम् मानुषाणाम् ।
 समो दिवा ददृशे रोचमानः ऋत्वा कृतः सुकृतः कर्तृभिर् भूत् ॥ ७ ०६२ ०१
 स सूर्य प्रति पुरो न उद् गा एभि स्तोमेभिर् एतशेभिर् एवैः ।
 प्र नो मित्राय वरुणाय वोचो ऽनागसो अर्यम्णे अग्नये च ॥ ७ ०६२ ०२
 वि नः सहस्रं शुरुधो रदन्त्वं ऋतावानो वरुणो मित्रो अग्निः ।
 यच्छन्तु चन्द्रा उपमं नो अर्कम् आ नः कामम् पूपुरन्तु स्तवानाः ॥ ७ ०६२ ०३
 द्यावाभूमी अदिते त्रासीथां नो ये वां जज्ञुः सुजनिमान ऋष्वे ।
 मा हेळे भूम वरुणस्य वायोर् मा मित्रस्य प्रियतमस्य नृणाम् ॥ ७ ०६२ ०४
 प्र बाहवा सिसृतं जीवसे न आ नो गव्यूतिम् उक्षतं घृतेन ।
 आ नो जने श्रवयतं युवाना श्रुतम् मे मित्रावरुणा हुवेमा ॥ ७ ०६२ ०५
 नू मित्रो वरुणो अर्यमा नस् त्मने तोकाय वरिवो दधन्तु ।
 सुगा नो विश्वा सुपथानि सन्तु यूयम् पात स्वस्तिभिः सदा नः ॥ ७ ०६२ ०६

(५७९)

उद् व् एति सुभगो विश्वचक्षाः साधारणः सूर्यो मानुषाणाम् ।
 चक्षुर् मित्रस्य वरुणस्य देवश् चमेव यः सम्विब्यक् तमांसि ॥ ७ ०६३ ०१
 उद् व् एति प्रसवीता जनानाम् महान् केतुर् अर्णवः सूर्यस्य ।
 समानं चक्रम् पर्याविवृत्सन् यद् एतशो वहति धूर्षु युक्तः ॥ ७ ०६३ ०२
 विभ्राजमान उषसाम् उपस्थाद् रेभैर् उद् एत्य अनुमद्यमानः ।
 एष मे देवः सविता चच्छन्द यः समानं न प्रमिनाति धाम् ॥ ७ ०६३ ०३

दि॒वो रू॒क्म उ॒रुच॒क्षा उ॒द् ए॒ति दू॒रेअ॒र्थस् त॒रणि॒र् भ्राज॑मानः ।
 नूनं॑ जनाः॒ सूर्ये॑ण प्रसू॒ता अ॒यन् अ॒र्था॑नि कृ॒णव॑न् अपा॑सि ॥ ७ ०६३ ०४
 यत्रा॑ च॒क्रुर् अ॒मृता॑ गा॒तुम् अ॒स्मै श्ये॒नो न दी॒यन् अ॒न्व ए॒ति पाथः॑ ।
 प्रति॑ वां सूर॒ उदिते॑ वि॒धेम॒ नमो॑भिर् मि॒त्रावरु॑णो॒त ह॒व्यैः ॥ ७ ०६३ ०५
 नू मि॒त्रो वरु॑णो अ॒र्यमा॑ न॒स् त्मने॑ तो॒काय॑ वरि॒वो दध॑न्तु ।
 सु॒गा नो॒ विश्वा॑ सु॒प॒थानि॑ सन्तु॒ यूयम्॑ पा॒त स्व॒स्तिभिः॒ सदा॑ नः ॥ ७ ०६३ ०६

(५८०)

दि॒वि क्षय॑न्ता॒ रज॑सः पृथि॒व्याम् प्र वा॑ घृ॒तस्य॑ निर्णि॒जो ददी॑रन् ।
 ह॒व्यं नो॑ मि॒त्रो अ॒र्यमा॑ सुजा॒तो राजा॑ सु॒क्षत्रो॑ वरु॒णो जुष॑न्त ॥ ७ ०६४ ०१
 आ रा॑जाना मह ऋ॒तस्य॑ गो॒पा सि॒न्धुप॑ती क्षत्रि॒या या॑तम् अ॒र्वाक् ।
 इळां॑ नो मि॒त्रावरु॑णो॒त वृ॒ष्टिम् अ॒व दि॒व इ॒न्वतं॑ जी॒रदानू॑ ॥ ७ ०६४ ०२
 मि॒त्रस् तन् नो॑ वरु॒णो दे॒वो अ॒र्यः प्र सा॑धि॒ष्टेभिः॑ पृथि॒भिर् न॑यन्तु ।
 ब्र॒वद् यथा॑ न॒ आद् अ॒रिः सु॒दास॑ इ॒षा म॑दे॒म सह॑ दे॒वगो॑पाः ॥ ७ ०६४ ०३
 यो वां ग॑र्त॒म् मन॑सा॒ तक्ष॑द् ए॒तम् ऊ॒र्ध्वा धी॑तिं कृ॒णव॑द् धा॒रय॑च् च ।
 उ॒क्षेथा॑म् मि॒त्रावरु॑णा घृ॒तेन॑ ता रा॑जाना सु॒क्षिती॑स् त॒र्पये॑थाम् ॥ ७ ०६४ ०४
 ए॒ष स्तो॑मो॒ वरु॑ण मि॒त्रं तु॒भ्यं सोमः॑ शु॒क्रो न वा॒यवे॑ ऽयामि ।
 अ॒विष्टं॑ धि॒यो जि॑गृ॒तम् पु॒रधी॑र् यू॒यम् पा॒त स्व॒स्तिभिः॒ सदा॑ नः ॥ ७ ०६४ ०५

(५८१)

प्रति॑ वां सूर॒ उदिते॑ सू॒क्तेर् मि॒त्रं हु॒वे वरु॑णम् पू॒तद॑क्षम् ।
 ययो॑र् अ॒सुर्य॑ ऽ॒म् अ॒क्षितं॑ ज्येष्ठं॒ विश्व॑स्य॒ याम॑न् अ॒चिता॑ जि॒गृन्तु ॥ ७ ०६५ ०१
 ता हि॑ दे॒वाना॑म् अ॒सुरा॑ ताव् अ॒र्या ता नः॑ क्षि॒तीः क॑र॒तम् ऊ॒र्जय॑न्तीः ।
 अ॒श्याम॑ मि॒त्रावरु॑णा व॒यं वां द्या॑वा॒ च यत्र॑ पी॒पय॑न् अ॒हा च ॥ ७ ०६५ ०२
 ता भूरि॑पाशा॒व अ॒नृत॑स्य॒ सेतू॑ दु॒रत्ये॑तू॒ रिप॑वे म॒र्त्याय॑ ।
 ऋ॒तस्य॑ मि॒त्रावरु॑णा प॒था वा॑म् अ॒पो न ना॒वा दु॑रि॒ता तर॑म ॥ ७ ०६५ ०३

आ नो॑ मित्रावरुणा ह॒व्यजुष्टिं॑ घृ॒तैर् गव्यू॑तिम् उक्ष॒तम् इळाभिः॑ ।
 प्रति॑ वा॒म् अत्र॑ वर॒म् आ जना॑य पृ॒णीत॑म् उ॒द्भो दि॒व्यस्य॑ चारोः॑ ॥ ७ ०६५ ०४
 ए॒ष स्तोमो॑ वरुण मि॒त्र तुभ्यं॑ सोमः॑ शु॒क्रो न वा॒यवे॑ ऽयामि ।
 अ॒विष्टं॑ धियो॑ जि॒गृत॑म् पु॒रधी॑र् यू॒यम् पात॑ स्व॒स्तिभिः॒ सदा॑ नः ॥ ७ ०६५ ०५

(५८२)

प्र मि॒त्रयो॑र् वरु॒णयो॑ स्तोमो॑ न एतु शू॒ष्यः ।
 नम॑स्वान् तुविजा॒तयोः॑ ॥ ७ ०६६ ०१
 या धा॒रय॑न्त दे॒वाः सु॒दक्षा॒ दक्षा॑पितरा ।
 अ॒सुर्या॑य प्रम॒हसा ॥ ७ ०६६ ०२
 ता न॑ स्ति॒पा त॑नू॒पा वरु॑ण जरि॒तूणा॑म् ।
 मि॒त्र सा॒धय॑तं धियः॑ ॥ ७ ०६६ ०३
 यद् अ॒द्य सू॒र उ॒दिते॑ ऽना॒गा मि॒त्रो अ॑र्य॒मा ।
 सु॒वाति॑ स॒विता॒ भगः॑ ॥ ७ ०६६ ०४
 सु॒प्रा॒वीर् अ॑स्तु स क्षयः॒ प्र नु॑ यामन् सु॒दानवः॑ ।
 ये नो॒ अंहो॑ ऽति॒पिप्र॑ति ॥ ७ ०६६ ०५
 उ॒त स्व॒राजो॑ अ॒दि॒तिर् अ॒द॒ब्धस्य॑ व्र॒तस्य॑ ये ।
 म॒हो राजा॑न ई॒शते ॥ ७ ०६६ ०६
 प्रति॑ वां सू॒र उ॒दिते॑ मि॒त्रं गृ॑णी॒षे वरु॑णम् ।
 अ॒र्यम॑णं रि॒शाद॑सम् ॥ ७ ०६६ ०७
 रा॒या हि॑र॒ण्यया॑ म॒तिर् इ॒यम् अ॑वृ॒काय॑ शवसे ।
 इ॒यं वि॒प्रा मे॒धसा॑तये ॥ ७ ०६६ ०८
 ते स्या॑म देव वरु॒ण ते मि॒त्र सू॑रिभिः॑ स॒ह ।
 इ॒षं स्व॑श् च धीमहि ॥ ७ ०६६ ०९
 ब॒हवः॑ सू॒रच॑क्षसो ऽग्नि॒जि॒ह्वा ऋ॑ता॒वृधः॑ ।
 त्री॒णि ये॒ येमु॑र् वि॒दथानि॑ धी॒तिभि॑र् वि॒श्वानि॑ परि॒भूति॑भिः ॥ ७ ०६६ १०
 वि॒ ये द॒धुः श॒रद॑म् मा॒सम् आ॑द् अ॒हर् य॒ज्ञम् अ॒क्तुं चा॑द् ऋ॒चम् ।

अनाप्यं वरुणो मित्रो अर्यमा क्षत्रं राजान आशत ॥ ७ ०६६ ११
 तद् वो अद्य मनामहे सूक्तैः सूर उदिते ।
 यद् ओहते वरुणो मित्रो अर्यमा यूयम् ऋतस्य रथ्यः ॥ ७ ०६६ १२
 ऋतावान् ऋतजाता ऋतावृधो घोरासो अनृतद्विषः ।
 तेषां वः सुम्ने सुच्छर्दिष्टमे नरः स्याम ये च सूरयः ॥ ७ ०६६ १३
 उद् उ त्यद् दर्शतं वपुर् दिव एति प्रतिहूरे ।
 यद् ईम् आशुर् वहति देव एतशो विश्वस्मै चक्षसे अरम् ॥ ७ ०६६ १४
 शीर्ष्णः-शीर्ष्णो जगतस् तस्थुषस् पतिं समया विश्वम् आ रजः ।
 सप्त स्वसारः सुविताय सूर्यं वहन्ति हरितो रथे ॥ ७ ०६६ १५
 तच् चक्षुर् देवहितं शुक्रम् उच्चरत् ।
 पश्येम शरदः शतं जीवेम शरदः शतम् ॥ ७ ०६६ १६
 काव्येभिर् अदाभ्या यातं वरुण द्युमत् ।
 मित्रश् च सोमपीतये ॥ ७ ०६६ १७
 दिवो धामभिर् वरुण मित्रश् चा यातम् अद्रुहा ।
 पिबतं सोमम् आतुजी ॥ ७ ०६६ १८
 आ यातम् मित्रावरुणा जुषाणाव् आहुतिं नरा ।
 पातं सोमम् ऋतावृधा ॥ ७ ०६६ १९

(५८३)

प्रति वां रथं नृपती जरध्वै हविष्मता मनसा यज्ञियेन ।
 यो वां दूतो न धिषण्याव् अजीगर् अच्छा सूनुर न पितरा विवक्ति ॥ ७ ०६७ ०१
 अशोच्य् अग्निः समिधानो अस्मे उपो अदृश्रन् तमसश् चिद् अन्ताः ।
 अचेति केतुर् उषसः पुरस्ताच् छ्रिये दिवो दुहितुर् जायमानः ॥ ७ ०६७ ०२
 अभि वां नूनम् अश्विना सुहोता स्तोमैः सिषक्ति नासत्या विवक्कान् ।
 पूर्वीभिर् यातम् पथ्याभिर् अर्वाक् स्वर्विदा वसुमता रथेन ॥ ७ ०६७ ०३
 अवोर् वां नूनम् अश्विना युवाकुर् ह्वे यद् वां सुते माध्वी वसूयुः ।
 आ वां वहन्तु स्थविरासो अश्वः पिबाथो अस्मे सुषुता मधूनि ॥ ७ ०६७ ०४

प्राचीम् उ देवाश्विना धियम् मे ऽमृधां सातये कृतं वसूयुम् ।
 विश्वा अविष्टं वाज आ पुरधीस् ता नः शक्तं शचीपती शचीभिः ॥ ७ ०६७ ०५
 अविष्टं धीष्व् अश्विना न आसु प्रजावद् रेतो अह्यं नो अस्तु ।
 आ वां तोके तनये तूतुजानाः सुरत्वासो देववीतिं गमेम ॥ ७ ०६७ ०६
 एष स्य वाम् पूर्वगत्वेव सख्ये निधिर् हितो माध्वी रातो अस्मे ।
 अहेळता मनसा यातम् अर्वाग् अन्नन्ता हव्यम् मानुषीषु विक्षु ॥ ७ ०६७ ०७
 एकस्मिन् योगे भुरणा समाने परि वां सप्त स्रवतो रथो गात् ।
 न वायन्ति सुभ्वो देवयुक्ता ये वां धूर्षु तरणयो वहन्ति ॥ ७ ०६७ ०८
 असञ्चता मघवद्भ्यो हि भूतं ये राया मघदेयं जुनन्ति ।
 प्र ये बन्धुं सूनृताभिस् तिरन्ते गव्या पृञ्चन्तो अश्व्या मघानि ॥ ७ ०६७ ०९
 नू मे हवम् आ शृणुतं युवाना यासिष्टं वर्तिर् अश्विनाव् इरावत् ।
 धत्तं रत्नानि जरतं च सूरीन् यूयम् पात स्वस्तिभिः सदा नः ॥ ७ ०६७ १०

(५८४)

आ शुभ्रा यातम् अश्विना स्वश्वा गिरो दस्रा जुजुषाणा युवाकोः ।
 हव्यानि च प्रतिभृता वीतं नः ॥ ७ ०६८ ०१
 प्र वाम् अन्धासि मद्यान्य् अस्थुर् अरं गन्तं हविषो वीतये मे ।
 तिरो अर्यो हवनानि श्रुतं नः ॥ ७ ०६८ ०२
 प्र वां रथो मनोजवा इयति तिरो रजास्य् अश्विना शतोतिः ।
 अस्मभ्यं सूर्यावसू इयानः ॥ ७ ०६८ ०३
 अयं ह यद् वां देवया उ अद्रिर् ऊर्ध्वो विवक्ति सोमसुद् युवभ्याम् ।
 आ क्ल्गू विप्रो ववृतीत हव्यैः ॥ ७ ०६८ ०४
 चित्रं ह यद् वाम् भोजनं न्व् अस्ति न्य् अत्रये महिष्वन्तं युयोतम् ।
 यो वाम् ओमानं दधति प्रियः सन् ॥ ७ ०६८ ०५
 उत त्यद् वां जुरते अश्विना भूच् च्यवानाय प्रतीत्यं हविर्दे ।
 अधि यद् वर्षं इतौउति धत्थः ॥ ७ ०६८ ०६
 उत त्यम् भुज्युम् अश्विना सखायो मध्ये जहूर् दुरेवासः समुद्रे ।

निर ईम् पर्षद् अरावा यो युवाकुः ॥ ७ ०६८ ०७
 वृकाय चिज् जसमानाय शक्तम् उत श्रुतं शयवे ह्यमाना ।
 याव् अङ्ग्याम् अपिन्वतम् अपो न स्तर्यं चिच् छुक्त्य् अश्विना शचीभिः ॥ ७ ०६८ ०८
 एष स्य कारुर् जरते सूक्तैर् अग्रे बुधान उषसां सुमन्मा ।
 इषा तं वर्धद् अङ्ग्या पयोभिर् यूयम् पात स्वस्तिभिः सदा नः ॥ ७ ०६८ ०९

(५८५)

आ वां रथो रोदसी बद्धधानो हिरण्ययो वृषभिर् यात्व अश्वैः ।
 घृतवर्तनिः पविभी रुचान इषां वोळ्हा नृपतिर् वाजिनीवान् ॥ ७ ०६९ ०१
 स पप्रथानो अभि पञ्च भूमा त्रिवन्धुरो मनसा यातु युक्तः ।
 विशो येन गच्छथो देवयन्तीः कुत्रा चिद् यामम् अश्विना दधाना ॥ ७ ०६९ ०२
 स्वश्वा यशसा यातम् अर्वाग् दस्रा निधिम् मधुमन्तम् पिबाथः ।
 वि वां रथो वध्वा इ यादमानो ऽन्तान् दिवो बाधते वर्तनिभ्याम् ॥ ७ ०६९ ०३
 युवोः श्रियम् परि योषावृणीत् सूरौ दुहिता परितक्म्यायाम् ।
 यद् देवयन्तम् अवथः शचीभिः परि घ्नसम् ओमना वां वयो गात् ॥ ७ ०६९ ०४
 यो ह् स्य वां रथिरा वस्त उस्रा रथो युजानः परियाति वर्तिः ।
 तेन नः शं योर् उषसो व्युष्टौ न्य् अश्विना वहतं यज्ञे अस्मिन् ॥ ७ ०६९ ०५
 नरा गौरेव विद्युतं तृषाणास्माकम् अद्य सवनोप यातम् ।
 पुरुत्रा हि वाम् मतिभिर् हवन्ते मा वाम् अन्ये नि यमन् देवयन्तः ॥ ७ ०६९ ०६
 युवम् भुज्युम् अवविद्धं समुद्र उद् ऊहथुर् अर्णसो अस्रिधानैः ।
 पतत्रिभिर् अश्रमैर् अव्यथिभिर् दंसनाभिर् अश्विना पारयन्ता ॥ ७ ०६९ ०७
 नू मे ह्वम् आ शृणुतं युवाना यासिष्टं वर्तिर् अश्विनाव् इरावत् ।
 धत्तं रत्नानि जरतं च सूरिन् यूयम् पात स्वस्तिभिः सदा नः ॥ ७ ०६९ ०८

(५८६)

आ विश्ववाराश्विना गतं नः प्र तत् स्थानम् अवाचि वाम् पृथिव्याम् ।

अश्वो न वाजी शुनपृष्ठो अस्थाद् आ यत् सेदथुर् ध्रुवसे न योनिम् ॥ ७ ०७० ०१
 सिर्षक्ति सा वां सुमतिश् चनिष्ठातापि घर्मो मनुषो दुरोणे ।
 यो वां समुद्रान् सरितः पिपत्य् एतग्वा चिन् न सुयुजा युजानः ॥ ७ ०७० ०२
 यानि स्थानान्य् अश्विना दधाथे दिवो यद्द्वीष्व् ओषधीषु विक्षु ।
 नि पर्वतस्य मूर्धनि सदन्तेषं जनाय दाशुषे वहन्ता ॥ ७ ०७० ०३
 चनिष्टं देवा ओषधीष्व् अप्सु यद् योग्या अश्ववैथे ऋषीणाम् ।
 पुरुणि रत्ना दधतौ न्य् अ ऽ स्मे अनु पूर्वाणि चख्यथुर् युगानि ॥ ७ ०७० ०४
 शुश्रुवांसां चिद् अश्विना पुरुण्य् अभि ब्रह्माणि चक्षाथे ऋषीणाम् ।
 प्रति प्र यातं वरम् आ जनायास्मे वाम् अस्तु सुमतिश् चनिष्ठा ॥ ७ ०७० ०५
 यो वां यज्ञो नासत्या हविष्मान् कृतब्रह्मा समर्यो ऽ भवाति ।
 उप प्र यातं वरम् आ वसिष्ठम् इमा ब्रह्माण्य् ऋच्यन्ते युवभ्याम् ॥ ७ ०७० ०६
 इयम् मनीषा इयम् अश्विना गीर् इमां सुवृक्तिं वृषणा जुषेथाम् ।
 इमा ब्रह्माणि युवयून् अगमन् यूयम् पात स्वस्तिभिः सदा नः ॥ ७ ०७० ०७

(५८७)

अप स्वसुर् उषसो नग् जिहीते रिणक्ति कृष्णीर् अरुषाय पन्थाम् ।
 अश्वामघा गोमघा वां हुवेम दिवा नक्तं शरुम् अस्मद् युयोतम् ॥ ७ ०७१ ०१
 उपायातं दाशुषे मर्त्याय रथेन वामम् अश्विना वहन्ता ।
 युयुतम् अस्मद् अनिराम् अमीवां दिवा नक्तम् माध्वी त्रासीथां नः ॥ ७ ०७१ ०२
 आ वां रथम् अवमस्यां व्युष्टौ सुम्नायवो वृषणो वर्तयन्तु ।
 स्यूमगभस्तिम् ऋतयुग्भिर् अश्वैर् आश्विना वसुमन्तं वहेथाम् ॥ ७ ०७१ ०३
 यो वां रथो नृपती अस्ति वोळ्हा त्रिवन्धुरो वसुमाऽ उस्रयामा ।
 आ न एना नासत्योप यातम् अभि यद् वां विश्वप्स्यो जिगाति ॥ ७ ०७१ ०४
 युवं च्यवानं जरसो ऽमुमुक्तं नि पेदव ऊहथुर् आशुम् अश्वम् ।
 निर् अंहसस् तमस स्पर्तम् अत्रिं नि जाहृषं शिथिरे धातम् अन्तः ॥ ७ ०७१ ०५
 इयम् मनीषा इयम् अश्विना गीर् इमां सुवृक्तिं वृषणा जुषेथाम् ।
 इमा ब्रह्माणि युवयून् अगमन् यूयम् पात स्वस्तिभिः सदा नः ॥ ७ ०७१ ०६

(५८८)

आ गोमता नासत्या रथेनाश्वावता पुरुश्चन्द्रेण यातम् ।
अभि वां विश्वा न्युतः सचन्ते स्पार्हया श्रिया तन्वा शुभाना ॥ ७ ०७२ ०१
आ नो देवेभिर् उप यातम् अर्वाक् सजोषसा नासत्या रथेन ।
युवोर् हि नः सख्या पित्र्याणि समानो बन्धुर् उत तस्य वित्तम् ॥ ७ ०७२ ०२
उद् उ स्तोमासो अश्विनोर् अबुध्रज् जामि ब्रह्माण्य उषसश् च देवीः ।
आविवासन् रोदसी धिष्णयेमे अच्छा विप्रो नासत्या विवक्ति ॥ ७ ०७२ ०३
वि चेद् उच्छन्त्य अश्विना उषासः प्र वाम् ब्रह्माणि कारवो भरन्ते ।
ऊर्ध्वम् भानुं सविता देवो अश्रेद् बृहद् अग्नयः समिधा जरन्ते ॥ ७ ०७२ ०४
आ पश्चातान् नासत्या पुरस्ताद् आश्विना यातम् अधराद् उदक्तात् ।
आ विश्वतः पाञ्चजन्येन राया यूयम् पात स्वस्तिभिः सदा नः ॥ ७ ०७२ ०५

(५८९)

अतारिष्म तमसस् पारम् अस्य प्रति स्तोमं देवयन्तो दधानाः ।
पुरुदंसा पुरुतमा पुराजामर्त्या हवते अश्विना गीः ॥ ७ ०७३ ०१
न्य उ प्रियो मनुषः सादि होता नासत्या यो यजते वन्दते च ।
अश्रीतम् मध्वो अश्विना उपाक आ वां वोचे विदथेषु प्रयस्वान् ॥ ७ ०७३ ०२
अहेम यज्ञम् पथाम् उराणा इमां सुवृक्तिं वृषणा जुषेथाम् ।
श्रुष्टीवेव प्रेषितो वाम् अबोधि प्रति स्तोमैर् जरमाणो वसिष्ठः ॥ ७ ०७३ ०३
उप त्या वही गमतो विश नो रक्षोहणा सम्भृता वीळुपाणी ।
सम् अन्धास्य् अगमत मत्सराणि मा नो मर्धिष्टम् आ गतं शिवेन ॥ ७ ०७३ ०४
आ पश्चातान् नासत्या पुरस्ताद् आश्विना यातम् अधराद् उदक्तात् ।
आ विश्वतः पाञ्चजन्येन राया यूयम् पात स्वस्तिभिः सदा नः ॥ ७ ०७३ ०५

(५९०)

इ॒मा उ॑ वां दि॒विष्ट॑य उ॒स्रा ह॑वन्ते अ॒श्विना॑ ।
अ॒यं वा॑म् अ॒ह्ने ऽव॑से श॒चीव॑सू वि॒शं-वि॒शं हि॑ गच्छ॒थः ॥ ७ ०७४ ०१
यु॒वं चि॒त्रं द॑दथु॒र् भो॒जनं॑ न॒रा चो॑दे॒थां स॒नृता॑वते ।
अ॒र्वाग् रथं॑ स॒मन॑सा॒ नि य॑च्छ॒तम् पि॒बतं॑ सो॒म्यम् मधु॑ ॥ ७ ०७४ ०२
आ या॑तम् उ॒प भू॑ष॒तम् मध्वः॑ पि॒बतम्॑ अ॒श्विना॑ ।
दु॒ग्धम् प॑यो वृष॒णा जे॒न्याव॑सू मा नो॑ म॒र्धिष्ट॑म् आ ग॒तम् ॥ ७ ०७४ ०३
अ॒श्वसो॑ ये वा॒म् उ॒प दा॑शु॒षो गृ॑हं यु॒वां दी॑यन्ति॒ विभ्र॑तः ।
म॒क्षुयु॑भिर् न॒रा ह्ये॑भिर् अ॒श्विना॑ दे॒वा या॑तम् अ॒स्मयू ॥ ७ ०७४ ०४
अ॒धा ह॒ यन्तो॑ अ॒श्विना॑ पृ॒क्षः स॑चन्त॒ सूर॑यः ।
ता य॑सतो म॒घव॑द्भ्यो ध्रु॒वं यश॑श् छु॒दिर् अ॒स्मभ्यं॑ नास॒त्या ॥ ७ ०७४ ०५
प्र ये॒ ययु॑र् अ॒वृका॑सो रथा॑ इव नृ॒पाता॑रो ज॒नाना॑म् ।
उ॒त स्वे॒न श॑वसा शूशु॒वुर् नर॑ उ॒त क्षि॑यन्ति सु॒क्षि॒तिम् ॥ ७ ०७४ ०६

(५९१)

व्य॒ उ ऽ॒षा आ॑वो दि॒विजा॑ ऋ॒तेना॑विष्कृ॒ण्वाना॑ म॒हि॒मान॑म् आ॒गात् ।
अ॒प द्रु॑हस् त॒म आ॑वर् अ॒जुष्ट॑म् अ॒ङ्गि॑रस्त॒मा प॒थ्या अ॑जी॒गः ॥ ७ ०७५ ०१
म॒हे नो॑ अ॒द्य सु॑वि॒ताय॑ बो॒ध्य उ॒षो म॒हे सौ॑भ॒गाय॑ प्र यन्धि ।
चि॒त्रं र॒यिं य॑शस॑ धे॒ह्य अ॒स्मे दे॒वि म॑तेषु॒ मानु॑षि श्र॒व॒स्युम् ॥ ७ ०७५ ०२
ए॒ते त्ये॑ भान॒वो द॑र्श॒ताया॑श् चि॒त्रा उ॒षसो॑ अ॒मृता॑स॒ आगुः॑ ।
ज॒नय॑न्तो॒ दैव्या॑नि व्र॒तान्य् आ॑पृ॒णन्तो॑ अ॒न्तरि॑क्षा॒ व्य् अ॑स्थुः ॥ ७ ०७५ ०३
ए॒षा स्या॑ यु॒जा॒ना प॑रा॒कात् प॑ञ्च॒ क्षि॒तीः परि॑ स॒द्यो जि॑गाति ।
अ॒भिप॑श्यन्ती॒ वयु॑ना॒ जना॑नां दि॒वो दु॑हि॒ता भु॑व॒नस्य॑ प॒त्नी ॥ ७ ०७५ ०४
वा॒जिनी॑वती॒ सूर्य॑स्य॒ योषा॑ चि॒त्राम॑घा॒ राय॑ ई॒शे व॑सूनाम् ।
ऋ॒षिष्टु॑ता ज॒रय॑न्ती म॒घोन्य् उ॒षा उ॑च्छति॒ वह्नि॑भिर् गृ॒णाना॑ ॥ ७ ०७५ ०५
प्रति॑ द्यु॒ताना॑म् अ॒रुषा॑सो अ॒श्वश् चि॒त्रा अ॑दृ॒शन् उ॒षसं॑ वह॒न्तः ।
याति॑ शु॒भ्रा वि॑श्व॒पिशा॑ रथे॒न द॑धाति॒ रत्नं॑ वि॒धते॑ ज॒नाय॑ ॥ ७ ०७५ ०६

स॒त्या स॒त्येभिर् म॒हती म॒हद्भिर् दे॒वी दे॒वेभिर् य॒जता य॒जत्रैः ।
रू॒जद् दृ॒ळ्हा॒नि द॒दद् उ॒स्रिया॑ण॒म् प्र॒ति गा॒व उ॒षसं॑ वाव॒शन्त ॥ ७ ०७५ ०७
नू नो॒ गोम॑द् वी॒रव॑द् धेहि॒ रत्न॑म् उ॒षो अ॒श्वो॒वद् पु॒रुभो॑जो॒ अस्मे ।
मा नो॑ ब॒र्हिः पु॑रु॒षता॑ नि॒दे क॑र् यू॒यम् पा॑त स्व॒स्तिभिः॒ सदा॑ नः ॥ ७ ०७५ ०८

(५९२)

उद् उ॒ ज्योति॑र् अ॒मृतं॑ वि॒श्वज॑न्यं वि॒श्वान॑रः स॒विता॑ दे॒वो अ॒श्रेत् ।
ऋ॒त्वा दे॒वाना॑म् अ॒जनि॑ष्ट च॒क्षुर् अ॒विर् अ॒कर् भु॒वनं॑ वि॒श्वम् उ॒षाः ॥ ७ ०७६ ०१
प्र मे॒ पन्था॑ दे॒व्याना॑ अ॒दृश्र॑न् अ॒मर्ध॑न्तो वसु॒भिर् इ॒ष्कृ॒तासः॑ ।
अभू॑द् उ॒ केतु॑र् उ॒षसः॑ पु॒रस्ता॑त् प्र॒तीच्य॑ आ॒गाद् अ॒धि ह॒र्म्येभ्यः॑ ॥ ७ ०७६ ०२
तानी॑द् अ॒हानि॑ बहु॒लान्य् आ॑सन् या प्रा॒चीन॑म् उ॒दिता॑ सूर्य॒स्य ।
यतः॑ परि॒ जार॑ इ॒वाच॑रन्त्य् उ॒षो द॑दृ॒क्षे न पु॑नर् य॒तीव॑ ॥ ७ ०७६ ०३
त इद् दे॒वानां॑ स॒धमा॑द आ॒सन् ऋ॒तावा॑नः क॒वयः॑ पू॒र्व्यासः॑ ।
गू॒ळ्हं ज्योतिः॑ पि॒तरो॑ अ॒न्व अ॒विन्द॑न् स॒त्यम॑न्त्रा अ॒जन॑यन् उ॒षास॑म् ॥ ७ ०७६ ०४
स॒मान ऊ॒र्वे अ॒धि सं॑ग॒तासः॑ सं जा॒नते॑ न य॒तन्ते॑ मि॒थस् ते ।
ते दे॒वानां॑ न मि॒नन्ति॑ व्र॒तान्य् अ॒मर्ध॑न्तो वसु॒भिर् या॑द॒मानाः ॥ ७ ०७६ ०५
प्र॒ति त्वा॒ स्तोमै॑र् ई॒ळते॑ वसि॒ष्ठा उ॒षर्बु॑धः सु॒भगे॑ तुष्टु॒वांसः॑ ।
गवा॑ने॒त्री वा॒जप॑त्नी न उ॒च्छोषः॑ सु॒जाते॑ प्रथ॒मा ज॑र॒स्व ॥ ७ ०७६ ०६
ए॒षा ने॒त्री रा॒धसः॑ सू॒नृता॑नाम् उ॒षा उ॒च्छन्ती॑ रि॒भ्यते॑ वसि॒ष्ठैः ।
दी॒र्घश्रु॑तं र॒यिम् अ॒स्मे द॒धाना॑ यू॒यम् पा॑त स्व॒स्तिभिः॒ सदा॑ नः ॥ ७ ०७६ ०७

(५९३)

उपो॑ रुरु॒चे यु॒वति॑र् न योषा॒ विश्वं॑ जी॒वम् प्र॑सु॒वन्ती॑ च॒रायै॑ ।
अभू॑द् अ॒ग्निः स॒मिधे॑ मा॒नुषा॑ण॒म् अ॒कर् ज्योति॑र् बा॒धमा॑ना॒ तमांसि॑ ॥ ७ ०७७ ०१
वि॒श्वम् प्र॒तीची॑ स॒प्रथा॑ उद् अ॒स्थाद् रु॒शद् वा॒सो बि॒भ्रती॑ शु॒क्रम् अ॒श्वैत् ।
हि॒रण्य॑वर्णा सु॒दृशी॑कसं॒द्रग् ग॒वाम् मा॒ता ने॒त्र्य् अ॒हाम् अ॒रोचि॑ ॥ ७ ०७७ ०२

दे॒वानां॑ चक्षुः॑ सु॒भगा॑ वह॒न्ती॑ श्वे॒तं न॑यन्ती सु॒दृशी॑क॒म् अ॒श्वम् ।
 उ॒षा अ॑दर्शि र॒श्मिभि॑र् व्यक्ता चि॒त्राम॑घा वि॒श्वम् अ॒नु प्र॑भूता ॥ ७ ०७७ ०३
 अ॒न्ति॒वामा॑ दू॒रे अ॒मित्र॑म् उ॒च्छो॒र्वीं ग॒व्यू॒तिम् अ॒भयं॑ कृ॒धी नः॑ ।
 या॒वय॑ द्वेष॒ आ भ॑रा वसू॒नि चो॒दय॑ रा॒धो गृ॑णते म॒घोनि॑ ॥ ७ ०७७ ०४
 अ॒स्मे श्रे॑ष्ठेभि॒र् भा॒नुभि॑र् वि भा॒ह्य उ॒षो दे॒वि प्र॑तिर॒न्ती न॒ आयुः॑ ।
 इ॒षं च नो॑ दधती वि॒श्ववा॑रे गो॒मद् अ॒श्वव॑द् रथ॒वच् च॒ राधः॑ ॥ ७ ०७७ ०५
 यां त्वा॑ दि॒वो दु॒हित॑र् व॒र्धय॑न्त्य् उ॒षः सु॒जाते॑ म॒तिभि॑र् वसि॒ष्ठाः ।
 सा॒स्मासु॑ धा र॒यिम् ऋ॒ष्वम् बृ॒हन्त॑ यू॒यम् पा॑त स्व॒स्तिभिः॒ सदा॑ नः ॥ ७ ०७७ ०६

(५९४)

प्र॒ति के॒तवः॑ प्रथ॒मा अ॑दृश्रन् ऊ॒र्ध्वा अ॑स्या अ॒ञ्जयो॑ वि श्र॒यन्ते॑ ।
 उ॒षो अ॒र्वाचा॑ बृ॒हता॑ रथे॒न ज्यो॑तिष्मता वा॒मम् अ॒स्मभ्य॑ वक्षि ॥ ७ ०७८ ०१
 प्र॒ति षी॑म् अ॒ग्नि॑र् ज॒रते॑ समि॒द्धः प्र॑ति वि॒प्रासो॑ म॒तिभि॑र् गृ॒णन्तः॑ ।
 उ॒षा या॑ति ज्योति॒षा बा॑ध॒माना॑ वि॒श्व्वा त॑मा॒सि दु॑रि॒ताप॑ दे॒वी ॥ ७ ०७८ ०२
 ए॒ता उ॒ त्याः प्र॑त्य् अ॑दृश्रन् पुर॒स्ताज् ज्यो॑ति॒र् यच्छ॑न्ती॒र् उ॒षसो॑ विभा॒तीः ।
 अ॒जी॒जन॑न् सू॒र्यं य॒ज्ञम् अ॒ग्नि॑म् अ॒पा॒चीनं॑ त॒मो अ॑गाद् अ॒जुष्ट॑म् ॥ ७ ०७८ ०३
 अ॒चे॒ति दि॒वो दु॒हिता॑ म॒घोनी॑ वि॒श्वे प॑श्यन्त्य् उ॒षसं॑ विभा॒तीम् ।
 आ॒स्थाद् रथं॑ स्व॒धया॑ यु॒ज्यमा॑नम् आ यम् अ॒श्वसः॑ सु॒युजो॑ वह॒न्ति ॥ ७ ०७८ ०४
 प्र॒ति त्वा॑द्य सु॒मन॑सो बु॒धन्ता॑स्माका॒सो म॒घवा॑नो व॒यं च॑ ।
 ति॒ल्वि॒लाय॑ध्वम् उ॒षसो॑ विभा॒तीर् यू॒यम् पा॑त स्व॒स्तिभिः॒ सदा॑ नः ॥ ७ ०७८ ०५

(५९५)

व्य् उ॒ ऋ॑ षा आ॒वः प॒थ्या इ॑ जना॒नाम् प॒ञ्च क्षि॑तीर् मानु॒षीर् बो॒धय॑न्ती ।
 सु॒सं॒दृग्भि॑र् उ॒क्षभि॑र् भा॒नुम् अ॒श्रेद् वि॑ सू॒र्यो रो॑द॒सी च॑क्ष॒सावः॑ ॥ ७ ०७९ ०१
 व्य् अ॒ञ्जते॑ दि॒वो अ॒न्तेष्व् अ॒कून् वि॒शो न॑ यु॒क्ता उ॒षसो॑ यतन्ते ।
 सं ते॒ गा॒वस् त॑म॒ आ वर्त॑यन्ति ज्योति॒र् यच्छ॑न्ति स॒विते॑व॒ बा॒हू ॥ ७ ०७९ ०२

अभूद् उषा इन्द्रतमा मघोन्व अजीजनत् सुविताय श्रवांसि ।
 वि दिवो देवी दुहिता दधात्य् अङ्गिरस्तमा सुकृते वसूनि ॥ ७ ०७९ ०३
 तावद् उषो राधो अस्मभ्यं रास्व यावत् स्तोतृभ्यो अरदो गृणाना ।
 यां त्वा जङ्गुर् वृषभस्या रवेण वि दृळ्हस्य दुरो अद्रेर् और्णोः ॥ ७ ०७९ ०४
 देवं-देवं राधसे चोदयन्त्य् अस्मद्रयक् सूनृता ईरयन्ती ।
 व्युच्छन्ती नः सनये धियो धा यूयम् पात स्वस्तिभिः सदा नः ॥ ७ ०७९ ०५

(५९६)

प्रति स्तोमेभिर् उषसं वसिष्ठा गीभिर् विप्रांसः प्रथमा अबुधन् ।
 विवर्तयन्तीं रजसी समन्ते आविष्कृण्वतीम् भुवनानि विश्वा ॥ ७ ०८० ०१
 एषा स्या नव्यम् आयुर् दधाना गृह्वी तमो ज्योतिषोषा अबोधि ।
 अग्र एति युवतिर् अह्रयाणा प्राचिकितत् सूर्यं यज्ञम् अग्निम् ॥ ७ ०८० ०२
 अश्ववतीर् गोमतीर् न उषासो वीरवतीः सदा उच्छन्तु भद्राः ।
 घृतं दुहाना विश्वतः प्रपीता यूयम् पात स्वस्तिभिः सदा नः ॥ ७ ०८० ०३

(५९७)

प्रत्य् उ अदर्श्य आयत्य् उ १ च्छन्ती दुहिता दिवः ।
 अपो महि व्ययति चक्षसे तमो ज्योतिष कृणोति सूनरी ॥ ७ ०८१ ०१
 उद् उस्त्रियाः सृजते सूर्यः सचा उद्यन् नक्षत्रम् अर्चिवत् ।
 तवेद् उषो व्युषि सूर्यस्य च सम् भक्तेन गमेमहि ॥ ७ ०८१ ०२
 प्रति त्वा दुहितर् दिव उषो जीरा अभुत्स्महि ।
 या वहसि पुरु स्पार्हं वनन्वति रत्नं न दाशुषे मयः ॥ ७ ०८१ ०३
 उच्छन्ती या कृणोषि मंहना महि प्रख्यै देवि स्वर् दृशे ।
 तस्यास् ते रत्नभाज ईमहे वयं स्याम मातुर् न सूनवः ॥ ७ ०८१ ०४
 तच् चित्रं राध आ भरोषो यद् दीर्घश्रुत्तमम् ।
 यत् ते दिवो दुहितर् मर्तभोजनं तद् रास्व भुनजामहै ॥ ७ ०८१ ०५

श्रवः! सूरिभ्यो! अमृतं वसुत्वन्नं वाजाः अस्मभ्यं गोमतः ।

चोदयित्री मघोनः! सूनृतावित् उषा उच्छद् अप सिधः! ॥ ७ ०८१ ०६

(५९८)

इन्द्रावरुणा युवम् अध्वराय नो विशे जनाय महि शर्म यच्छतम् ।

दीर्घप्रयज्युम् अति यो वनुष्यति वयं जयेम पृतनासु दूढः ॥ ७ ०८२ ०१

सम्राळ् अन्यः स्वराळ् अन्य उच्यते वाम् महान्ताव् इन्द्रावरुणा महावसू ।

विश्वे देवासः! परमे व्योमनि सं वाम् ओजो वृषणा सम् बलं दधुः ॥ ७ ०८२ ०२

अन्व अपां खान्य् अतृन्तम् ओजसा सूर्यम् ऐरयतं दिवि प्रभुम् ।

इन्द्रावरुणा मदे! अस्य मायिनो ऽपिन्वतम् अपितः पिन्वतं धियः! ॥ ७ ०८२ ०३

युवाम् इद् युत्सु पृतनासु वह्यो युवां क्षेमस्य प्रसवे मितज्ञवः ।

ईशाना वस्व उभयस्य कारव इन्द्रावरुणा सुहवा हवामहे ॥ ७ ०८२ ०४

इन्द्रावरुणा यद् इमानि चक्रथुर् विश्वा जातानि भुवनस्य मज्मना ।

क्षेमेण मित्रो वरुणं दुवस्यति मरुद्भिर् उग्रः शुभम् अन्य ईयते ॥ ७ ०८२ ०५

महे शुल्काय वरुणस्य नु त्विष ओजो मिमाते ध्रुवम् अस्य यत् स्वम् ।

अजामिम् अन्यः श्लथयन्तम् आतिरद् दग्नेभिर् अन्यः प्र वृणोति भूयसः ॥ ७ ०८२ ०६

न तम् अंहो न दुरितानि मर्त्यम् इन्द्रावरुणा न तपः कुतश् चन ।

यस्य देवा गच्छथो वीथो अध्वरं न तम् मर्तस्य नशते परिहृतिः ॥ ७ ०८२ ०७

अर्वाङ् नरा दैव्येनावसा गतं शृणुतं हवं यदि मे जुजोषथः ।

युवोर् हि सख्यम् उत वा यद् आप्यम् मार्डीकम् इन्द्रावरुणा नि यच्छतम् ॥ ७ ०८२

०८

अस्माकम् इन्द्रावरुणा भरे! भरे पुरोयोधा भवतं कृष्योजसा ।

यद् वां हवन्त उभये अध स्पृधि नरस् तोकस्य तनयस्य सातिषु ॥ ७ ०८२ ०९

अस्मे इन्द्रो वरुणो मित्रो अर्यमा दुम्नं यच्छन्तु महि शर्म सप्रथः! ।

अवधं ज्योतिर् अदितिर् ऋतावधो देवस्य श्लोकं सवितुर् मनामहे ॥ ७ ०८२ १०

(५९९)

युवां नरा पश्यमानासु आप्यम् प्राचा गव्यन्तः! पृथुपर्शवो ययुः ।
दासा च वृत्रा हृतम् आर्याणि च सुदासम् इन्द्रावरुणावसावतम् ॥ ७ ०८३ ०१
यत्रा नरः! समयन्ते कृतध्वजो यस्मिन् आजा भवति किं च न प्रियम् ।
यत्रा भयन्ते भुवना स्वर्दृशस् तत्रा न इन्द्रावरुणाधि वोचतम् ॥ ७ ०८३ ०२
सम् भूम्या अन्ता ध्वसिरा अदृक्षतेन्द्रावरुणा दिवि घोष आरुहत् ।
अस्थुर जनानाम् उप माम् अरातयो ऽर्वाग् अवसा हवनश्रुता गतम् ॥ ७ ०८३ ०३
इन्द्रावरुणा वधनाभिर् अप्रति भेदं वन्वन्ता प्र सुदासम् आवतम् ।
ब्रह्माण्य एषां शृणुतं हवीमनि सत्या तृत्सूनाम् अभवत् पुरोहितः ॥ ७ ०८३ ०४
इन्द्रावरुणाव् अभ्य आ तपन्ति माघान्य् अर्यो वनुषाम् अरातयः ।
युवं हि वस्व उभयस्य राजथो ऽध स्मा नो ऽवतम् पार्ये दिवि ॥ ७ ०८३ ०५
युवां हवन्त उभयास आजिष्व इन्द्र च वस्वो वरुणं च सातये ।
यत्र राजभिर् दशभिर् निबाधितम् प्र सुदासम् आवतं तृत्सुभिः सह ॥ ७ ०८३ ०६
दश राजानः समिता अयज्यवः सुदासम् इन्द्रावरुणा न युयुधुः ।
सत्या नृणाम् अद्भसदाम् उपस्तुतिर् देवा एषाम् अभवन् देवहूतिषु ॥ ७ ०८३ ०७
दाशराज्ञे परियत्ताय विश्वतः! सुदास इन्द्रावरुणाव् अशिक्षतम् ।
श्वित्यञ्चो यत्र नमसा कपर्दिनो धिया धीवन्तो असपन्त तृत्सवः ॥ ७ ०८३ ०८
वृत्राण्य् अन्यः समिथेषु जिघ्रते व्रतान्य् अन्यो अभि रक्षते सदा ।
हवामहे वां वृषणा सुवृक्तिभिर् अस्मे इन्द्रावरुणा शर्म यच्छतम् ॥ ७ ०८३ ०९
अस्मे इन्द्रो वरुणो मित्रो अर्यमा दुम्नं यच्छन्तु महि शर्म सप्रथः! ।
अवधं ज्योतिर् अदितेर् ऋतावृधो देवस्य श्लोकं सवितुर् मनामहे ॥ ७ ०८३ १०

(६००)

आ वां राजानाव् अध्वरे ववृत्यां हव्येभिर् इन्द्रावरुणा नमोभिः ।
प्र वां घृताची बाह्वोर् दधाना परि त्मना विषुरुपा जिगाति ॥ ७ ०८४ ०१
युवो राष्ट्रम् बृहद् इन्वति द्यौर यौ सेतृभिर् अरज्जुभिः! सिनीथः ।
परि नो हेळो वरुणस्य वृज्या उरुं न इन्द्रः! कृणवद् उलोकम् ॥ ७ ०८४ ०२

कृतं नो यज्ञं विदथेषु चारुं कृतम् ब्रह्माणि सुरिषु प्रशस्ता ।
 उपो रयिर् देवजूतो न एतु प्र णं स्पार्हाभिर् ऊतिभिस् तिरेतम् ॥ ७ ०८४ ०३
 अस्मे इन्द्रावरुणा विश्ववारं रयिं धत्तं वसुमन्तम् पुरुक्षुम् ।
 प्र य आदित्यो अनृता मिनात्य् अमिता शूरो दयते वसूनि ॥ ७ ०८४ ०४
 इयम् इन्द्रं वरुणम् अष्ट मे गीः प्रावत् तोके तनये तूतुजाना ।
 सुरत्नासो देववीतिं गमेम यूयम् पात स्वस्तिभिः सदा नः ॥ ७ ०८४ ०५

(६०१)

पुनीषे वाम् अरक्षसम् मनीषां सोमम् इन्द्राय वरुणाय जुह्वत् ।
 घृतप्रतीकाम् उषसं न देवीं ता नो यामन् उरुष्यताम् अभीके ॥ ७ ०८५ ०१
 स्पर्धन्ते वा उ देवहूये अत्र येषु ध्वजेषु दिद्यवः पतन्ति ।
 युवं ता इन्द्रावरुणाव् अमित्रान् हतम् पराचः शर्वा विषूचः ॥ ७ ०८५ ०२
 आपश् चिद् धि स्वयशसः सदस्सु देवीर् इन्द्रं वरुणं देवता धुः ।
 कृष्टीर् अन्यो धारयति प्रविक्ता वृत्राण्य् अन्यो अप्रतीनि हन्ति ॥ ७ ०८५ ०३
 स सुक्रतुर् ऋतचिद् अस्तु होता य आदित्य शवसा वां नमस्वान् ।
 आववर्तद् अवसे वां हविष्मान् असद् इत् स सुविताय प्रयस्वान् ॥ ७ ०८५ ०४
 इयम् इन्द्रं वरुणम् अष्ट मे गीः प्रावत् तोके तनये तूतुजाना ।
 सुरत्नासो देववीतिं गमेम यूयम् पात स्वस्तिभिः सदा नः ॥ ७ ०८५ ०५

(६०२)

धीरा त्व् अस्य महिना जनुषि वि यस् तस्तम्भ रोदसी चिद् उर्वी ।
 प्र नाकम् ऋष्वं नुनुदे बृहन्तं द्विता नक्षत्रम् प्रथच् च भूम ॥ ७ ०८६ ०१
 उत स्वया तन्वा ३ सं वदे तत् कदा न्व् अ ष्न्तर् वरुणे भुवानि ।
 किम् मे हव्यम् अहणानो जुषेत कदा मृळीकं सुमना अभि ख्यम् ॥ ७ ०८६ ०२
 पृच्छे तद् एनो वरुण दिदक्षूपो एमि चिकितुषो विपृच्छम् ।
 समानम् इन् मे कवयश् चिद् आहुर् अयं ह तुभ्यं वरुणो हणीते ॥ ७ ०८६ ०३

किम् आगं आस वरुण ज्येष्ठं यत् स्तोतारं जिघांससि सखायम् ।
 प्र तन् मे वोचो दूळभ स्वधावो ऽव त्वानेना नमसा तुर इयाम् ॥ ७ ०८६ ०४
 अव द्रुग्धानि पित्र्या सृजा नो ऽव या वयं चकृमा तनूभिः ।
 अव राजन् पशुतृपं न तायुं सृजा वत्सं न दाम्नो वसिष्ठम् ॥ ७ ०८६ ०५
 न स स्वो दक्षो वरुण धृतिः सा सुरा मन्युर् विभीदको अचित्तिः ।
 अस्ति ज्यायान् कनीयस उपारे स्वप्नश् चनेद् अनृतस्य प्रयोता ॥ ७ ०८६ ०६
 अरं दासो न मीळ्हुषे करण्य् अहं देवाय भूर्णये ऽनागाः ।
 अचेतयद् अचितो देवो अर्यो गृत्सं राये कवितरो जुनाति ॥ ७ ०८६ ०७
 अयं सु तुभ्यं वरुण स्वधावो हृदि स्तोम उपश्रितश् चिद् अस्तु ।
 शं नः क्षेमे शम् उ योगे नो अस्तु यूयम् पात स्वस्तिभिः सदा नः ॥ ७ ०८६ ०८

(६०३)

रदत् पथो वरुणः सूर्याय प्राणांसि समुद्रिया नदीनाम् ।
 सर्गो न सृष्टो अर्वतीर् ऋतायञ् चकार महीर् अवनीर् अहभ्यः ॥ ७ ०८७ ०१
 आत्मा ते वातो रज्ज आ नवीनोत् पशुर् न भूर्णिर् यवसे ससवान् ।
 अन्तर् मही बृहती रोदसीमे विश्वा ते धाम वरुण प्रियाणि ॥ ७ ०८७ ०२
 परि स्पशो वरुणस्य स्मदिष्टा उभे पश्यन्ति रोदसी सुमेके ।
 ऋतावानः कवयो यज्ञधीराः प्रचेतसो य इषयन्त मन्म ॥ ७ ०८७ ०३
 उवाच मे वरुणो मेधिराय त्रिः सप्त नामाङ्ग्या विभर्ति ।
 विद्वान् पदस्य गुह्या न वोचद् युगाय विप्र उपराय शिक्षन् ॥ ७ ०८७ ०४
 तिस्रो द्यावो निहिता अन्तर् अस्मिन् तिस्रो भूमीर् उपराः षड्विधानाः ।
 गृत्सो राजा वरुणश् चक्र एतं दिवि प्रेङ्खं हिरण्ययं शुभे कम् ॥ ७ ०८७ ०५
 अव सिन्धुं वरुणो द्यौर इव स्थाद् द्रप्सो न श्वेतो मृगस् तुविष्मान् ।
 गम्भीरशंसो रजसो विमानः सुपारक्षत्रः सतो अस्य राजा ॥ ७ ०८७ ०६
 यो मृळयाति चक्रुषे चिद् आगो वयं स्याम वरुणि अनागाः ।
 अनु व्रतान्य् अदितैर् ऋधन्तो यूयम् पात स्वस्तिभिः सदा नः ॥ ७ ०८७ ०७

(६०४)

प्र शुन्ध्युवं वरुणाय प्रेष्ठाम् मतिं वसिष्ठ मीळ्हुषे भरस्व ।
य ईम् अर्वाञ्च करते यजत्रं सहस्रामघं वृषणम् बृहन्तम् ॥ ७ ०८८ ०१
अधा न्व् अस्य सदृशं जगन्वान् अग्नेर् अनीकं वरुणस्य मंसि ।
स्व १ र् यद् अश्मन् अधिपा उ अन्धो ऽभि मा वपुर् दृशये निनीयात् ॥ ७ ०८८ ०२
आ यद् रुहाव वरुणश् च नावम् प्र यत् समुद्रम् ईरयाव मध्यम् ।
अधि यद् अपां स्रुभिश् चराव प्र प्रेङ्ख ईङ्ख्यावहै शुभे कम् ॥ ७ ०८८ ०३
वसिष्ठं ह वरुणो नाव्य् आधाद् ऋषिं चकार स्वपा महोभिः ।
स्तोतारं विप्रः! सुदिनत्वे अह्नां यान् नु द्यावस् ततनन् याद् उषासः! ॥ ७ ०८८ ०४
ङ्क १ त्यानि नौ सख्या बभूवुः सचावहे यद् अवृकम् पुरा चित् ।
बृहन्तम् मानं वरुण स्वधावः सहस्रद्वारं जगमा गृहं ते ॥ ७ ०८८ ०५
य आपिर् नित्यो वरुण प्रियः सन् त्वाम् आगांसि कृणवत् सखा ते ।
मा त एनस्वन्तो यक्षिन् भुजेम यन्धि ष्मा विप्रं स्तुवते वरुथम् ॥ ७ ०८८ ०६
ध्रुवासु त्वासु क्षितिषु क्षियन्तो व्य् अ १ स्मत् पाशं वरुणो मुमोचत् ।
अवो वन्वाना अदितेर् उपस्थाद् यूयम् पात स्वस्तिभिः सदा नः ॥ ७ ०८८ ०७

(६०५)

मो षु वरुण मृन्मयं गृहं राजन्न अहं गमम् ।
मृळा सुक्षत्र मृळय ॥ ७ ०८९ ०१
यद् एमि प्रस्फुरन्न इव दृतिर् न ध्मातो अद्रिवः ।
मृळा सुक्षत्र मृळय ॥ ७ ०८९ ०२
ऋत्वः! समह दीनता प्रतीपं जगमा शुचे ।
मृळा सुक्षत्र मृळय ॥ ७ ०८९ ०३
अपाम् मध्ये तस्थिवांसं तृष्णाविदज् जरितारम् ।
मृळा सुक्षत्र मृळय ॥ ७ ०८९ ०४
यत् किं चेदं वरुण दैव्ये जने ऽभिद्रोहम् मनुष्या इ श् चरामसि ।

अचि॑त्ती॒ यत् तव॑ धर्मा॑ युयोपि॒म मा न॒स् तस्मा॒द् एन॑सो देव रीरिषः ॥ ७ ०८९ ०५

(६०६)

प्र वी॑रया शुच॑यो दद्विरे वाम् अध्व॑र्युभिर् मधु॑मन्तः सुतासः॑ ।
वह॑ वायो नियु॑तो याह्य॒ अच्छा॒ पिबा॑ सुतस्यान्ध॑सो मदाय ॥ ७ ०९० ०१
ई॒शा॒नाय॒ प्रहु॑तिं यस् त आ॒नद् छुचि॑ं सोमं शुचि॑पास् तुभ्यं॑ वायो ।
कृ॒णोषि॑ तम् म॒र्त्येषु॑ प्रश॒स्तं जा॒तो-जा॒तो जा॒यते वा॒ज्य् अस्य ॥ ७ ०९० ०२
रा॒ये नु॒ यं ज॒ज्ञतू॑ रोद॑सीमे रा॒ये दे॒वी धि॑षणा॑ धाति॑ देवम् ।
अध॑ वा॒युं नियु॑तः सञ्च॑त॒ स्वा उ॒त श्चे॒तं वसु॑धितिं निरे॒के ॥ ७ ०९० ०३
उ॒च्छन्न॑ उ॒षसः॑ सु॒दिना॑ अरि॒प्रा उ॒रु ज्योति॑र् विवि॒दुर् दी॒ध्यानाः॑ ।
गव्यं॑ चिद् ऊ॒र्वम् उ॒शिजो॑ वि व॒व्रुस् तेषा॑म् अनु॑ प्र॒दिवः॑ स॒स्रुर् आपः॑ ॥ ७ ०९० ०४
ते स॒त्येन॑ मन॑सा दी॒ध्यानाः॒ स्वेन॑ यु॒क्तासः॒ ऋतु॑ना वहन्ति ।
इन्द्र॑वायू वी॒रवा॑हं रथं॑ वाम् ई॒शान॑योर् अ॒भि पृ॑क्षः सचन्ते ॥ ७ ०९० ०५
ई॒शा॒नासो॑ ये दध॑ति॒ स्वर॑ णो गोभिर् अ॒श्वेभिर् वसु॑भिर् हिर॑ण्यैः ।
इन्द्र॑वायू सूर॑यो वि॒श्वम् आ॒युर् अ॒र्वी॒द्विर् वी॑रैः पृ॒तना॑सु स॒ह्युः ॥ ७ ०९० ०६
अ॒र्वन्तो॑ न श्रव॑सो भि॒क्षमा॑णा इन्द्र॑वायू सु॒ष्टुति॑भिर् वसि॒ष्ठाः ।
वा॒ज्यन्तः॒ स्व् अ॒वसे॑ हुवे॒म यू॒यम् पा॑त स्व॒स्तिभिः॒ सदा॑ नः ॥ ७ ०९० ०७

(६०७)

कु॒विद् अ॒ङ्ग नम॑सा॒ ये वृ॒धासः॑ पु॒रा दे॒वा अ॒नव॑द्यास॒ आसन् ।
ते वा॒यवे॑ मन॑वे बा॒धि॒ताया॑वा॒सय॑न् उ॒षसं॑ सूर्ये॑ण ॥ ७ ०९१ ०१
उ॒शन्ता॑ दू॒ता न द॑भाय गो॒पा मा॑सश् च॒ पाथः॑ श॒रद॑श् च॒ पूर्वीः॑ ।
इन्द्र॑वायू सु॒ष्टुति॑र् वाम् इ॒या॒ना मा॑र्डी॒कम् ई॒दृ सु॑वितं च॒ नव्य॑म् ॥ ७ ०९१ ०२
पी॒वोअ॑न्नाः रयि॒वृधः॑ सु॒मेधाः॑ श्चे॒तः सि॑षक्ति॒ नियु॑ताम् अ॒भि॒श्रीः॑ ।
ते वा॒यवे॑ सम॑नसो वि त॑स्थुर् वि॒श्वेन॑ नरः॑ स्व॒प॒त्यानि॑ चक्रुः ॥ ७ ०९१ ०३
या॒वत् तर॑स् त॒न्वो ३ या॒वद् ओ॒जो या॒वन् न॒रश् च॑क्षसा॒ दी॒ध्यानाः॑ ।

शुचिं सोमं शुचिपा पातम् अस्मे इन्द्रवायू सदतम् बर्हिर् एदम् ॥ ७ ०९१ ०४
 नियुवाना नियुतं स्पार्हवीरा इन्द्रवायू सरथं यातम् अर्वाक् ।
 इदं हि वाम् प्रभृतम् मध्वो अग्रम् अधं प्रीणाना वि मुमुक्तम् अस्मे ॥ ७ ०९१ ०५
 या वा शतं नियुतो याः सहस्रम् इन्द्रवायू विश्ववाराः सचन्ते ।
 आभिर् यातं सुविदत्राभिर् अर्वाक् पातं नरा प्रतिभृतस्य मध्वः ॥ ७ ०९१ ०६
 अर्वन्तो न श्रवसो भिक्षमाणा इन्द्रवायू सुष्टुतिभिर् वसिष्ठाः ।
 वाजयन्तः स्व अवसे हुवेम यूयम् पात स्वस्तिभिः सदा नः ॥ ७ ०९१ ०७

(६०८)

आ वायो भूष शुचिपा उप नः सहस्रं ते नियुतो विश्ववार ।
 उपो ते अन्धो मदम् अयामि यस्य देव दधिषे पूर्वपियम् ॥ ७ ०९२ ०१
 प्र सोता जीरो अध्वरेष्व अस्थात् सोमम् इन्द्राय वायवे पिबध्वै ।
 प्र यद् वाम् मध्वो अग्रियम् भरन्त्य् अध्वर्यवो देवयन्तः शचीभिः ॥ ७ ०९२ ०२
 प्र याभिर् यासि दाश्वांसम् अच्छा नियुद्धिर् वायव् इष्टये दुरोणे ।
 नि नो रयिं सुभोजसं युवस्व नि वीरं गव्यम् अश्व्यं च राधः ॥ ७ ०९२ ०३
 ये वायव इन्द्रमादनास आदेवासो नितोशनासो अर्यः ।
 घ्नन्तो वृत्राणि सूरिभिः प्याम सासह्वांसो युधा नृभिर् अमित्रान् ॥ ७ ०९२ ०४
 आ नो नियुद्धिः शतिनीभिर् अध्वरं सहस्रिणीभिर् उप याहि यज्ञम् ।
 वायो अस्मिन् सवने मादयस्व यूयम् पात स्वस्तिभिः सदा नः ॥ ७ ०९२ ०५

(६०९)

शुचिं नु स्तोमं नवजातम् अद्येन्द्राग्नी वृत्रहणा जुषेथाम् ।
 उभा हि वा सुहवा जोहवीमि ता वाजं सद उशते धेष्ठा ॥ ७ ०९३ ०१
 ता सानसी शवसाना हि भूतं साकंवृधा शवसा शूशुवांसा ।
 क्षयन्तौ रायो यवसस्य भूरेः पृङ्क्तं वाजस्य स्थविरस्य घृष्वेः ॥ ७ ०९३ ०२
 उपो ह यद् विदथं वाजिनो गुर् धीभिर् विप्राः प्रमतिम् इच्छमानाः ।
 अर्वन्तो न काष्ठां नक्षमाणा इन्द्राग्नी जोहुवतो नरस् ते ॥ ७ ०९३ ०३

गी॒र्भिर् वि॒प्रः प्र॒मति॑म् इ॒च्छ॒मान॑ इ॒ष्टे॑ र॒यिं य॒शस॑म् पू॒र्वभा॑जम् ।
 इन्द्रा॑ग्नी वृ॒त्रह॑णा सुव॒ज्रा प्र नो॑ न॒व्येभि॑स् तिर॒तं दे॒ष्णैः ॥ ७ ०९३ ०४
 सं यन् म॒ही मि॒थ॒ती स्पर्ध॑माने त॒नुरु॑चा शूर॑सा॒ता य॒तैते॑ ।
 अदे॑वयुं वि॒दथे॑ दे॒वयु॑भिः! स॒त्रा ह॑तं सोम॒सुता॑ जने॒न ॥ ७ ०९३ ०५
 इ॒माम् उ॒ षु सोम॑सु॒तिम् उप॑ न॒ एन्द्रा॑ग्नी सौम॒नसा॑य॒ यात॑म् ।
 नू चि॒द् धि परि॑म॒न्नाथे॑ अ॒स्मान् आ वां श॑श्व॒द्भिर् व॒वृती॑य वा॒जैः! ॥ ७ ०९३ ०६
 सो अ॒ग्न ए॒ना नम॑सा॒ समि॒द्धो ऽच्छा॑ मि॒त्रं वरु॑णम् इन्द्र॑ वो॒चेः ।
 यत् सी॒म् आग॑श् च॒कृमा॑ तत् सु मृ॒ळ तद् अ॒र्य॒मादि॑तिः शि॒श्रथ॑न्तु ॥ ७ ०९३ ०७
 ए॒ता अ॒ग्न आ॑शु॒षाणा॑स॒ इष्टी॑र् यु॒वोः स॒चाभ्य॑ अ॒श्याम॑ वा॒जान् ।
 मेन्द्रो॑ नो वि॒ष्णुर् म॒रुतः॑ परि॑ ख्यन् यु॒यम् पा॑त स्व॒स्तिभिः॑ सदा॑ नः ॥ ७ ०९३ ०८

(६१०)

इ॒यं वा॑म् अ॒स्य म॒न्म॑न॒ इन्द्रा॑ग्नी पू॒र्व्यस्तु॑तिः ।
 अ॒भ्राद् वृ॒ष्टिर् इ॒वाज॑नि ॥ ७ ०९४ ०१
 शृ॒णुतं॑ ज॒रितु॑र् ह॒वम् इन्द्रा॑ग्नी व॒नतं॑ गि॒रः! ।
 ई॒शाना॑ पि॒प्यतं॑ धि॒यः! ॥ ७ ०९४ ०२
 मा पा॑प॒त्वाय॑ नो न॒रेन्द्रा॑ग्नी मा॒भि॒शस्त॑ये ।
 मा नो॑ री॒रध॑तं नि॒दे ॥ ७ ०९४ ०३
 इन्द्रे॑ अ॒ग्ना नमो॑ बृ॒हत् सु॒वृक्ति॑म् ए॒रया॑महे ।
 धि॒या धे॑ना॒ अव॑स्यवः! ॥ ७ ०९४ ०४
 ता हि श॑श्व॒न्त ई॒ळत॑ इ॒त्था वि॒प्रास॑ ऊ॒तये॑ ।
 स॒बाधो॑ वा॒जसा॑तये ॥ ७ ०९४ ०५
 ता वा॑ गी॒र्भिर् वि॒प॒न्यवः॑ प्र॒यस्व॑न्तो ह॒वाम॑हे ।
 मे॒धसा॑ता स॒निष्य॑वः! ॥ ७ ०९४ ०६
 इन्द्रा॑ग्नी अ॒वसा॑ ग॒तम् अ॒स्मभ्य॑ च॒र्षणी॑सहा ।
 मा नो॑ दु॒शंस॑ ई॒शत॑ ॥ ७ ०९४ ०७
 मा क॑स्य॒ नो अ॒र॒रुषो॑ धूर्तिः॒ प्रण॑ङ् म॒र्त्यस्य॑ ।

इन्द्राग्नी शर्म^१ यच्छतम् ॥ ७ ०९४ ०८
 गोमद् धिरण्यवद् वसु यद् वाम् अश्वावद् ईमहे ।
 इन्द्राग्नी तद् वनेमहि ॥ ७ ०९४ ०९
 यत् सोम आ सुते नर^१ इन्द्राग्नी अजोहवुः ।
 सप्तीवन्ता सपर्यवः^१ ॥ ७ ०९४ १०
 उक्थेभिर् वृत्रहन्तमा या मन्दाना चिद् आ गिरा ।
 आङ्गुषैर् आविवासतः ॥ ७ ०९४ ११
 ताव इद् दुशंसम् मर्त्यं दुर्विद्वांसं रक्षस्विनम् ।
 आभोगं हन्मना हतम् उदधिं हन्मना हतम् ॥ ७ ०९४ १२

(६११)

प्र क्षोदसा धायसा सस्र एषा सरस्वती धरुणम् आयसी पूः ।
 प्रबाबधाना रथ्येव याति विश्वा अपो महिना सिन्धुर् अन्याः ॥ ७ ०९५ ०१
 एकाचितत् सरस्वती नदीनां शुचिर् यती गिरिभ्य आ समुद्रात् ।
 रायश् चेतन्ती भुवनस्य भूरेर् घृतम् पयो दुदुहे नाहुषाय ॥ ७ ०९५ ०२
 स वावृधे नयो योषणासु वृषा शिशुर् वृषभो यज्ञियासु ।
 स वाजिनम् मघवद्भयो दधाति वि सातये तन्वम् मामृजीत ॥ ७ ०९५ ०३
 उत स्या नः सरस्वती जुषाणोप श्रवत् सुभगा यज्जे अस्मिन् ।
 मितज्ञाभिर् नमस्याइर् इयाना राया युजा चिद् उत्तरा सखिभ्यः ॥ ७ ०९५ ०४
 इमा जुह्वाना युष्मद् आ नमोभिः प्रति स्तोमं सरस्वति जुषस्व ।
 तव शर्मन् प्रियतमे दधाना उप स्थेयाम शरणं न वृक्षम् ॥ ७ ०९५ ०५
 अयम् उ ते सरस्वति वसिष्ठो द्वाराव् ऋतस्य सुभगे व्य आवः ।
 वर्धं शुभ्रे स्तुवते रासि वाजान् यूयम् पात स्वस्तिभिः सदा नः ॥ ७ ०९५ ०६

(६१२)

बृहद् उ गायिषे वचो ऽसुर्या नदीनाम् ।

सरस्वतीम् इन् महया सुवृक्तिभिः स्तोमैर् वसिष्ठ रोदसी ॥ ७ ०९६ ०१
 उभे यत् ते महिना शुभ्रे अन्धसी अधिक्षियन्ति पूरवः ।
 सा नो बोध्य अवित्री मरुत्सखा चोद राधो मघोनाम् ॥ ७ ०९६ ०२
 भद्रम् इद् भद्रा कृणवत् सरस्वत्य् अकवारी चेतति वाजिनीवती ।
 गृणाना जमदग्निवत् स्तुवाना च वसिष्ठवत् ॥ ७ ०९६ ०३
 जनीयन्तो न्व अग्रवः पुत्रीयन्तः सुदानवः ।
 सरस्वन्तं हवामहे ॥ ७ ०९६ ०४
 ये ते सरस्व ऊर्मयो मधुमन्तो घृतश्रुतः ।
 तेभिर् नो ऽविता भव ॥ ७ ०९६ ०५
 पीपिवांसं सरस्वत् स्तनं यो विश्वदर्शतः ।
 भक्षीमहि प्रजाम् इषम् ॥ ७ ०९६ ०६

(६१३)

यज्ञे दिवो नृषदने पृथिव्या नरो यत्र देवयवो मदन्ति ।
 इन्द्राय यत्र सर्वानानि सुन्वे गमन् मदाय प्रथमं वयश् च ॥ ७ ०९७ ०१
 आ दैव्या वृणीमहे ऽवांसि बृहस्पतिर् नो मह आ सखायः ।
 यथा भवेम मीळ्हुषे अनागा यो नो दाता परावतः पितेव ॥ ७ ०९७ ०२
 तम् उ ज्येष्ठं नमसा हविर्भिः सुशेवम् ब्रह्मणस् पतिं गृणीषे ।
 इन्द्रं श्लोको महि दैव्यः सिषक्तु यो ब्रह्मणो देवकृतस्य राजा ॥ ७ ०९७ ०३
 स आ नो योनिं सदतु प्रेष्ठो बृहस्पतिर् विश्ववारो यो अस्ति ।
 कामो रायः सुवीर्यस्य तं दात् पर्षन् नो अति सञ्चतो अरिष्टान् ॥ ७ ०९७ ०४
 तम् आ नो अर्कम् अमृताय जुष्टम् इमे धासुर् अमृतासः पुराजाः ।
 शुचिक्रन्दं यजतम् पस्त्यानाम् बृहस्पतिम् अनर्वाणं हुवेम ॥ ७ ०९७ ०५
 तं शग्मासो अरुषासो अश्वा बृहस्पतिं सहवाहो वहन्ति ।
 सहश् चिद् यस्य नीलवत् सधस्थं नभो न रूपम् अरुषं वसानाः ॥ ७ ०९७ ०६
 स हि शुचिः शतपत्रः स शुन्ध्युर् हिरण्यवाशीर् इषिरः स्वर्षाः ।
 बृहस्पतिः स स्वाविश ऋष्वः पुरू सखिभ्य आसुतिं करिष्ठः ॥ ७ ०९७ ०७

दे॒वी दे॒वस्य॒ रोद॑सी॒ जनि॑त्री बृ॒हस्पति॑ वावृ॒धतुर् म॑हृ॒त्वा ।
 द॒क्षा॒य्याय॑ दक्षता सखायः॒ कर॑द् ब्रह्म॒णे सु॑तरा॒ सुगा॑धा ॥ ७ ०९७ ०८
 इ॒यं वा॑म् ब्रह्म॒णस् प॑ते सुवृ॒क्तिर् ब्रह्मेन्द्रा॑य व॒ज्रिणे॑ अकारि ।
 अ॒विष्टं॑ धियो॑ जि॒गृत्त॑म् पु॒रधी॑र् ज॒जस्त॑म् अ॒र्यो व॒नुषाम्॑ अ॒रातीः॑ ॥ ७ ०९७ ०९
 बृ॒हस्प॑ते यु॒वम् इन्द्र॑श् च व॒स्वो दि॒व्यस्ये॑शा॒थे उ॒त पा॑र्थि॒वस्य॑ ।
 ध॒त्तं र॒यिं स्तु॑वते की॒रये॑ चिद् यू॒यम् पा॑त स्व॒स्तिभिः॑ सदा॑ नः ॥ ७ ०९७ १०

(६१४)

अध्व॑र्य॒वो ऽरु॑णं दु॒ग्धम् अ॒शुं जु॒होत॑न वृष॒भाय॑ क्षि॒तीना॑म् ।
 गौ॒राद् वेदी॑या॒ अव॑पान॒म् इन्द्रो॑ वि॒श्वाहेद् या॑ति सु॒तसो॑मम् इ॒च्छन् ॥ ७ ०९८ ०१
 यद् दधि॑षे प्र॒दिवि॑ चार्व॒ अन्नं॑ दि॒वे-दिवे॑ पी॒तिम् इद् अ॑स्य वक्षि ।
 उ॒त हृ॒दोत॑ मन॒सा जु॑षा॒ण उ॒शन्न॑ इन्द्र॒ प्रस्थि॑तान् पाहि॒ सोमा॑न् ॥ ७ ०९८ ०२
 ज॒ज्ञानः॑ सोमं स॒हसे॑ पपाथ॒ प्र ते॑ मा॒ता म॑हि॒मान॑म् उवाच ।
 एन्द्र॑ प॒प्राथो॑र्व अ॒र्शुं न्तरि॑क्षं यु॒धा दे॒वेभ्यो॑ वरि॒वश् च॑कर्थ ॥ ७ ०९८ ०३
 यद् यो॒धया॑ म॒हतो॑ मन्य॒मानान्॑ साक्षा॒म तान् बा॒हुभिः॑ शाश॒दानान्॑ ।
 यद् वा॒ नृभिर्॑ वृ॒त इन्द्रा॑भियु॒ध्यास् तं त्वया॑जिं सौ॒श्रव॑सं जये॒म ॥ ७ ०९८ ०४
 प्रेन्द्र॑स्य वोच॒म् प्रथ॑मा कृ॒तानि॑ प्र नू॒तना॑ म॒घवा॑ या च॒कार॑ ।
 यदे॑द् अदे॒वीर् अ॑सहि॒ष्ट मा॒या अथा॑भ॒वत् के॒वलः॒ सोमो॑ अस्य ॥ ७ ०९८ ०५
 तवे॑दं वि॒श्वम् अ॒भितः॑ प॒शव्य॑ श्रुं॒ यत् प॑श्य॒सि च॑क्षा॒सा सूर्य॑स्य ।
 गवा॑म् अ॒सि गो॑पति॒र् एक॑ इन्द्र॒ भक्षी॑महि॒ ते प्र॑य॒तस्य॑ व॒स्वः ॥ ७ ०९८ ०६
 बृ॒हस्प॑ते यु॒वम् इन्द्र॑श् च व॒स्वो दि॒व्यस्ये॑शा॒थे उ॒त पा॑र्थि॒वस्य॑ ।
 ध॒त्तं र॒यिं स्तु॑वते की॒रये॑ चिद् यू॒यम् पा॑त स्व॒स्तिभिः॑ सदा॑ नः ॥ ७ ०९८ ०७

(६१५)

प॒रो मा॑त्र॒या त॒न्वा वृ॒धान॑ न ते॑ म॒हृत्व॑म् अ॒न्व अ॑श्रु॒वन्ति॑ ।
 उ॒भे ते॑ वि॒द्म र॑ज॒सी पृ॒थिव्या॑ वि॒ष्णो दे॒व त्वम् प॑र॒मस्य॑ वित्से ॥ ७ ०९९ ०१

न ते॑ विष्णो॒ जायमानो॒ न जा॒तो देव॑ महि॒म्नः पर॒म् अन्त॑म् आप ।
 उद् अस्त॑भ्ना॒ नाक॑म् ऋ॒ष्वम् बृ॒हन्त॑ दा॒धर्थ॑ प्राची॑ क॒कुभ॑म् पृथि॒व्याः ॥ ७ ०९९ ०२
 इरा॑वती धे॒नुमती॑ हि भू॒तं सू॒यव॑सिनी॒ मनु॑षे दश॒स्या ।
 व्य् अस्त॑भ्ना॒ रोद॑सी विष्णव् ए॒ते दा॒धर्थ॑ पृथि॒वीम् अ॒भितो॑ म॒यूखैः॑ ॥ ७ ०९९ ०३
 उरुं॑ य॒ज्ञाय॑ चक्रथुर् उ॒लोकं॑ ज॒नय॑न्ता॒ सूर्य॑म् उ॒षास॑म् अ॒ग्निम् ।
 दास॑स्य चिद् वृष॒शिप्र॑स्य॒ माया॑ ज॒घ्रथुर्॑ नरा॒ पृत॑नाज्येषु ॥ ७ ०९९ ०४
 इन्द्रा॑विष्णू दृ॒हिताः शम्ब॑रस्य॒ नव॑ पुरो॑ न॒वतिं॑ च॒ श्लथि॑ष्टम् ।
 शतं॑ व॒र्चिनः॑ स॒हस्रं॑ च सा॒कं ह॒थो अ॑प्र॒त्य् असुर॑स्य वी॒रान् ॥ ७ ०९९ ०५
 इय॑म् म॒नीषा॑ बृ॒हती॑ बृ॒हन्तो॑रु॒क्रमा॑ तवसा॑ व॒र्धय॑न्ती ।
 ररे॑ वां स्तोमं॑ वि॒दथे॑षु विष्णो॒ पिन्व॑तम् इषो॑ वृ॒जने॑ष्व् इन्द्र ॥ ७ ०९९ ०६
 वषट्॑ ते विष्णव् आ॒स आ कृ॑णोमि॒ तन् मे॑ जुषस्व शिपिविष्ट ह॒व्यम् ।
 वर्ध॑न्तु॒ त्वा सुष्टु॑तयो॒ गिरो॑ मे॒ यूय॑म् पा॒त स्व॒स्तिभिः॒ सदा॑ नः ॥ ७ ०९९ ०७

(६१६)

नू म॒तो॑ दयते स॒निष्य॑न् यो विष्णव् उरु॒गाया॑य॒ दाश॑त् ।
 प्र यः॑ स॒त्राचा॑ म॒नसा॑ यजा॒त ए॒ताव॑न्तं॒ नय॑म् अ॒विवा॑सात् ॥ ७ १०० ०१
 त्वं विष्णो॑ सु॒मतिं॑ वि॒श्वज॑न्याम् अ॒प्रयु॑ताम् ए॒वया॑वो म॒तिं दाः॑ ।
 प॒र्चो॑ यथा॑ नः सु॒वित॑स्य॒ भूरेर्॑ अ॒श्ववि॑तः पुरु॒श्चन्द्र॑स्य॒ रायः॑ ॥ ७ १०० ०२
 त्रिर् दे॒वः पृथि॑वीम् ए॒ष ए॒तां वि च॑क्रमे श॒तच॑सम् महि॒त्वा ।
 प्र विष्णु॑र् अस्तु॒ तव॑सस् तवी॒यान् त्वेषं॑ ह्य॒ अस्य॑ स्थवि॒रस्य॑ नाम ॥ ७ १०० ०३
 वि च॑क्रमे पृथि॒वीम् ए॒ष ए॒तां क्षे॒त्राय॑ विष्णुर् म॒नुषे॑ दश॒स्यन् ।
 ध्रु॒वासो॑ अस्य की॒रयो॑ जना॒स उरु॑क्षि॒तिं सु॒जनि॑मा चकार ॥ ७ १०० ०४
 प्र तत् ते॑ अ॒द्य शि॑पिविष्ट॒ नामा॑र्यः शं॒सामि॑ व॒युना॑नि वि॒द्वान् ।
 तं त्वा॑ गृणा॒मि त॒वस॑म् अ॒तव्या॑न् क्षय॒न्तम् अ॒स्य रज॑सः प॒राके॑ ॥ ७ १०० ०५
 किम् इत् ते॑ विष्णो॒ परि॑चक्ष्यम् भू॒त् प्र यद् व॑व॒क्षे शि॑पिविष्टो अ॒स्मि ।
 मा व॑पो॑ अ॒स्मद् अप॑ गूह ए॒तद् यद् अ॒न्यरू॑पः स॒मिथे॑ ब॒भूथ॑ ॥ ७ १०० ०६
 वषट्॑ ते विष्णव् आ॒स आ कृ॑णोमि॒ तन् मे॑ जुषस्व शिपिविष्ट ह॒व्यम् ।

वर्धन्तु त्वा सुष्टुतयो गिरो मे यूयम् पात स्वस्तिभिः सदा नः ॥ ७ १०० ०७

(६१७)

तिस्रो वाचः प्र वद ज्योतिरग्रा या एतद् दुहे मधुदोघम् ऊधः ।
स वत्सं कृण्वन् गर्भम् ओषधीनां सद्यो जातो वृषभो रोरवीति ॥ ७ १०१ ०१
यो वर्धन ओषधीनां यो अपां यो विश्वस्य जगतो देव ईशे ।
स त्रिधातु शरणं शर्म यंसत् त्रिवर्तु ज्योतिः स्वभिष्य अस्मे ॥ ७ १०१ ०२
स्तरीर् उ त्वद् भवति सूत उ त्वद् यथावशं तन्वं चक्र एषः ।
पितुः पयः प्रति गृह्णाति माता तेन पिता वर्धते तेन पुत्रः ॥ ७ १०१ ०३
यस्मिन् विश्वानि भुवनानि तस्थुस् तिस्रो द्यावस् त्रेधा सस्रुर् आपः ।
त्रयः कोशास उपसेचनासो मध्वश्चोतन्त्य अभितो विरप्शम् ॥ ७ १०१ ०४
इदं वचः पर्जन्याय स्वराजे हृदो अस्त्व अन्तरं तज् जुजोषत् ।
मयोभवो वृष्टयः सन्त्व अस्मे सुपिप्पला ओषधीर् देवगोपाः ॥ ७ १०१ ०५
स रेतोधा वृषभः शश्वतीनां तस्मिन् आत्मा जगतस् तस्थुषश् च ।
तन् म ऋतम् पातु शतशारदाय यूयम् पात स्वस्तिभिः सदा नः ॥ ७ १०१ ०६

(६१८)

पर्जन्याय प्र गायत दिवस् पुत्राय मीळ्हुषे ।
स नो यवसम् इच्छतु ॥ ७ १०२ ०१
यो गर्भम् ओषधीनां गवां कृणोत्य् अर्वताम् ।
पर्जन्यः पुरुषीणाम् ॥ ७ १०२ ०२
तस्मा इद् आस्ये हविर् जुहोता मधुमत्तमम् ।
इळां नः संयतं करत् ॥ ७ १०२ ०३

(६१९)

संवत्सरं शशयाना ब्राह्मणा व्रतचारिणः ।

वाचम् पर्जन्यजिन्विताम् प्र मण्डूका अवादिषुः ॥ ७ १०३ ०१

दिव्या आपो अभि यद् एनम् आयन् दृतिं न शुष्कं सरसी शयानम् ।

गवाम् अह न मायुर् वत्सनीनाम् मण्डूकानां वग्नुर अत्रा सम् एति ॥ ७ १०३ ०२

यद् ईम् एनाः उशतो अभ्य् अवर्षीत् तृष्यावतः प्रावृष्य आगतायाम् ।

अख्वलीकृत्या पितरं न पुत्रो अन्यो अन्यम् उप वदन्तम् एति ॥ ७ १०३ ०३

अन्यो अन्यम् अनु गृभ्णात्य् एनोर् अपाम् प्रसर्गे यद् अमन्दिषाताम् ।

मण्डूको यद् अभिवृष्टः कनिष्कन् पृश्निः सम्पृङ्क्ते हरितेन वाचम् ॥ ७ १०३ ०४

यद् एषाम् अन्यो अन्यस्य वाचं शाक्तस्येव वदति शिक्षमाणः ।

सर्वं तद् एषां समृधेव पर्व यत् सुवाचो वदथनाध्य् अप्सु ॥ ७ १०३ ०५

गोमायुर् एको अजमायुर् एकः पृश्निर् एको हरित एक एषाम् ।

समानं नाम बिभ्रतो विरूपाः पुरुत्रा वाचम् पिपिशुर् वदन्तः ॥ ७ १०३ ०६

ब्राह्मणासो अतिरात्रे न सोमे सरो न पूर्णम् अभितो वदन्तः ।

संवत्सरस्य तद् अहः परि ष्ट यन् मण्डूकाः प्रावृषीणम् बभूव ॥ ७ १०३ ०७

ब्राह्मणासः सोमिनो वाचम् अक्रत ब्रह्म कृण्वन्तः परिवत्सरीणम् ।

अध्वर्यवो घर्मिणः सिष्विदाना अविर् भवन्ति गुह्या न के चित् ॥ ७ १०३ ०८

देवहितं जुगुप्सुर् द्वादशस्य ऋतुं नरो न प्र मिनन्त्य् एते ।

संवत्सरे प्रावृष्य आगतायां तप्ता घर्मा अश्लुवते विसर्गम् ॥ ७ १०३ ०९

गोमायुर् अदाद् अजमायुर् अदात् पृश्निर् अदाद् धरितो नो वसूनि ।

गवाम् मण्डूका ददतः शतानि सहस्रसावे प्र तिरन्त आयुः ॥ ७ १०३ १०

(६२०)

इन्द्रासोमा तपतं रक्ष उब्जतं न्य् अर्पयतं वृषणा तमोवृधः ।

परा शृणीतम् अचितो न्य् ओषतं हतं नुदेथां नि शिशितम् अत्रिणः ॥ ७ १०४ ०१

इन्द्रासोमा सम् अघशंसम् अभ्य् अ षं तपुर् ययस्तु चरुर् अग्निवाः इव ।

ब्रह्मद्विषे ऋव्यादे घोरचक्षसे द्वेषो धत्तम् अनवायं किमीदिने ॥ ७ १०४ ०२

इन्द्रासोमा दुष्कृतो वरे अन्तर् अनारम्भणे तमसि प्र विध्यतम् ।

यथा नातः पुनर् एकश् चनोदयत् तद् वाम् अस्तु सहसे मन्युमच्च छवः! ॥ ७ १०४ ०३
 इन्द्रासोमा वर्तयतं दिवो वधं सम् पृथिव्या अघशसाय तर्हणम् ।
 उत् तक्षतं स्वर्य ऽ म् पर्वतेभ्यो येन रक्षो वावृधानं निजूर्वथः ॥ ७ १०४ ०४
 इन्द्रासोमा वर्तयतं दिवस् पर्य अग्नितप्तेभिर् युवम् अश्महन्मभिः ।
 तपुर्वधेभिर् अजरेभिर् अत्रिणो नि पशानि विध्यतं यन्तु निस्वरम् ॥ ७ १०४ ०५
 इन्द्रासोमा परि वाम् भूतु विश्वत इयम् मतिः कक्ष्याश्चेव वाजिना ।
 यां वां होत्राम् परिहिनोमि मेधयेमा ब्रह्माणि नृपतीव जिन्वतम् ॥ ७ १०४ ०६
 प्रति स्मरेथां तुजयीद्भिर् एवैर् हतं द्रुहो रक्षसो भङ्गुरावतः ।
 इन्द्रासोमा दुष्कृते मा सुगम् भूद् यो नः कदा चिद् अभिदासति द्रुहा ॥ ७ १०४ ०७
 यो मा पाकेन मनसा चरन्तम् अभिचष्टे अनृतेभिर् वचोभिः ।
 आप इव काशिना संगृभीता असन्न अस्त्व आसत इन्द्र वक्ता ॥ ७ १०४ ०८
 ये पाकशंसं विहरन्त एवैर् ये वा भद्रं दूषयन्ति स्वधाभिः! ।
 अहये वा तान् प्रददातु सोम आ वा दधातु निरृतेर् उपस्थे ॥ ७ १०४ ०९
 यो नो रसं दिप्सति पित्वो अग्ने यो अश्वाणां यो गवां यस् तनूनाम् ।
 रिपु स्तेन स्तेयकृद् दध्रम् एतु नि ष हीयतां तन्वा इ तना च ॥ ७ १०४ १०
 परः सो अस्तु तन्वा इ तना च तिस्रः पृथिवीर् अधो अस्तु विश्वाः! ।
 प्रति शुष्यतु यशो अस्य देवा यो नो दिवा दिप्सति यश् च नक्तम् ॥ ७ १०४ ११
 सुविज्ञानं चिकितुषे जनाय सच्च चासच्च च वचसी पस्पृधाते ।
 तयोर् यत् सत्यं यतरद् ऋजीयस् तद् इत् सोमो ऽवति हन्त्य् आसत् ॥ ७ १०४ १२
 न वा उ सोमो वृजिनं हिनोति न क्षत्रियम् मिथुया धारयन्तम् ।
 हन्ति रक्षो हन्त्य् आसद् वदन्तम् उभाक् इन्द्रस्य प्रसितौ शयाते ॥ ७ १०४ १३
 यदि वाहम् अनृतदेव आस मोघं वा देवा अप्युहे अग्ने ।
 किम् अस्मभ्यं जातवेदो हृणीषे द्रोघवाचस् ते निरुथं सचन्ताम् ॥ ७ १०४ १४
 अद्या मुरीय यदि यातुधानो अस्मि यदि वायुस् ततप पूरुषस्य ।
 अधा स वीरैर् दशभिर् वि यूया यो मा मोघं यातुधानेत्य् आह ॥ ७ १०४ १५
 यो मायातुं यातुधानेत्य् आह यो वा रक्षाः शुचिर् अस्मीत्य् आह ।
 इन्द्रस् तं हन्तु महता वधेन विश्वस्य जन्तोर् अधमस् पदीष्ट ॥ ७ १०४ १६
 प्र या जिगाति खर्गलेव नक्तम् अप द्रुहा तन्व ऽ गूहमाना ।

व॒त्राः अ॒न॒न्ताः अ॒व॒ सा प॒दी॒ष्ट॒ ग्रावा॑णो घ्नन्तु र॒क्षस॑ उप॒ब्दैः ॥ ७ १०४ १७
 वि ति॒ष्ठध्व॑म् मरुतो वि॒क्ष्व् ऐ॒च्छत॑ गृ॒भाय॑त र॒क्षसः॒ सम् पि॑नष्टन ।
 वयो॒ ये भू॒त्वी प॒तय॑न्ति न॒क्तभि॑र् ये वा रि॒पो दधि॑रे दे॒वे अध्व॑रे ॥ ७ १०४ १८
 प्र वर्त॑य दि॒वो अ॒श्मान॑म् इन्द्र॒ सोम॑शितम् मघ॒वन् सं शि॑शाधि ।
 प्रा॒क्ताद् अ॒पा॒क्ताद् अ॒ध॒राद् उ॒द॒क्ताद् अ॒भि ज॑हि र॒क्षसः॒ पर्व॑तेन ॥ ७ १०४ १९
 ए॒त उ॒ त्ये प॑तयन्ति श्वया॒तव॑ इन्द्र॒ दि॒प्सन्ति॑ दि॒प्सवो॑ ऽदा॒भ्यम् ।
 शि॒शी॒ते श॒क्रः पि॒शुने॑भ्यो व॒धं नूनं॑ सृ॒जद् अ॒शनि॑ या॒तुम॑द्भयः ॥ ७ १०४ २०
 इन्द्रो॑ या॒तूना॑म् अ॒भवत् प॑रा॒शरो॑ ह॒विर्म॑थी॒नाम् अ॒भ्य् आ॒ इ॒ विवा॑सताम् ।
 अ॒भीद् उ॑ श॒क्रः प॑र॒शुर् यथा॑ व॒नम् पा॒त्रेव॑ भि॒न्दन् स॒त ए॑ति र॒क्षसः॑ ॥ ७ १०४ २१
 उ॒लू॒कया॑तुं शु॒शु॒लू॒कया॑तुं ज॒हि श्व॑या॒तुम् उ॒त को॑कया॒तुम् ।
 सु॒पर्ण॑या॒तुम् उ॒त गृ॑ध्रया॒तुं दृ॒षदे॑व प्र मृ॒ण र॑क्ष इन्द्र ॥ ७ १०४ २२
 मा नो॒ रक्षो॑ अ॒भि न॑द् या॒तुमा॑व॒ताम् अ॒पो॑च्छतु मिथु॒ना या॑ कि॒मी॒दिना॑ ।
 पृ॒थि॒वी नः॒ पा॒थि॑वात् पा॒त्व अ॑ह॒सो ऽन्त॑रि॒क्षं दि॒व्यात् पा॑त्व अ॒स्मान् ॥ ७ १०४ २३
 इन्द्र॑ ज॒हि पु॑मा॒सं या॑तु॒धान॑म् उ॒त स्त्रि॑यम् मा॒यया॑ शाश॒दाना॑म् ।
 वि॒ग्री॑वा॒सो मू॑र॒देवा॑ ऋदन्तु मा ते दृ॒शन् सूर्य॑म् उ॒च्चर॑न्तम् ॥ ७ १०४ २४
 प्र॒ति च॑क्ष्व॒ वि च॑क्ष्वेन्द्र॒श् च सोम॑ जागृतम् ।
 र॒क्षो॑भ्यो व॒धम् अ॑स्यतम् अ॒शनि॑ या॒तुम॑द्भयः ॥ ७ १०४ २५